



6

19-a

16




Ex Bibliotheca  
majori Coll. Rom.  
Societ. Jesu

20-2-27

20-2-27







# ÈLOGIA SANCTORUM

Extra eorum numerum , quæ ab  
Ecclesia Romana Horariis  
Precibus recitantur ,

EPIGRAMMATIS EXPRESSA

A

CAROLO DE AQUINO

SOCIETATIS JESU.

PARS I.



R O M Æ ,

Ex Typographia Rochi Bernabò , MDCCXXX. +

SUPERIORUM PERMISSU.

$\mu = 1.5 \times 10^{-3}$   
 $\sigma = 1.5 \times 10^{-3}$   
 $\mu = 1.5 \times 10^{-3}$   
 $\sigma = 1.5 \times 10^{-3}$   
 $\mu = 1.5 \times 10^{-3}$   
 $\sigma = 1.5 \times 10^{-3}$



## AD LECTOREM.



U M anno superiore publici juris fecerim Epigrammatis reddita Sanctorum Elogia, quæ ab Ecclesia Romana Honorariis Precibus recitantur, reliquorum tibi additiones in præsentia repræsentō; sed modio, ut ajunt, majus auctarium. Integrum Sacrorum Agminum numerum me esse complexum, universumque eorum censum instituisse, fuge credere. Bibliothecas, quæ ipsorum acta comprehendunt, adire, scrinia, excutere, præmagnæ molis volumina evolvere, gladiatoria firmitatis fuerit; nedum ut pares tanto oneri vires afferri potuisse existimes ab ingravescentis ætatis Scriptore; præsertim hanc tibi Operam navante in secessu Tiburtino, ubi non est, quod multis tibi persuadeam, eximie agri feracis ubertati, haudquaquam parem librorum copiam, & idonea ad manum subsidia



suppetere . Immenſum ea cauſa laborem declinandi gratia , de iis dumtaxat ſcribere ſum aggreſſus , quorum Vitæ ab illuſtri Scriptore Laurentio Surio recensentur ; ejuſdem Hiſtorici chronologicam porrò dierum ſeriem ſubſecutus . Acquo , Lector , ut ſoles ; animo , levidenſi hoc xeniolo fruiere ; dum ad alteram Epigrammatum partem perficiendam adjungere animum non gravabor , ſi Civium Supernorum , quos obnixè oro , obteſtorque , deprecatione , propitium Numen annuerit , me , ut cum Horatio loquar .

. . . . . *integra*  
*Cum mente , nec turpem ſenectam*  
*Degere , nec cythara carentem .*





# CAROLUS STORANUS

Societatis JESU in Provincia Romana  
Præpositus Provincialis.

**C**Um primam partem operis, cui titulus:  
*Elogia Sanctorum extra eorum numerum, quæ ab Ecclesia Romana Horariis Precibus recitantur, Epigrammatis expressa à Carolo de Aquino Soc. Jesu*, aliquot ejusdem Societatis Theologi recognoverint, & in lucem edi posse probaverint, potestate nobis à R. P. Francisco Retz Vicario Generali ad id tradita, facultatem concedimus, ut typis mandetur, si ita iis, ad quos pertinet, videbitur. In quorum fidem has litteras, manu nostra subscriptas, & sigillo nostro munitas dedimus. Romæ die 14. Novemb. 1730.

*Carolus Storani,*

IMPRIMATUR,

Si videbitur Reverendissimo Patri Sacri  
Palatii Apostolici Magistro .

*N. Baccarius Episc. Bojanen. Vicesg.*

---

## APPROBATIO.

**J**ubente Reverendissimo Patre Jo: Benedicto  
Zuanello Sacri Palatii Apostolici Magi-  
stro , expendi Opus inscriptum : *Elogia Sancto-  
rum extra eorum numerum &c. Auctore Carolo  
de Aquino Soc. Jesu , pars I. ,* nihilque in eo de-  
prehendi , quod defleat de orthodoxa Reli-  
gione , castisque moribus Sanctorum Virorum,  
quorum laudes, pius , & elegans Scriptor per-  
sequitur .

Romæ in Cœnobio S. Mariæ supra Mi-  
nervam xvi. Kal. Decembr. MDCCCXXX.

*Fr. Thomas Vincentius Moniglia Ordinis Præ-  
dicatorum .*

AP-

# APPROBATIO.

**E**X mandato Rm̃i P. Joannis Benedicti Zuanelli Magistri Sacri Palatii Apostolici-attentè perlegi librum, cui titulus est: *Elogia Sanctorum extra eorum numerum, quæ ab Ecclesia Romana Horariis Precibus recitantur, Epigrammatis expressa ab Admodum Reverendo Patre Carolo de Aquino Soc. Jesu Theologo*: Nihil prorsus occurrit, quod, vel Catholicis Sanctæ Fidei dogmatibus, vel sanctis moribus obesse possit: Immo plura animadverti, quæ & pietatem legentium, & linguæ latinæ culturam promoverè possint. Hac die vigesima prima Novembris 1730. Ex Monasterio S. Stephani supra Cacum Congregationis Silvestrinæ.

*Ego Ignatius Abbas Cellesius.*




---

IMPRIMATUR,

Fr. Jo: Benedictus Zuanelli Ordinis Prædicatorum, Sacri Palatii Apostolici Magister.

THE UNIVERSITY OF CHICAGO

PHILosophy  
Department

1. The first part of the paper discusses the  
philosophical background of the  
problem. It begins with a brief  
survey of the history of the  
problem, from its origins in  
ancient Greek philosophy to its  
modern formulation in the  
twentieth century. The second  
part of the paper is devoted to  
a detailed analysis of the  
problem itself. It begins with a  
discussion of the various  
interpretations of the problem  
that have been offered by  
philosophers over the years.  
The third part of the paper  
presents the author's own  
solution to the problem. It  
begins with a statement of the  
author's thesis, followed by a  
detailed argument in support of  
it. The fourth part of the  
paper discusses the implications  
of the author's solution for  
other areas of philosophy.

2. The first part of the paper discusses the  
philosophical background of the  
problem. It begins with a brief  
survey of the history of the  
problem, from its origins in  
ancient Greek philosophy to its  
modern formulation in the  
twentieth century. The second  
part of the paper is devoted to  
a detailed analysis of the  
problem itself. It begins with a  
discussion of the various  
interpretations of the problem  
that have been offered by  
philosophers over the years.  
The third part of the paper  
presents the author's own  
solution to the problem. It  
begins with a statement of the  
author's thesis, followed by a  
detailed argument in support of  
it. The fourth part of the  
paper discusses the implications  
of the author's solution for  
other areas of philosophy.

3. The first part of the paper discusses the  
philosophical background of the  
problem. It begins with a brief  
survey of the history of the  
problem, from its origins in  
ancient Greek philosophy to its  
modern formulation in the  
twentieth century. The second  
part of the paper is devoted to  
a detailed analysis of the  
problem itself. It begins with a  
discussion of the various  
interpretations of the problem  
that have been offered by  
philosophers over the years.  
The third part of the paper  
presents the author's own  
solution to the problem. It  
begins with a statement of the  
author's thesis, followed by a  
detailed argument in support of  
it. The fourth part of the  
paper discusses the implications  
of the author's solution for  
other areas of philosophy.



# ELOGIA SANCTORUM MENSIS JANUARIJ.

1. *Januarii.*

S. CONCORDII Martyris.

EPIGR. I.

**M**agnanima irrides rabidi dum voce Tyranni  
Sævitiâ, collo vincula grata geris :  
Vincula, quæ gestas, sed cum dissolvat acerba  
Vulnere, grata magis dura bipennis erit.

S. FULGENTII Episcopi Ruspensis.

EPIGR. II.

**T**ecta petit sacri primævo flore recessus ;  
Clamosi fugiens jurgia rauca Fori :  
Mœsta piis natum frustra divellere castris  
Conatur madido fletibus ore parens :  
Percurrit Pharias studio pietatis arenas ;  
Solivagumque regit Cœnobiarum chorum :  
Non

Non potuit Libycæ sed detrectare tiaræ ,  
Multa licet contra sponte moveret , onus .  
Errantes sincera greges ad pascua duxit ;  
Quos dextra in pravos torsit iniqua vias .  
Non longum chartis transmittere parcit in ævum ,  
In Stygium calamo quæ parat arma Ducem .  
Dividit in turbas demum moriturus egenas ,  
Quas reliquas fecit vita superstes , opes :  
Nimirum , ut superi docuerunt verba Magistri ,  
Aurea fidereum sarcina tardat iter .

S. EUFROSINÆ Virginis .

EPIGR. III.

UT vitet cultu tædas fulgente paratas ,  
Ausâ est mentiri casta Puella virum :  
Deseruit patrios exul generosa penates ,  
Silvicolas inter delituitque Senes :  
Cultores nemorum sacros animosa fefellit ,  
Villosa tenerum cannabe cincta latus .  
Interea Euphrosinen genitor per tecta , per urbes ,  
Triste gemens , longos quæritat usque dies :  
Consultor demum claustrî nemoralis Alumnum ,  
Fama effert raræ quem probitatis , adit .  
Illos forte lares proles ignota tenebat ;  
Delevit priscas nam nova forma notas ;  
Nempe , quaterdenos maciæ confecta per annos ,  
Tabuit exangues attenuata genas .  
Sæpius illa suum affatur malenota parentem ;  
Associatque pios sæpius ore sonos :  
Instare extremam sed cum prænosceret horam ,  
Aggressa his patrem dicitur illa modis :

Par-

Parce, Parens, varias ultra perquirere terras ;  
 Et, si grata tibi est filia, parce queri :  
 Ipsa ego sum, longo moerentem errore viarum ;  
 Quam te perpetuò quærere suasit amor :  
 Mortalis fugi sponsi connubia ; Sponsa  
 Sed nunc siderei Regis ad astra feror .  
 Hæc ubi dicta dedit, fatali saucia telo,  
 Deficiens patrios concidit ante pedes :  
 Amissam doluit ; magis at dolet ille repertam ;  
 Noscere sic Natam poenituitque patrem :  
 Dirigit visu subito ; meruitque supremum  
 Proles in amplexu claudere posse diem ;  
 Sed durum fati instantis compescuit ictum  
 E calo, superis Nata recepta plagis .

## S. ODILONIS Abbatis

## E P I G R. IV.

**D** Istortum membris nutrix malecauta Puellum  
 Fulgentis Templi deferit ante fores :  
 Ille sacram reptans ædem percurrit ; & aram  
 Brachiolis premit terque quaterque suis :  
 Assultu crebro Jessæ à Virgine, fletu  
 Et querulus tenero poscere visus opem :  
 Explicuit demum, tortos quos duxerat, artus,  
 Nutricis repetit liber & ille sinus .  
 Dispensant aliis alii miracula ; salutem  
 Sed Puer optatam comparat iste sibi .

ALIUD.

## A L I U D

## EPIGR. V.

**N**on inopum turbæ parcus succurrere, cultu  
 Austero rigidos transigit ipse dies.  
 Numinis auxilio sinceræ pocula lymphæ  
 In sapidum vertit terque quaterque merum :  
 Trajicit undantes plantis arentibus amnes :  
 Lustrali morbos cedere cogit aqua :  
 Lumine qui captus primo caligat ab ortu,  
 Discutit umbrosas protinus ore notas ;  
 Quæque retenta prius vano languebat hiatu,  
 Solvitur in claros torpida lingua sonos :  
 Prodigis nunquam cessat clarescere ; languor  
 Obtinet imperio Præsulis omnis opem :  
 Siqua vacat miris eventibus hora, videri  
 Prodigiosa magis scilicet illa potest.

## S. EUGENDI Abbatis.

## EPIGR. VI.

**E**cælo Romanus adit te noctis in umbra ;  
 Ad sacri regimen destinat atque Laris :  
 Ipse manu niveos tibi sedulus aptat amictus ;  
 Cingulaque ad geminum nectit adacta latus :  
 Quæ nox alta tulit rerum præfagia, vero  
 Consona continuè præstitit orta dies :  
 Luce nova illustrem in cœtum delata potestas  
 Nimirum meritis, curaque, Dive, tuis :

Pul-



Pulchrior at nituit demissi gratia vultus,  
 Imperii fulsit quo magis auctus honos.  
 Cepisti clavis Superum clarescere donis  
 Jugiter, & cœlo gratificante frui.  
 Præstantis Lictor Stygia de plebe puellæ  
 Torquebat diris membra subacta modis:  
 Lassantur frustra sacri de more Ministri;  
 Frustra iterant validos ore minante sonos:  
 Compellas hostem scripto procul ipse remotus;  
 Obsessosque artus deferuisse jubes:  
 Arripuit celer ille fugam: responsaque tortor  
 A Divo missis sic dedit apta notis.

II. *Januarii.*

S. CLARI Abbatis.

EPIGR. VII.

**D**Um Rhodanū tenui transmittis lintre Puellus,  
 Præcipites voto suplice sistis aquas.  
 Quid faciet; seris veniet cum robur ab annis,  
 Sistere quæ fluvios dextra tenella potest?

ALIUD

EPIGR. VIII.

**V**Inea, quæ gravidis tumuit prius aucta racemis,  
 Squalibat turpi, grandine tacta, situ:  
 Dum questu misero luget sua fata Colonus,  
 Quam rogitat, Divus Numina poscit, opem:  
 Næc

Nec mora : se , collis dorso rediviva supini ,  
 Induit in foetus ditior illa novos .  
 Vineta , ut tanto reparent sua foenore damna ,  
 Quælibet optarint grandinis imbre peti .

### S. MACARII Senioris Abbatis .

#### EPIGR. IX.

**I**N vultus hoste à Stygio mutatur equinos ,  
 Quæ curam casti nupta pudoris habet :  
 Silvicolæ magni precibus sed , Numine dextro ,  
 Ad priscae formæ redditur illa notas .  
 Deferit infantes pueri , quos occupat , artus  
 Tartareus sacro percitus ore Draco .  
 His meruit signis splendescere , fossa jugosis  
 Cautibus annosus dum colit antra Senex .  
 Magnarum erupit laudum resonabilis Echo ;  
 Vicit & angustæ claustra reposita specus .

### S. ADHELARDI Abbatis.

#### EPIGR. X.

**F**Rancigenum celsa spectandus origine Regum ,  
 Inclyta qui claris stemmata ducis avis ,  
 Inclusus claustris penetralibus excolis hortum ;  
 Illustremque gravant sarcula dura manum :  
 Gemmea sed qui sceptræ gerunt , tractasse ligonem  
 Quam vellent , vita deficiente , tuum !

*ALIUD*

## ALIUD

## EPIGR. XI.

**A** Ttonito late fulgens inclaruit orbe  
 Prodigiiis postquam Gallica terra tuis,  
 Te, furiis flagrans immitibus, invida cogit  
 Exilio ignotas quærere turba plagas:  
 Exulis obscuri, Livor, quid inania jactas  
 Nomina? Lux nusquam tanta latere potest.

## S. PETRI AULANI.

## EPIGR. XII.

**Q** Ui tibi quadrifidus festinat funera truncus,  
 Celsa triumphales præstat ad astra gradus.  
 Pollicitis frustra mulcet tua corda Tyrannus;  
 Horrificis frustra territat ille minis:  
 Poenas nempe putas, quæ spondet præmia; vitæ  
 Dona novæ censes, quam vocat ille necem.

11. *Januarii.*

## S. GORDII Martyris.

## EPIGR. XIII.

**P** Roelia certantes edunt dum ludicra turmæ,  
 Illuxit, Mavors, cum tibi festa dies,  
 Tu

Tu damnas furdo ductos e marmore Divos ;  
 Præsidis & jussu fata cruenta subis .  
 Exerces simulata alios quæ pugna , triumphi  
 Vera fuit fuso sanguine pompa tui .

S. GENOVEFÆ Virginis .

EPIGR. XIV.

**T**E sævo mater cædit dum verberè , Solis  
 Amittit , gemino lumine capta , jubar :  
 Verbera prodigiis tu miris dura rependis ;  
 Amisum matri restitulsque diem .  
 Edidit in lucem mater te , Diva ; parenti ,  
 Quam potis es , lucem reddis & ipsa tuæ .

ALIUD

EPIGR. XV.

**D**Um Scythicas metuit populosa Lutetia turmas,  
 Barbarici præceps quas agit ira Ducis ,  
 Dum priscos mœstæ pulsantes ubera matres  
 Cum natis properant deseruisse lares ,  
 Præsidio Superùm tu freta , minantia Regis  
 Vesani cives arma pavere vetas .  
 Undique Sarmatici tempestas cœca Gradivi  
 Gallica terrificis cladibus arva quatit :  
 Moenibus at solum rabies insana pepercit ,  
 Quæ placidus famulis Sequana lambit aquis .  
 Ejectis alii sibi plaudant hostibus ; urbem  
 Divæ major honos , hoste carere , fuit .

I V. *Januarii.*S. GREGORII LINGONENSIS  
Episcopi.

## E P I G R. XVI.

**A**D tumulum pia turba tuum de more cadaver  
Dum sociat ; sacras fundit & ore preces ,  
Detenti foedis obscuri carceris umbris  
Subsidium , pheretro prætereunte , rogant :  
Continuò , mirum ! referantur sponte , rigenti  
Munitæ steterant quæ prius ære , fores :  
Sponte sua duros dissolvunt vincula nexus ,  
Queis prius adstrictæ diriguere manus :  
Exilit , & sacram funus comitatur ad ædem ;  
Integrat atque pios libera turba sonos .  
Corporis , astra petens , solvit qui vincula , pubis  
Captivæ extinctus solvere vincla potest .

## S. RIGOBERTI Episcopi Rhemensis :

## E P I G R. XVII.

**E**Xilio incertas jussus percurrere terras ,  
Dura sub immiti Principe lustra trahit ,  
Littora nimirum petiit diversa , nitoris  
Latius ut radios funderet ille sui .

v. *Januarii.*

## S. APOLLINARIS Virginis.

EPIGR. XVIII.

**U**T liceat rigido vitam tibi ducere cultu,  
 Inter & assiduas continuare preces,  
 Veste rudi mentita virum, pia claustra colentes  
 Occulta Virgo decipis arte Senes.  
 Increpat incestam dum te malecredulus, ipsum  
 Ambiguo patrem decipis ore tuum:  
 Quam Stygio obessam solvis tortore, sororem  
 Mutatis formæ decipis usa notis.  
 Vita referta dolis totum tibi ducta per ævum:  
 Talibus at virtus invidet ipsa dolis.

## S. SIMEONIS STYLITÆ,

EPIGR. XIX.

**O**bscuro serobis immundæ spiramine clausus  
 Transigit ignotos, & sine sole, dies.  
 Abstrusi latitant caveis migrantibus, aurum  
 Qui duris quærunt, effodiuntque jugis:  
 Indeprensa colit terræ dum viscera, vitæ  
 Comparat immensas istæ perennis opes.

ALIUD

## A L I U D

## E P I G R. X X.

V Ertice sublimis figit sua testa Columnæ ;  
 Horrentis foveæ qui modo cultor erat .  
 Tam bene-dimensis qui digerit alta profundis ,  
 Virtutis punctum scilicet omne tulit .

## A L I U D

## E P I G R. X X I.

T E tenet argenti quæ celsa sub axe columna ,  
 Est tibi suplicium , Dive , domusque simul .  
 Non piget hic Cælo , suplex dum Numen adoras ,  
 Elatas solida tollere nocte manus :  
 Non piget informes hiemes , Boreamque furentem ,  
 Non Hyperionias sustinuisse faces :  
 Dura fames cruciat languentia membra : salutas  
 Lucida per longas pervigil astra moras :  
 Erecto perstas dum corpore , tabe maligna  
 Inficiunt molles ulcera foeda pedes .  
 Alcides geminas , non pervia claustra , columnas ,  
 Ambitio posuit non saturata , tibi :  
 Poenarum sed quos habeat Constantia fines ,  
 Quam tu , Dive , colis , celsa Columna notat .

## A L I U D

## E P I G R. X X I I.

A Erei licet alta colas fastigia saxi ,  
 Te Virtus meritis celsius aucta locat .

## ALIUD

## EPIGR. XXIII.

**E** Recta Divi perdurat fronte cadaver ;  
 Sternere nec Pugilem mors violenta potest .  
 Non satis est stantem pugnasse , superstiti vita ;  
 Inviçtus stando dimicat ipse cinis .

## ALIUD

## EPIGR. XXIV.

**E** Celsa jussus descendere , Dive , Columna ,  
 Extensum læto porrigis ore pedem .  
 Membra domas , colis austera dum culmina sedis  
 Dum pares , animi victor es ipse tui .

V I I. *Januarii.*

## S. LUCIANI Martyris .

## EPIGR. XXV.

**P** Rodigiis clarum , doctrinæ & lumine , letho  
 Præceps insani Cæsaris ira dedit :  
 Ponderâ mox saxi gestans religata cadaver  
 In vasti mersum truditur ima maris .  
 Ferbuit insani rabies sed quanta Tyranni ,  
 Delphini pietas tanta , fidesque fuit .

Ille



# SANCTORUM

21

Ille laborantis nitens curvamine dorſi ;  
 Excipit undofis eruta membra vadis ;  
 Mox ſaltu affiliens , fractique aſpergine ponti ;  
 Cærule feſtivum per freta cærpit iter ;  
 Littora cum victor tenuit ſpumantia , terræ  
 Depositu domitis grande reponit aquis ;  
 Ipſe etiam jacuit mox preſa extinctus arena ;  
 Amplexos Divi continuitque pedes :  
 Ad ſocios poterat medias remeare per undas ;  
 Atque iterum lætos implicuiſſe choros ;  
 Sed , quem tanta fides commendat , viſere rursus  
 Æquoris infidæ non meruiſtis aquæ .

VIII. *Januarii* .

S. SEVERINI Confefſoris .

EPIGR. XXVI.

**P**annoniæ geminas furiis hoſtilibus urbes  
 Vexabat , Scythico ſub duce , ſæva phalanx :  
 Altera non pavitat , ſuplex dum ſiſtit ad aras ,  
 Et paret monitis obſequioſa tuis :  
 Altera ſed ſurdas dictis hortantibus aures  
 Dum præſtat , turpi ſtrata recumbit humo .  
 Ipſa ruina juvat : tibi nam ſublime trophæum  
 Urbs impacato diruta Marte fuit .



## S. GUDULÆ Virginis.

## EPIGR. XXVII.

**C** Oncubia dum nocte sacram festinat ad ædem ,  
 Affuctas Virgo solvat ut ore preces ,  
 Extinguit Lictor Stygius , signabat cuncti  
 Quæ callem , clara prævia luce , facem :  
 Illa dolet , templi longinqua ad limina densis  
 Præclusum tenebris dum sibi nescit iter :  
 Poscit opem suplex dum Numinis , aucta favillis  
 Continuo fulsit fax rediviva novis .  
 Tartareum Stygio torquet magis igne tyrannum ,  
 Quæ dedit invisum parvula flamma jubar .

## ALIUD

## EPIGR. XXVIII.

**A** Rida quæ trunco jacuit, contemptaque, ad urnā  
 Virgineam foetu divite planta virescit :  
 Illa etiam , tumulum Divæ procul urbe remotum  
 Dum cultu Princeps nobiliore locat ,  
 Subsequitur , mirum ! fibris excisa cadaver ;  
 Atque novas templi figitur ante fores .  
 Vive diu felix ramis viridantibus arbor ;  
 Latius & lætas tendere perge comas :  
 Virginis excelso quamvis agnata sepulcro  
 Lilia perpetui veris odore fragrent ,  
 Annuit illa tamen , quam laudem suspicor ambis ,  
 Floribus ornari , planta superba , tuis .

I X. *Januarii.*

S. POLYEUCTI Martyris.

E P I G R. XXIX.

**C**æsaris hinc feritas tua pectora, Dive, laceffit,  
Hinc lacrimis Conjux insidiosa suis:  
Sed te sæva minis nec territat ira Tyranni;  
Nec gemitu flectit connubialis amor.  
Adstantis sponsæ fletus, & Cæsaris iram  
Quæ superat, palmas mors habet una duas.

SS. JULIANI Mart., & BASILISSÆ  
Virginis.

E P I G R. XXX.

**S**plendida festivo celebrant connubia cultu;  
Atque iterat lætos nobiliss aula sonos:  
Lilia sed superis fragrant dum lecta viretis,  
Æthereoque nitens spirat odore thorus,  
Virginei sibi jussa notant quæ signa pudoris  
Concordes animi non temerata colunt.  
Felices, thalamus quos Virginitatis amorem,  
Sidereis redolens floribus, ipse docet!

## ALIUD

De S. JULIANO.

EPIGR. XXXI.

**I** Mpia thura Deis immoto corde negantem !  
 Nodosis cædit Præfidis ira flagris :  
 Dirigit primos tortor sed œcus ad ictus ;  
 Exanimique cadunt verbera dura manu :  
 Mox Divi precibus frontis caligine pulsa ,  
 Intrepido fictos increpat ore Deos :  
 Nec mora : crudeli submitteris colla securi  
 Torquetur , Divi qui modo tortor erat .  
 Fortunate nimis jactura lucis amicæ !  
 Æternum peperit cui brevis umbra diem .

## ALIUD.

EPIGR. XXXII.

**I** Mpia cum Sociis damnat dum Numina, Divum  
 Præfidis in medias conjicit ira faces :  
 Illum fiderei sed recreat aura Favonj ;  
 Et latus in verna credit habere rosa .  
 Horrida sanguineo præbens spectacula Circo ,  
 Excludit sævas sævior ille feras :  
 Sed media cursum cohibet famularis in ira ,  
 Et lambit sacros bellua prona pedes .  
 Supplicia absumpsit feritas cum cætera , Divo  
 Ad cælum referat dura bipennis iter :

Si-

Sidera vix subiit, fibris succussa profundis  
 Moenia cum subito pulsa fragore tremunt:  
 Ardua tecta labant; subitosque minantia lapsus  
 Dant sonitum, proprio subsiliuntque situ:  
 Procubuerè solo tumulatis Civibus ædes:  
 Perdidit innumeros una ruina lares:  
 Pulveream attollunt nubem, penitusque dehiscunt  
 Strata repentino murmure templa Deüm.  
 Hos Divo inferias numerosæ stragis acervos  
 Irato vindex misit ab axe Themis.

*x. Januarii.*

S. MARTIANI Confessoris:

E P I G R. XXXIII.

**T**E modicam mendicus opem rogat obvius; artus  
 Detracta nudos tu tibi veste tegis:  
 Turba stupet rutilo sed te velamine tectum,  
 Et plusquam pota membra nitere Tyro:  
 Attrectare audet sed te cum dextera, nudos  
 Comperit extemplo ludificata sinus:  
 Pasce oculos nitidæ, Spectator, vestis amictu;  
 Conatur vanus quam tetigisse labor:  
 Astra super tenui quæ flamine texta coruscat,  
 Ad crassæ tactum non facit illa manus.

S. GUILLELMI Episcopi Bituricensis:

E P I G R. XXXIV.

**E**Rrorum vesana lues infecerat urbes,  
 Quas tumido velox amne Garumna rigat:  
 Tem-

Templorum non ullus honos; simulacraque Divum  
Impete lymphatæ plebis adusta cadunt.

Eloquio Præful turbas lenire furentes

Nititur, & placidis, qua valet arte, modis:

Effera sed rabies dum, cedere nescia, flagrat

Sævius; atque novo gliscit ab hoste furor,

Præcipientes animos compescere cogitur armis,

Quæ Latii jussu Principis æqua movet.

Instruit armato lætas dum milite turmas,

Ad Superos morbo præcoce victus abit.

Ingenio facilis, mitissimus ore, relicto,

Quem parat invitus, sidera Marte colit:

Sufficere inde potest certantibus arma; futuris

Sed non tristari cladibus ille potest.

XI. *Januarii.*

S. THEODOSII Coenobiarchæ.

EPIGR. XXXV.

**A** Spera quæ gestas hirsutis cingula setis;  
Martia te miles dum movet arma, rogat:  
His fretus telis dum prælia miscet, optimam  
Palmarum segetem strenua dextra metit:  
Nec mirum, cinctus mortales hispidus hostes  
Si superat; Srygios vicerat ille prius.

ALIUD

EPIGR. XXXVI.

**S**ervata Heroem dum pellit ab urbe Tyrannus,  
Irato trifidi fulminis igne perit.

Quæ

Quæ tua crudelis cingebat tempora Cæsar ,  
Non Laurus, vivax planta ; Cupressus erat.

## A L I U D

## E P I G R. XXXVII.

**I**N solas Divum extorrem dum projicis oras ,  
Fulmine præcipiti , torve Tyranne , cadis .  
Dum novus Eoas Phaeton incendere terras  
Festinas , parili funere fata subis :  
Stagna tenent veris sed te Cocytia pœnis ;  
Illum, si Famæ credimus , unda Padi .

## A L I U D

## E P I G R. XXXVIII.

**I**Nfani ritus , quæ serpunt noxia , Divus  
Dum valida prohibet dira venena manu ,  
Insontem Cæsar furiata mente remoti  
Exilii cogit fata severa pati .  
Quæ , Princeps , furiis agitat te tristis Erynnis ?  
Perdite , quò demens in tua damna ruis ?  
Nonne vides Cœlo quæ vindice jacta superbum  
Exitiosa petunt tela trifurca caput ?  
Ad Stygiæ transis dum sævæ incendia flammæ ,  
Non est , quod tumeas ætheris igne peti .

XII. *Januarii.*

S. ARCHADII Martyris.

EPIGR. XXXIX.

**F**rustatim ferro cædit tua membra satelles :  
 Pars tibi crudeli a vulnere nulla vacat .  
 Incassum furit ille : magis tua nempe triumphat ,  
 Integra conciso corpore , Dive , fides .

XIII. *Januarii.*SS. HERMYLI , & STRATONICI  
 Martyrum .

EPIGR. XL.

**H**eroes ferro postquam laceravit adunco  
 Tortoris multo verberare fessa manus ,  
 In rapidum laqueis adstrictos projicit Istrum ;  
 Exuvias pronis qui veneratur aquis .  
 I celer , & tumidum subeas jactantior amnis  
 Æquor : opes pelagi non habet unda parcs .

XIV. *Ja-*



XIV. *Januarii.*

S. PONTIANI Martyris.

E P I G R. XLI.

**I** Ncessu ardentis jussus percurrere prunas,  
 Ignitum læta fronte capeffit iter:  
 Festivo gradiens testatur gaudia vultu,  
 Ceu premeret pictis strata vireta rosis.  
 Languit amissis nimirum viribus ignis,  
 Divina victus, qua flagrat ille, face.

SS. Patrum, interemptorum in Sina, &  
 Rhaiti regione.

E P I G R. XLII.

**A** Ssurgit Cœlo summi quæ Numinis hospes,  
 Nubiferisque horrens ardua Sina jugis,  
 Tegmina Silvicolæ palmis contexta colebant,  
 Quas foetu felix ubere gignit humus:  
 Sedat inempta famem silvestribus obvia baccis  
 Esca; sitis riguis pulsaque fontis aquis:  
 Horrentes arcent villosæ vellere brumas;  
 Alget in herbofo stramine dura quies.  
 Austere precibus traducunt tempora vitæ  
 Per loca dispersis dum nemorosa casis,  
 Armatae insiliunt Arabum de gente catervæ,  
 Quas adigit rapto vivere dura fames:  
 Non illis prædas satis est avertere; prædæ  
 Paupere sub tecto si locus ullus erat;

Im-

Immites ferro excindunt agrestia tecta ;  
 Stramineos flammæ corripuere lares .  
 Quin etiam, dictu horrendum! truculenta verendos  
 Invasit rabies non saturata Senes :  
 Expediunt gladios , ignesque ; & strage cruenta  
 Vesanae foedant limina sacra manus :  
 Corpora per densos saltus inhumata relinquunt ,  
 Et demum saevis dilaceranda feris .  
 Non unquam felix scelus est : Astra nocentes  
 Et gladio sequitur vindice laesa reos :  
 Adversa occurrunt alii nam parte Latrones ,  
 Horridaque infesto praelia Marte gerunt :  
 Impia sustinuit validos male turba maniplos ,  
 Caesaque acervato funere complet agros :  
 Funestum rabidis fuerat praedonibus omen ,  
 Infestus summo Numine montis apex :  
 Fulgura namque olim quae miscuit inde , rebelles  
 Nunc etiam merita dextera caede domat .

xv. *Januarii* .

S. JOANNIS Calibytæ Confessoris .

EPIGR. XLIII.

**R** Ex Erebi ad patrios Divum remeare penates  
 Subdolus instigat , dum pia tecta colit ;  
 Gessit & domito ceu victor ab hoste , relicto  
 Dum claustro ad patrios transmigrat ille lares :  
 Mendicum lacero simulat centone , diuque  
 Ignotus patriis sedibus ille latet :  
 Artibus his Heros fallaci illudit Averno ;  
 In Stygium regerit telaque iacta Ducem .

Tol-

## S A N C T O R U M

31

Tolle animos victor, Pugil o fortissime; surgit  
 Tartareo felix cum Duce pugna tibi:  
 Namque tuis, dextro certans quos sidere nectis,  
 Inventor fraudum vincitur ipse dolis.

S. BONITI Episcopi Arvernorum.

## E P I G R. XLIV.

Splendida dum multa suplex prece templa frequen-  
 tas,  
 Cum gemitu & pulsas pectora status humi,  
 Virgo Parens resonis complet concentibus auras,  
 Aligerum famulis associata choris:  
 Tu sacra celebras mense convivium; libas  
 Nazarea & superam Matre jubente dapem:  
 Sed postquam præstans oblata est Victima, claram  
 A grata vestem Virgine munus habes:  
 Non illam gemmis Ganges ornavit, Arachne  
 Distinctam docta nullaque pinxit acu:  
 Ut nullo textum superabile noveris auro,  
 Virgineæ satis est dona fuisse manus.

xvi. *Januarii.*

S. FURSEI Confessoris.

## E P I G R. XLV.

Correptus morbi nocua dum tabe laborat,  
 Et trahit angusto languida membra thoro,  
 Hinc

Hinc illi Stygius furiata mente satelles ;  
 Aliger hinc celfo vifus ab axe Puer .  
 Concurrunt validis certatim viribus ambo ;  
 Ille fibi Divum vindicat , ifte fibi :  
 Enumerat noxas ferus alter , & exprobrat ; alter  
 Objectas rofeo diluit ore notas :  
 Nifu molitur vano dum plurima , Ditis  
 Ad nigros præceps aufugit ille lares :  
 Nectareis alter contra feſe extulit alis ;  
 Ad ſuperas revolat ſplendidiorque plagas .  
 Convaluit Divus poſt hæc bis victor ; Averni  
 Nam palmam , morbi perdomitique , tulit .

SS. BERARDI , PETRI , ACCURSII ,  
 ADJUTI , & OTTONIS  
 Martyrum .

EPIGR. XLVI.

**L** Eſta phalanx, Alvernicolæ præſtanſq; Parentis  
 Gloria , quam palmæ nobilis urit amor ,  
 Marmaricas Zephiris famulantibus appulit oras ,  
 Quas tumido pulſat gurgite rauca Thetis .  
 Monſtra parit tellus ; graſſantes cæde Tyranni  
 Sed vincunt ſævas , quas alit illa , feras .  
 Non illos , ſurdis damnantes culta metallis  
 Numina , barbarici Principis ira tulit :  
 Umbroſis foedi marceſcere carceris umbris ,  
 Ferratis cædi verberibusque jubet .  
 Effera ſed poſtquam rabies non proficit ; addit  
 Quin animis vires poena vel ipſa novas ,

Tor-

Tortoris lentos piget expectare lacertos ;  
 Et longas ultra sustinuisse moras :  
 Trajicit ipse ferox jugulum ; scinditque cruenta  
 Frustratim vultus dilaceratque manu .  
 Fortunata cohors tenuit stellantia Regna ,  
 Quò sibi purpureo sanguine stravit iter .  
 Tunc Libya in palmas sese induit arida tellus ,  
 Squalenti primum pulverulenta situ :  
 Ipse , jugis asper , sublimius extulit Atlas  
 Ornatum lauro tunc viridante caput .

X V I I. *Januarii* :

SS. SPEUSIPPI, ELEUSIPPI, & ME-  
 LEUSIPPI Martyrum.

## E P I G R. XLVII.

**A** Bsumptos reputat spectatrix turba , voraci  
 Quos violens Fratres turbine flamma rapit :  
 Illibata nova sed corpora luce revelat ,  
 Extincto refilit qui levis igne cinis .  
 Non aliter scisso monstrat velamine solem ,  
 Dum cedit medio nubilus axe vapor .

Inventionis SS. DIODORI, MARIA-  
 NI, & aliorum MM.

## E P I G R. XLVIII.

**E**ffossa tellure latent quæ sacra , phalangis  
 Palmigeræ vigiles dum monumenta colunt ,  
 C Cæ-

Cæsaris imperio rupes dejecta precantes  
 Morte cita cædit, contumulatque simul.  
 Mole ruinosa tectos, labentibus annis,  
 Detexit dextro fidere læta dies:  
 Personat Aligerum festis nam cantibus aer  
 E tumulo, & liquidi nectaris aura fragrat:  
 Nec mora: præruptæ ad cavæ pendentia saxa  
 Accelerat cupidos Romula turba gradus:  
 Ipse Parens Latius, coetu comitante Quiritum;  
 Exesa horrendis cautibus antra petit;  
 Disiectamque inter molem quæsitâ, vetustis  
 Eruta ruderibus colligit ossa sinu;  
 Instauratque simul pompæ solemnia; templo  
 Exuvias suplex & renitente locat.  
 Monte superjecto soboles Phlegræa sepulcrum  
 Commeruit; Vates si meruere fidem:  
 Illa furens urnam per sæva tonitrua promit,  
 Et foedo picci turbinis imbre, suam:  
 Sed Cœli Proceres Superum modulamina monstrât,  
 Quique fragrans miro spirat odore cinis.

### S. SULPITII Episcopi Bituricensis.

#### EPIGR. XLIX.

**T**ollitur ante tuam lychnus qui pensilis urnam,  
 Fulmineo extinctus ducit ab igne jubar.  
 Quæ potis est Cœlo clatas evertere turres,  
 Celsaque fumanti sternere templa solo,  
 Prodesse, & placido mansuescere scilicet ictu  
 Discit ab ingenio fulminis ira tuo.

XVIII. *Januarii.*

S. LEOBARDI Confessoris.

EPIGR. L.

**A**rdentes ægro decedere pectore flammæ,  
 Quadrifida signas dum Cruce vina, doces.  
 Prodigii genus insuetum! liquor igneus arcet,  
 Consuevit morbi quas aluisse faces.

XIX. *Januarii.*

S. LAUNOMARI Abbatis.

EPIGR. LI.

**N**utu planta tuo, quæ ferro excisa jacebat.  
 Permutat vastâ mole onerosa locum.  
 Strata licet, truncoque rigens arente, superbit  
 In laudes arbor fertilis illa tuas.

S. VOLSTANI Episcopi Uvigorniensis.

EPIGR. LII.

**A**usa procax claustrî penetralia sacra colentem  
 Foemina te Cypriis sollicitare dolis:  
 Continûd incensus flammis tu nobilis iræ  
 Percutis excussa pellicis ora manu.  
 Erubuit merito generosæ verberare dextræ,  
 Quæ facies omni rafa pudore fuit.

C 2

ALIUD

## ALIUD

## EPIGR. LIII.

**V**Itali dum luce fruens jejunia servas,  
 Emaciata subit pallidus ora color:  
 Præteriit postquam sed cum centesima messis,  
 In tumulo degens florida membra geris.  
 Vita coloratos quos abstulit aspera flores,  
 Fœnore mors amplo reddidit ipsa tibi.

xx. *Januarii.*

## S. EUTHYMII Abbatis.

## EPIGR. LIV.

**S**ilvarum cultor, crasso velamine tectus,  
 Cœnobii quamvis limina sacra colas,  
 Innumera vites properantis ut agmina turbæ,  
 Incertos mutas terque quaterque lares.  
 Siste gradus: cœcas ultra jam parce latebras  
 Quærere; te statio condere nulla potest:  
 Non latitare licet Soli, seu Scorpius illum,  
 Seu teneat rabido fervidus igne Leo.

## ALIUD

## EPIGR. LV.

**E**Rrantes revocas vitiorum tramite lævo  
 Ad dextrum monitis, Dive, salutis iter:  
 Non



Non colubris idem, non læderis ungue ferarum,  
 Occursu crebro quæ tua lustra petunt.  
 Qui potuit turpes animis excindere noxas,  
 A sævis adimit dira venena feris.

X X I. *Januarii.*

S. PATROCLI Martyris.

E P I G R. LVI.

**D** Evinctum manicis, sævæ addictumque securi;  
 Dum te Carnificum turba proterva trahit,  
 Sequana spumosis sese obtulit obviis undis,  
 Qui forte effrenis auctior ibat aquis:  
 Excussis laqueis, supero tu Flamine raptus,  
 Trajicis arenti lata fluenta pede.  
 Sola relicta stupent tortores vincula; nempe  
 Adstringi proprias queis meruere manus.

SS. FRUCTUOSI Episc., AUGURII,  
 & EULOGII Diaconorum.

E P I G R. LVII.

**P** Er medios, palmis aucti victricibus, ignes  
 Victores superas cum tenuere plagas,  
 Objurgant nitida visi de nube Tyrannum,  
 Ingeminant flammæ Tartaræque minas.  
 Extincti elata tantum nunc fronte minantur,  
 Demissa quantum sustinuerunt necem.

## S. MEINRADI Martyris.

## EPIGR. LVIII.

**A**dventare truces angusta in tecta Latrones,  
 Inque tuam noras quos properare necem,  
 Excipis occurſu placido; blandoque paratas  
 Apponis menſæ pauperis ore dapes.  
 Acceptis alii damnis benefacta rependunt;  
 Tu donis etiam damna futura tuis.

## ALIUD

## EPIGR. LIX.

**A**n te tuum ſteterat quæ fax extincta cadaver,  
 Diſpenſat mirum fulgida ſponte jubar;  
 Abſumpſit totas ſed poſtquam vivida ceras,  
 Tegmina funerei corripuitque thori,  
 Tangere compoſitos non auſa immobilis artus,  
 Dirigit ſubito ceu religata gelu.  
 Dic, age; luce nitens, viduo num lumine languens,  
 Prodigioſa magis cerea tæda fuit?

## S. BLESILLÆ Viduæ.

## EPIGR. LX.

**E**xpendis clarum doctæ ſi mentis acumen,  
 Excultam credas Palladis eſſe ſinu;

Ro-

Romuleis fœcunda sonis, fœcunda Pelasgis,  
 Isacidumque sacris psallere docta modis:  
 Juncta thoro, rigidis cruciat sua corpora pœnis;  
 Non thalamum, claustrum quam coluisse putes:  
 Fata subit primo vernantis flore juventæ;  
 Nec mirum modicas si trahit illa moras;  
 Fertilitas fructu quæ præcoce tanta paratur;  
 Non potuit longos sustinuisse dies.

XXII. *Januarii.*

S. EPIPHANII Episcopi Ticinensis.

EPIGR. LXI.

**P** Astoris mira clarescit luce cadaver:  
 Sole superfuso membra nitere putes.  
 Quæ radiis animum decorat cœlestibus, ipsos  
 Hoc artus ornat lumine clara dies.

XXIII. *Januarii.*

S. CLEMENTIS Episcopi Ancyрани,  
 & Martyris.

EPIGR. LXII.

**N** On mihi si centum præstet facundia linguas,  
 Dive, queam pœnas enumerare tuas.  
 Corpora ferratis proscindunt ictibus unci;  
 Innumero in sulcos vulnere sanguis abit:

Tortoris sacras, turbæ spectante corona,  
Indigno cædit verberè palma genas:  
Carceris angustî, religatus brachia vinculis,  
Permutas cœcos terque quaterque lares:  
Innocuos rabies furiosa immittit in artus  
Sæva theatrales quas agit ira feras;  
Invisâ in cineres abeant ut membra, remugit  
Assiliens medio fervida flamma foro:  
Cannabino insutus sacco de vertice montis  
In pelagi jaceris torvâ furentis aquas:  
Ardenti flagras demersus calce; cruentis  
Arida cuspidibus conterit ossa chalybs:  
Cõpora circumfers totum concisa per orbem;  
Plecteris Eois, Occiduisque plagis:  
Lassasti vires gemini ingeniumque Tyranni;  
Irrita septeni Præsidis ira fuit:  
Supplicia haud Feritas quæ plura excogitet, ictus  
Quò recidant, lacerum non tibi corpus habet:  
Integra sola fides firmo sub pectore, damnis  
Vis animi nullis & superanda manet:  
Hora brevis rigidis non te cruciatibus angit;  
Torserunt longa plurima lustra mora:  
Luctantem te supliciis juga celsa, supinæ  
Te valles norunt, te freta falsâ maris:  
Dum sacras demum gladio mactatus ad aras  
Concidis, ipsa tuo templa cruore madent.  
Dicere si fas est, in tot Constantia pœnas  
Sufficere haud quaquam fortius ipsa potest.

S. JOANNIS ELEEMOSYNARII  
Episcopi.

## E P I G R. LXIII.

**D**ive, tibi fulgens aurum mutata ministrat,  
Quæ condit sapidas amphora mellis opes.  
Difficilis frustra stulta fornace metallis,  
Flaventes massas quærit avara manus;  
Dum facilis votis inopum tu consulis, aurum  
Siderea felix Chymicus arte paras.

## A L I U D

## E P I G R. LXIV.

**Q**uæsitam lucro navem conscendit iniquo  
Infitor, infidis vela deditque Notis;  
Sed misero pereunt ipsæ sine fœnore merces,  
Dum certam fallax non habet unda fidem:  
Squalidus occurso, & lacrimis pudibundus obortis,  
Procumbit sacros Præfulis ante pedes:  
Ille gravem placido miseratus pectore sortem,  
Et vultu flexus suplice, dexter adest:  
Triticeis onerat propriis de puppibus unam  
Frugibus, & ventis pandere vela jubet:  
Mercator lætum solvit de littore funem,  
Merce nova dives, qui prope nudus erat:  
Aequora dum remis verrunt spumantia nautæ,  
Ignoto fertur flamine pulsa ratis;  
Non illam vigili nam claviger arte gubernat;  
Nec signant certam sidera nota viam:

Assi-

Assidet ad clavum, dictu mirabile! Præful;  
 Aereoque nitens corpore vela regit:  
 Angligenum terras tenueruat carbasa, tecta  
 Torqueret violens cum Tamesina fames:  
 Festivo urbs fremitu exiliens accurrit in alnum,  
 Quæ solidæ Cereris pondera grata vehit:  
 Institor advectos auro permutat acervos,  
 Et relegit faustum, qua trabe vectus, iter.  
 I felix puppis; tam dextri Castoris usu  
 Nulla per æquoreas cymba cucurrit aquas.

S. HIDELFONSI Episcopi Toletani.

EPIGR. LXV.

**N** Azaræ Matris venturum fulget in ævum  
 Virginitas chartis dum celebrata tuis,  
 Virgo Parens vigiles curas laudata rependit;  
 Te rutila & celso ditat ab axe toga.  
 Eja age: sume libens modulum radiantis amictus,  
 Te super astra sua quo teget illa manu.

XXIV. *Januarii.*

S. BABYLÆ Episcopi, & Martyris.

EPIGR. LXVI.

**A** Templo Augustum grassantem cæde repellit  
 Impacta in pectus terque quaterque manu:  
 Infremit; insano furiatus & impete Cæsar  
 Invisum rigido demetit ense caput.  
 Quo vultu sacra vindex ex æde Tyrannum  
 Arcuit, horrentem sustinet ille necem.

XXV.

XXV. *Januarii.*

SS. JUVENTINI, & MAXIMI  
Martyrum.

EPIGR. LXVII.

**P**ollicitis Cæsar blandis bis terque laceffit  
Invictam Pugilum sollicitatque fidem :  
Inconcuſſa diu demum dum pectora novit ,  
Abſcindi ferro colla rigente jubet .  
Non illi , longo diſtenti tempore , pœnas ;  
Pœnarum lentas ſed timuere moras .

S. EUSEBIÆ cognomento HOSPITÆ .

EPIGR. LXVIII.

**I**ngenui Sponſam cum te dixere parentes ,  
Exilit & feſto murmure læta domus ,  
Aufugis urbe procul , cultus mentita viriles ;  
Quæris & ignotas , æquore vecta , plagas .  
Dum longo pugnant alii certamine , vincunt ;  
Bellatrix palmam , dum fugit , iſta refert .

S. PRÆJECTI Epifcopi Arvernorum ,  
& Martyris.

EPIGR. LXIX.

**D**iſpenſas parvæ convivis fercula menſæ ;  
Suppetit at piſcis copia nulla tibi :

Hau-

Haurit aquas famulus puri dum fontis ad undas ,  
 Hydria præmagno turgida pisce redit .  
 Ludere prodigiis nocti præstantibus ; hamus  
 Est tibi , dives aquis quæ prius urna fuit ;  
 Acquore perque sinus imæ telluris ab alto  
 Ad nutum properat squamea turba tuum .

## ALIUD

## EPIGR. LXX.

**E** Emaciata fame , tritisque inculca lacernis ,  
 Clamitat ante tuas indiga turba fores :  
 Non tibi subsidium par suppetit ; ære minuto  
 Sacculus esuriens nam leve pondus habet :  
 Explorat loculos tua sed dum dextera , multo  
 Auctior argento pulsa crumena sonat :  
 Succrescit quæ mira novo tibi , Præsul , acervo  
 Copia , spes inopum jam saturare potest .  
 Quæ tua te pietas miseris succurrere cogit ,  
 Est radix , loculos apta replere tuos .

## S. POPPONIS Abbatis.

## EPIGR. LXXI.

**E** Xcipit hospitio membris languentibus ægrum ,  
 Quem multo scabies ulcere foeda tegit :  
 Componit mundo sordentia membra cubili ;  
 Angustoque cubat proximus ipse thoro .  
 Non timet ille luem : scabies dum victa recedit ,  
 Candorem puri pectoris illa timet .

ALIUD



## ALIUD

## EPIGR. LXXII.

O Bſita Liſtorem Stygium qui corpora torquet,  
 Incuſſio palmæ verberè, Dive, fugas.  
 Obſequium didicit tortor deferre; pudorem  
 Perdita nam facies diſcere non potuit.

## ALIUD

## EPIGR. LXXIII

A D cineres quæ viva tuos funalia flagrant,  
 Amittunt nullo turbine victa jubar.  
 Aequora pugnantes tollunt ad ſidera venti;  
 Excindunt domitis robora dura jugis;  
 Sed licet effuſis contra luſtentur habenis,  
 Non pavet ad reſonas flammula clara minas.  
 Quis credat lento concretas glutine ceras?  
 Quis putet has tenui luce micare faces?  
 Aeoliis tanto dum robore flatibus obſtant,  
 Aſtra reor tumulo, Dive, nitere tuo.

xxvii. *Januarii.*

S. PAULÆ Viduæ.

## EPIGR. LXXIV.

D Eferis anguſtas Romana ſuperbia moles  
 Quæcis domito victrix extulit orbe caput;  
 Ho-

Hospite mox lustras sacratas Numine terras,  
 In teneras avido pectore prona preces:  
 Bethlææ demum subsistis rupis in antro;  
 Et colis Infanti cognita testæ Deo:  
 Divino tribuit quæ jam cunabula Regi,  
 Matronæ condit membra sepulta, specus:  
 Quin etiam cunas dedit illa; exordia vitæ  
 Certa novæ in superis dum trahit inde plagis.

XXVIII *Januarii.*

S. JACOBI Eremitæ.

EPIGR. LXXV.

**T** Ergeminis cœco lustris licet abditus antro,  
 Umbrosi nemoris concava saxa colat;  
 Ora licet macie circumferat obsita, cultu  
 Vixque ægros artus asperiore trahat;  
 Proh facinus! spoliū violati turpe pudoris,  
 Virginis & cæsæ probra nefanda tulit:  
 Dux Erebi, hortator scelerum, sed divite præda  
 Non abiit, strato lætus & hoste, diu.  
 Criminis hinc Divū gelidus circumstet horror,  
 Et quatit occulto conscia corda flagro;  
 Allicit hinc superi Regis clementia, servos  
 Quæ tulit haud umquam deseruisse suos:  
 Solvitur in lacrimas; meritaque, superstitè vita,  
 Sub tacito poenas solvere corde vovet.  
 Quid faceret? postquam fœdavit crimine tanto  
 Per longas coluit quæ prius antra moras,  
 Scrutatur tenebras; caveaque horrente sepulcri  
 Includit reliquos corpora viva dies.

Non

Non modus excussis hic tundere pectora palmis,  
 Non modus undantes imbre rigare genas:  
 Integrat hic questu assiduo miserabile carmen,  
 Cui reddunt mœstos saxa repulsa sonos.  
 Bina gemens densis traduxit lustra tenebris,  
 In duram nudo pectore pronus humum.  
 Indue, Dive, hilares vultus; ad sidera frontem  
 Erige; pacato Numine, cerne diem:  
 Quam pernox luges, fletu est extincta decenni;  
 Et manet in tumulo culpa sepulta tuo.

S. MARGARITÆ Regis Hungarorum  
 Filiæ.

EPIGR. LXXVI.

**A** Mne minax lato dum turgidus obruit agros,  
 Ad Divæ nutum continet Ister aquas:  
 Subsidunt medio damnosa incendia cursu,  
 Dum celerem suplex Numina poscit opem.  
 Pannonici Regis quæ jam generosa propago  
 Regales renuit fortis adire thoros,  
 Sceptra manu majora gerens, nunc imperat undis,  
 Imperat & flammis, Muleiber, illa tuis.

XXIX. *Januarii.*

S. VALERII Trevirorum Episcopi.

EPIGR. LXXVII.

**F**lavicomis regnant quam late Teutones, auctus,  
 Præside te, fulsit Relligionis honos,  
 Rel-

Relligio miris te clarum eventibus ornat :  
Tu palmas auges illius, illa tuas.

XXXI. *Januarii.*

SS. CYRI Abbatis, & JOANNIS  
Martyrum.

EPIGR. LXXVIII.

**D**Esarit oppressos artus horrentis Averni,  
Exuviis Divûm territa, torva phalanx.  
Ah, fugite hinc Erebi crudelia monstra : favillis  
In vos fulmineis æstuat iste cinis.

S. MELANÆ Romanæ.

EPIGR. LXXIX.

**I**ngenua primis forma spectabilis annis,  
Nupta viro, & generis nomina clara trahens,  
Fulgentes vestes non abnuuit, aspera setis  
Cingula sed cruciant abdita molle latus.  
Qui, pia fucato simulantes pectora vultu,  
Personam ficta religione gerunt,  
Ludibrium debent Erebi cultoribus; ipsæ  
Dum misera sordes ambitione tument :  
Ornatam nitido sed contra vestis amictu,  
Te personatus tollit ad astra rigor.

S. MAR-

## S. MARCELLÆ Viduæ.

## EPIGR. LXXX.

**E**Ffera gens, gelida rapuit quam cœcus ab Arcto  
Ambitus, atque auri non saturata fames,  
Romuleam victrix furiis immanibus urbem  
Diripit, & veteres depopulatur opes.  
Impete dum rabido, ferroque effrenis & igne,  
Cæde madens, vastat compita, templa, domos,  
Infandum! titulis Matrona insignis avitis,  
Exigit innocuos quæ sine labe dies,  
Sustinuit sævi truculentas agminis iras,  
Probrosi duro verberare cæsa flagri.  
Munere sed Superûm, Divæ de cæde furenti  
Latronum turbæ non tumuisse licet:  
Romaque non meruit, servato pignore tanto,  
Barbaricæ dici capta furore manus.



# ELOGIA SANCTORUM MENSIS FEBRUARII.

1. *Februarii* .

SS. PIONII, & Sociorum Martyrum .

EPIGR. I.

**C**Um sociis cœco eruitur de carcere, collo  
Stridentis ferri pondera dura trahens :  
Trunco fixa rudi clavis immitibus, ignis,  
Auctus turbineo flamine, membra vorat .  
Effulgens mira radiat sed luce cadaver ;  
Et roseus pulchro vernat in ore color .  
Quæ tanta nunc luce nitent, consumere flamma  
Cur ausa est subito funere membra, rogas ?  
Absumunt sacros artus incendia, Divo  
Invida sidereum ne remorentur iter .

S. EPHRAEM SYRI.

EPIGR. II.

**L**Abe carens longum quamvis traduxeris ævum,  
Prodigiis toto clarus in orbe tuis,  
Ultima supremas signat cum cera tabellas,  
Laudari populi tu tamen ore vetas .  
Falleris, egregiæ fugiens præconia vitæ:  
Non tua vitari laus sine laude potest .

S.SE-

## S. SEVERI Episcopi Ravennatis .

## E P I G R. III.

**P** Astorem collecta novum dum destinat aris ,  
Fluctuat & dubio pectore , turba frequens ,  
Tu quoque , pannoso templum male tectus amictu ,  
Semota latitans in statione , petis .  
Publica dum suplex oras in commoda , frontem  
Obsidet è cœlo missa columba tuam :  
Illa repulsa licet validis bis terque lacertis ,  
Ad sacrum revolat prodigiosa caput .  
Omne Cœlicolũ dextro latata , salutat  
Custodem vidui te pia turba gregis .  
Non dubitanda tulit veri præsagia , pennis  
Candida quæ niveis nuncia fulsit avis .

S. LAURENTII Archiepiscopi  
Cantuariensis.

## E P I G R. IV.

**I** Ndomitos , flavo nitidos & crine Britannos  
Flectis ad augustæ signa verenda Crucis :  
Sacrilega excindis vultus imitata Deorum  
Marmora ; Cœlicolis splendida templa locas .  
Semota extremis quæ dicitur Anglia terris ,  
Est meritis Cœlo proxima , Dive , tuis .

III. *Februarii.*

SS. CELERINI, &amp; Sociorum MM.

EPIGR. V.

**I**llustri qua stirpe trahis natalia, foetu  
 Ubere, palmarum floruit alma seges :  
 Tu duris victus laqueis plantasque manusque,  
 Confectus longa pallidus ora fame,  
 'Acceleras exempla sequi dum splendida, factis  
 Confirmas omen nominis ipse tui.

IV. *Februarii.*

SS. PHILOREMI, &amp; PHILOÆ MM.

EPIGR. VI.

**I**n victo pœnas dum pectore sustinet alter,  
 Intrepidæ cladis præmia digna tulit :  
 Alter, dum properat velox ad funera, mittit  
 Ad socios propria verba notata manu :  
 Magnanimos Pugiles generosæ occurrere morti,  
 Vincula, flagra, necem non metuisse monet :  
 Quas calamo primum peraravit, funere claro,  
 Subscripsit proprii sanguinis imbre notas.

S.THEO-



## S. THEOPHILI Confessoris.

## EPIGR. VII.

**Q**ui prius innocuæ traduxit tempora vitæ;  
Et coluit firma jusque piumque fide,  
Solicitat magicas ultro male credulus artes,  
Dum cœca demens ambitione furit:  
Ille etiam, dictu horrendum! se mancipat Orco;  
Subscribitque sua fœdera pacta manu.  
Interea tremit occultis mens territa noxis;  
Se pernox furiis torquet & ipsa suis:  
Prætrepidat vitam exosus, spe perditus; ardet  
Nunc flammis, rigido nunc stupet ille gelu:  
Sidereo demum revocatus lumine, voto  
Suplice, Jessæ à Virgine poscit opem:  
Illa viam densa mersis caligine monstrat;  
Illa regit trepidas anchora firma rates:  
Pectora compressis plangit liventia palmis,  
Irriguisque genas fletibus ille rigat:  
In longos ducit soles ieiunia, noctes  
Continuat precibus pervigil, atque dies.  
Oranti superæ Regnatrix adfuit aulæ;  
Pacatæ veniam Proles & ille tulit:  
Conscia consensus fœdi, scelerata papyrus  
In medios jacitur dilacerata focos.  
Felix forte tua: dum, quas tibi culpa paravit,  
Sustinet ardentes pagina sola faces.

## S. REMBERTI Episcopi Bremerensis .

## EPIGR. VIII.

**Q**uadrupedem nitidum, veheris quo, Dive, puellæ  
 Captivæ pretium barbara turba petit :  
 Desiliens pactum saltu , mora nulla , citato ,  
 Et cultu ornatum divite , solvis equum :  
 Amissum , Præsul , ne credas : serviet usu  
 Hic olim sonipes nobiliore tibi :  
 Sidera laurigero scandes cum celsa triumpho ,  
 Victorem dorso te feret ille suo .

v. *Februarii* .

## S. ISIDORI Martyris .

## EPIGR. IX.

**T**empora submittis gladio , bellator in armis  
 Quæ fortis lauro cincta virente geris :  
 Hostili laurus marcescet sanguine parta ,  
 Sed non deficiet sanguine parta tuo .

## S. BERTULPHI Abbatis .

## EPIGR. X.

**D**um sævit pluviis tempestas horrida nimbis ,  
 Atque aer crebro scissus ab igne tonat ,  
 Protegit expansis alis regina volucrum  
 Obsequiosa tuum , nocte rigente , caput .  
 Quanta viri laus est , coeli cui tela repellit ,  
 Quæ valido vindex ungue ministrat , avis !  
ALIUD

## A L I U D

## E P I G R. XI

**A**rdenti sacram quæ turbine corripit ædem,  
 Exuviis parcit flamma retenta tuis.  
 Procumbunt aræ, flagrant velamina, templum  
 Æstuat, horrifono murmure tecta ruunt.  
 Sponte magis credas sævisse incendia laudem,  
 Servata ut meritam clarius ossa ferant.

v 1. *Februarii.*

SS. FAUSTÆ, EVALESII, & MA-  
 XIMI Martyrum.

## E P I G R. XII.

**I**N primo ætatis vernantem flore Puellam  
 Conspirat gemini Præsidis ira ferox.  
 Expediunt clavos, gladios, flagra, vincula, flammæ;  
 Supplicii, Virgo, te genus omne gravat.  
 Non satis est poenas inter gestire; Tyrannum  
 Ignibus è mediis increpitare, leve est:  
 Ritibus à patriis revocat generosa Ministros  
 Cæsaris immites, associatque sibi:  
 Hos sibi consortes diris cruciatibus æquat;  
 Æquat & optatæ cladis honore pares:  
 Hos demum ardenti secum sartagine clausos  
 Ad superas sævo duxit ab igne plagas.

D 4

Præ-

Præsidibus geminis comitata inscendit Olympum,  
 Vulnera quæ gemino à Præside dura tulit.  
 Cæca superstitio, totis expellere terris  
 Te potuit tanto robore firma fides.

## ALIUD

## EPIGR. XIII.

**S** Cindere dum Divam dentatæ lamina ferræ  
 Non valet, inque auras nisus inanis abit,  
 Infremit indignans frustratus tortor, & arma  
 Projicit irata, ceu vitiosa, manu:  
 Falleris, o Licitor, quæ tractas aspera tactu  
 Instrumenta necis, sunt male nota tibi:  
 Quæ Divæ exacuit toties iterata vigorem,  
 Non est obtusa cuspide serra mihi.

S. DOROTHEÆ Virginis & Martyris.

## EPIGR. XIV.

**A**D sævam graderis laqueis dum vincta securim,  
 Ætherei celebras, Divaque, veris opes,  
 Irrisor nequam, superos cum videris hortos,  
 Mitte illinc, dixit, poma, rosasque mihi:  
 Adfuit extemplo stellatæ sedis Alumnus,  
 Mistra recens natis poma tulitque rosis:  
 Expavit nova monstra videns contemptor; amaro  
 Concidit & gemitu Virginis ante pedes:  
 Perfusus lacrimis, generosa voce Tyrannum  
 Increpat, & claram sustinet ense necem.  
 Quæ modo despexit ficto pomaria risu,  
 Ille sibi veris fletibus empta parat.

ALIUD

## A L I U D

## E P I G R. XV.

**E**lysios frondibus lustrasse nitentibus hortos  
Mentitur Phrygium garrula fama Ducem :  
Elysiis fruitur sed non mendacibus, auro  
Splendida qui gestat talia poma manu.

S. VEDASTI Episcopi Atrebatensis :

## E P I G R. XVI.

**S**idera non parcant miris extollere signis ;  
Quam colit innocua cum probitate fidem :  
Laurigeram ut frontem lustrali aspergeret unda ,  
Sequanico Regi prætulit ille facem :  
Non falsi potuit ritus jacuisse tenebris ,  
Cui tantæ fulsit lucis oborta dies .

S. AMANDI Episcopi Trajectensis .

## E P I G R. XVII.

**I**N tua conspirat numerosus fata satelles ;  
Expediit in iussam sævaque tela necem :  
Dum gressu approperant rabido, ruit imber aquarū,  
Et Cœlum trifidæ personat igne facis :  
Turbine fœta ruit cœco nox horrida ; vultus  
Diraque Licetorum non videt ira tuos :  
Agnoscit subito densæ quid noctis amictu ,  
Murmure quid tanto Numina læsa petant ;

Ad

Ad Divi plantas procumbit, pectora plangit  
 Pulsa manu; veniam strataque turba rogat.  
 Tam bene quæ sedat Tortorum corda, sereno  
 Tempestas quovis clarius illa fuit:

VII. *Februarii.*

S. THEODORI Martyris.

EPIGR. XVIII

O Re venenato vastantem culta Draconem  
 Territa commoto pectore turba fugit.  
 Tollentem cristas, & cæcula colla tumentem,  
 Sibila dum tetro gutture longa jacit,  
 Aggreditur Divus; generosum pectus obarmat  
 Augustæ signo sed prius ille Crucis.  
 Vix iniit pugnam, foedam cum saucius alvum,  
 Sanguine deficiens anguis inundat humum;  
 Concidit; immorsaque jacens distentus arena,  
 Occupat, infestus quos populavit, agros:  
 Attollit frontem tamen inde; superbit in ipso  
 Funere; sponte putes sic voluisse mori.  
 Latatur coluber vinci, quo vindice Signo  
 Deposuit Stygius colla superba Draco.

S. PARTHENII Episcopi Lampfaceni.

EPIGR. XIX.

A Divo obfessor Lictor qui pellitur Orci;  
 Quæ me conjicies in loca, Præsul? ait:  
 Ille

Ille refert: loca digna coles; non, more recepto,  
 Ad fœdos jubeo te properare fues:  
 Me pete; quaque vales rabie furibundus in artus  
 Sævire haud parcas, Bellua dira, meos:  
 Horruit ille tremens demissæ, ad murmura vocis;  
 Cocyti & pavitans ocius antra petit;  
 Suspicio atque omnes Erebi conterruit Umbras  
 Exempli novitas, Dive, relata tui,

V I I I. *Februarii.*

S. EUGENII Confessoris, & MARIÆ  
 filiæ Virginis.

## E P I G R. XX.

**N**Ata virum simulans, pater & pia septa frequen-  
 Ad vitæ stimulant quæ melioris iter. (tant,  
 Celsa brevi petit astra pater post tempore; proles  
 Austere cultrix sola relicta domus.  
 Decepti præclara stupent exempla Sodales,  
 Quæ trahit in longos asperiora dies.  
 Non tulit egregias laudes veterator Averni;  
 Occulta & fraudes subdolis arte parat.  
 Fœmina, quæ thalamum fœdavit adultera, Divam  
 Insimulat castum sollicitasse thorum.  
 Imperat innocuam sacro decedere Præses  
 Limine, cui rigidi tradita cura laris.  
 Tergeminos annos argentia frigora, nudo  
 Et trahit learias sub Jove iussa faces.  
 Increpita infensis monitis, vultuque severo,  
 Ad pia vix deum tecta, vocata, redit.

Vi-

Vile ministerium, duos & passa Magistros,  
 Atterit hic teneras fracta labore manus.  
 Serva diu, adversis postremo exercita fatis,  
 Quæ meruit clara præmia more tulit.  
 Dum socii assueto componunt morte cadaver,  
 Detexit veteres foemina visa dolos;  
 Vexatamque diu suplex nunc coetus adorat;  
 Et veniam palmis pectora pulsa rogant.  
 Quo despecta magis jacuit dum vita manebat,  
 Siderea Virgo clarior arce micat.  
 Palmigeras inter meruit radiare phalanges:  
 Tortoris sævam quærere parce manum:  
 Tot probra sustinuit læsi quæ falsa pudoris,  
 Ipsa sibi tortor, poena simulque fuit.

### S. PAULI Episcopi Virdunensis.

#### EPIGR. XXI.

**C**ontigit excoctæ Cereris tibi cura parandæ,  
 Coenobii, Præsul, dum pia tecta colis:  
 Hora vocat Socios ad parcam proxima mensam;  
 Sed non excusso clibanus igne nitet:  
 Fronte cucullata connitens ostia furni,  
 Fumeus ardet adhuc dum vapor, ipse subis:  
 Submovet excurrentes reliquas dum dextera prunas,  
 Æquat & ignitum per latus omne solum,  
 Fervidus inductos ardor non afflat amictus;  
 Non lædit celerem flamma retenta manum:  
 Inferre interea acceleras Cerealia crusta;  
 Protrahat ut nullam sobria mensa moram;  
 Sobria si dici possunt, quæ lauta parantur  
 Prandia, prodigiis & pretiosa tuis.



1 X. *Februarii*.

## S. NICEPHORI Martyris.

## E P I G R. XXII.

**I**N te Saprícus furiis hostilibus ardet,  
 Qui tibi jam socio foedere júnctus erat:  
 Sæpe rogas veniam, siquid deliqueris; ictu  
 Sed vano pulsant pectora dura preces:  
 Supplicia, immitis quæ sæpe iterata Tyranni  
 Exercet rabies aspera, lætus adit;  
 Dum votis suplex instas, pacemque requiris,  
 Ceu venti obdurat flamine pulsa silex:  
 Gaudentem cernis dum sævæ occurrere morti,  
 Conferta' appropèras obvius ipse via;  
 Procumbis genua amplexus; sed suplice vultu  
 Quam rogitas veniam cernuus, ille negat;  
 Pendentem simul excussit cervice securim;  
 Impia sacrilegis thura crematque focus.  
 Numina confestim damnans tu falsa, parato  
 Cervicem ferro subjicis ipse tuam:  
 Ille odio sævit; palmam tu subripis illi:  
 Aptior in prædam dextera nulla fuit:  
 Transmigrat ille ira demens ad tartara; pulchri  
 Tu furti pretium sidera celsa premis.

## A L I U D

## E P I G R. XXIII.

**P**Rædones alii docuerunt vivere rapto;  
 Tu rapto vitam claudere, Dive, doces:  
 S. AN-

S. ANSBERTI Episcopi Rothomagensis.

EPIGR. XXIV.

**I**N tumulo fulgent, Præful, tua brachia, signat  
 Quæ Crux purpureis prodigiosa notis.  
 Sunt hæc nimirum vestigia clara, tulisti  
 Quam docilis, vixit dum tibi vita, Crucis.

S. AUSTREBERTÆ Virginis.

EPIGR. XXV.

**I**Rriguas vitrei ludens dum fontis ad undas,  
 Exploras vultus, casta Puella, tuos,  
 Ornatam velo reddit te lympa, recessus  
 Quod tu mox sacri limine clausa geres.  
 Non est, quod rigidi expectes velamina claustri,  
 Missa tibi excelso quæ prius axe micant.

ALIUD

EPIGR. XXVI.

**N**Arcissus periit, pura spectator in uoda  
 Dum nimium formam deperit ille suam:  
 Clara novæ spondet tibi sed primordia vitæ,  
 Quæ reddit vultus vitrea lympa tuos.

x. *Februarii.*S. GUILLELMI Ducis Aquitanix  
Eremitæ.

EPIGR. XXVII.

**F** Errata in prædas quæ te lorica furem,  
 Et multo foedum sanguinis imbre, tulit,  
 Crimina dum luges, duris adstricta catenis,  
 Nunc torquet nudum, pœna severa, latus.  
 Qui talem potuit post vulnera ferre salutem,  
 Ille tibi thorax, Pelias hasta fuit.

## ALIUD

EPIGR. XXVIII.

**L** Oricæ ærato dum tegmine pectus obarmas,  
 Quam bene, Bellator, consulis ipse tibi:  
 Tartarus innumeros in te dum comparat hostes;  
 Appositè munis ære rigente latus.

xi. *Februarii.*SS. SATURNINI, DATIVI, FELI-  
CIS, & aliorum Martyrum.

EPIGR. XXIX.

**D** Um monumenta sacris propugnat tradita,  
 chartis,  
 Sacrilegis flagrent ne lacerata focis,

Ter-

Terrificis generosa phalanx exercita pœnis,  
 Exiliens tuto tendit ad astra gradu:  
 Scripta fidem faciunt; quæ propugnata salutis,  
 Magnanimi testes atque vigoris habet.

S. SEVERINI Abbatis Agaunensis.

EPIGR. XXX.

**F**Rancigenum Regem, morbosa tabe retentum,  
 Longinqua accitus de regione petit.  
 Ingreditur vix ille viam, cum vincula soluit;  
 Queis potis est nullos edere lingua sonos:  
 Ulcera mox turpi scabie squamosa, salivæ  
 Inpersæ madido protinus imbre cadunt.  
 Quæ suprema aliis est laudum meta, fuisse,  
 Silvarum cultor, quis tibi credat iter?

XII. *Februarii.*

S. MELETII Episcopi Antiocheni.

EPIGR. XXXI.

**D**Um furit in Divū Præses, plebs concita fervet;  
 Torquet in invisum saxaque dura caput:  
 Accurrit propere; sinuosæ vestis amictu  
 Amplexa & Præsul Præsidis ora tegit:  
 Mitem animum facili nec discis ab indole, Præses,  
 Mitior ex odio dum fuit ille tuo?

S. AN-

S. ANTONII Patriarchæ Constanti-  
nopolitani.

## EPIGR. XXXII.

**L** Assatus nunquam miseræ succurrere turbæ,  
 Argento, Præsul, deficiente doles;  
 Incola fidereus cum te petit obvius; auri  
 Inferit inque tuam pondera multa manum.  
 Aligeros cœlo lapsos habuisse Ministros  
 Quæ meruit, pietas, dic, age, quanta fuit!

XIIII. *Februarii.*

## S. MARTINIANI Eremitæ.

## EPIGR. XXXIII.

**Q**Uæ nemorosa colis, Stygia de plebe fatelles  
 Concussa horrendo tecta tremore quatit:  
 Audacem increpitas, pavitans fugit ille; cavernas  
 Tartareasque sono cum reboante redit.  
 Non Divi, angusta quassata sede; ruinam  
 Bellua moliris sed truculenta tuam.

## ALIUD

## EPIGR. XXXIV.

**C**Orniger, incassum valido de robore turges,  
 Dum quatis horrida rustica tecta manu:  
 Gloria nempe ingens, dum vires exeris omnes,  
 Sternere stramineam te potuisse casam!

E

ALIUD

## ALIUD

## EPIGR. XXXV.

**S**ilvicolæ oppugnâs congestum cespite tectum,  
 Qui sceptrum Regni nocticoloris habes:  
 Bellator vilis, quid inania prælia misces?  
 Concute inoffensam, qua valet ille, fidem:  
 Pectoris invicti firmam si straveris arcem,  
 Laus tibi tunc ingens, tunc mihi victor eris,

XIV. *Februarii.*

S. VALENTINI Presbyteri.

## EPIGR. XXXVI.

**A**sterii natam dum cassam lumine soli  
 Restituis, damnat Numina falsa pater.  
 Orta dies natæ, verum peritura, parenti  
 Effulsit nunquam sed peritura dies.

S. VALENTINI Episcopi Interamnenfis.

## EPIGR. XXXVII.

**C**ontracta in nodum dissolvis membra puelli,  
 Veste super stratus dum cubat ille tua.  
 Talia quæ præstat, setis licet aspera, vestis,  
 Est mihi regali murice clara magis.

ALIUD

## A L I U D

## E P I G R. XXXVIII.

**H** Irfuto stratum puerum dum vellere cernis,  
 Qui membra infelix agglomerata trahit,  
 Exclamas forsan turbato pectore; curat  
 Distortum Præful, torquet an ille magis?  
 Suppositis geminat Divus miracula fetis,  
 Quæ Divûm soboles cætera, sola facit.

## S. AUXENTII Abbatis.

## E P I G R. XXXIX.

**D** Um tunicam te pofcit inops, difcede, reponis;  
 Utque aliam mittant, Numina celfa roga:  
 Tradideras miferis nimirum indufia turbis  
 Plurima; quam gefas, unica veftis erat:  
 Clara micat pietas tua dum fuccurrit egenis,  
 Dum negat, emicuit clarior illa tibi.

X V I. *Februarii.*

## S. ONESIMI Martyris.

## E P I G R. XL.

**S** ervus eras: generofa fubis dum funera virgis,  
 Jam rude donatus, liber ad aftra volas.

E 2

S. JU-

## S. JULIANÆ Virginis, &amp; Martyris.

## EPIGR. XLI.

**A** Spera demisso traheret cum vincula collo,  
 Vineta pedes, teneras vineta Puella manus,  
 Olli Erebi Licetor miro fulgore refulsit,  
 Siderei civis subdolan ora ferens;  
 Mentitusque pios vultus, in funera, dixit,  
 Grata Deo Virgo, quo male sana ruis?  
 Ipse tibi summis misit me Sponsus ab astris;  
 Et monitus, docilis quos sequerere, dedit:  
 Non ille hos ultra proscindi sustinet artus,  
 Pectora non duris dilacerata flagris:  
 Heu, male deformas, quos deperit ille, capillos,  
 Pendula quos fluido foeda cruore geris:  
 Num ferat ignitum sævisse in mollia ferrum  
 Ubra, non tacta candidiora nive?  
 Si rigidis reputas lætari Numina poenis,  
 Falleris; asperitas non decet ista Deum.  
 Cæsaris imperio quin flecteris? aurea Divum  
 Inque breves saltem quin colis ora moras?  
 Crimen abest cultu; si cultu crimen in illo est,  
 Lacrima mox noxam diluet una levem:  
 Si nescis, Sponsus nimis est placabilis; illi  
 Magnanimo pietas plurima corde viget.  
 Diriguit dictis Virgo conterrita; miris  
 Corde sub ancipiti fluctuat atque modis:  
 Impia verba sonant; verbis sed forma repugnat,  
 Nunc ea suspectam, nunc facit ista fidem.  
 Vertitur ad Cælum; dubiæ succurrere menti  
 Et prece sollicita Numina celsa rogat.

Pro-



Prodigiis fit certa fides : quæ dura premebant  
Innocuos artus vincula , sponte cadunt .  
Tartarci patuere doli : non corpora solum ,  
Dissolvunt mentis sed quoque vincla metum .  
Exsurgit Virgo ; meritasque reposcere poenas  
A capite inviso nobilis ira flagrat .  
Nec mora : stridentis disiecto pondere ferri  
Mendacis monstri colla proterva gravat :  
Nec fatis : æratis religatos nexibus artus  
Verberat ultrici terque quaterque manu :  
Roboreis cæsum virgis , tectumque pudore ,  
Tartareos demum jussit adire lacus .  
Hos animos fortasse Parens si prima tulisset ,  
Nullus , qui terras perderet , anguis erat .

SS. PAREGORII , & LEONIS Mar-  
tyrum .

E P I G R. XLII.

**S** Idereas postquam tenuit Paregorius arces ,  
Quem fera crudelis sustulit ira manus ,  
Optatæ jungi flagrat Leo munere fortis ,  
Cui parili vitæ fœdere junctus erat ;  
Annuat & votis Numen ; nam torridus amnis  
Demersum tumidis in mare vexit aquis .  
Accelerasse gradus rapido cum gurgite credas ,  
Ut Socii posset funera clara sequi .

XIX. *Februarii.*

S. AUXIBII Episcopi Solienſis.

EPIGR. XLIII.

**A**D cineres dum, Dive, tuos obſeſſa malignis  
 Cocyti monſtris, plurima turba migrat,  
 Agmina vix ingreſſa viam tu, lapſus ab aſtris,  
 Dimittis nutu libera facta tuo.  
 Quam bene nos docuit prævertere vota precantum:  
 Vix quidquam pietas lenta favoris habet.

XX. *Februarii.*SS. SADOOTH Episcopi, & Sociorum  
Martyrum,

EPIGR. XLIV.

**R**Egis Achæmenii rigidam ſubiere ſecurim  
 Imperio, ſolem dum coluiſſe negant.  
 Perfide Regnator, ſolem, quem ſtultus adoras,  
 Caſa triumphali nunc pede turba premit.

S. EUCHERII Episcopi Aurelianenſis.

EPIGR. XLV.

**S**Ponte ſua renovat ceras fax candida, Divi  
 Quæ puro ad tumulum pervigil igne nitet:  
 Ex-

Extincta æquali succrescit pondere ; candor ,  
 Formaue , flagranti quæ fuit ante , manet .  
 Qui factum rogitas ? superis advecta viretis ,  
 Hæc , reor , æthereæ dona tulistis apes .

X X I. *Februarii.*

S. PIPINI, primi Ducis Brabantiae .

E P I G R. XLVI.

**E**Xuvias fax multa tuas comitatur ad urnam ,  
 Dum longo suplex ordine turba migrat ;  
 Impete nulla tamen ventorum læditur , algens  
 Horrificos quamvis ederet aura sonos .  
 Francigenum , dum vita fuit , qui flexit habenas ,  
 Extinctus pennis imperat , Eure , tuis .

X X I V. *Februarii.*

SS. MONTANI, LUCII, JULIANI,  
 & aliorum Martyrum .

E P I G R. XLVII.

**E**Suriem , virgas , sævo cum carcere flammæ ,  
 Impavido præstans pectore turba subit .  
 Aspera fronte ferunt læta certamina ; mœsta ,  
 Quæ dilata timent , funera fronte ferunt .

XXV. *Februarii.*

S. TARASII Episcopi Constantinopolitani.

EPIGR. XLVIII.

**C**onfectus senio Præsul, jam morte propinqua,  
 Expectat meritis præmia digna suis:  
 Languentem morbo Ditis de valle profunda  
 Egressæ invadunt, affiliuntque feræ.  
 Quam diræ facies! vibratis cornibus instant;  
 Obsidet exiguum plurima turba thorum;  
 Exertant fœdos incomptis saltibus ungues;  
 Perstrepat horrifico cauda rotata sono:  
 Effrena incassum rabie domat ille furentes,  
 Et fugat impressa Tartara ad usque Cruce.  
 Quanta viri virtus, dum monstra horrentis Averni  
 Vincere vel strato corpore tanta potest!

XXVI. *Februarii.*

S. NESTORIS Episcopi.

EPIGR. XLIX.

**Q**uadrifida clavis affixus ab arbore pendet;  
 Adstringitque suo robora chara Duci.  
 Dum circum fervet fera turba, silentia poscit;  
 Solvit in extremos lætus & ora sonos:

Quæ

Quæ mancant cælo infidos sub Tartara pœnæ,  
Quæ fidos mancant præmia , Dive , mones :  
Extimulas claræ socios occurrere morti ;  
Tortorum sævas nec timuisse minas .  
Proficiant valido hortatu licet ora , perorat  
Acrius , irriguo qui fluit imbre , cruor .

## S. PORPHYRII Episcopi Gazæ.

## E P I G R. L.

**T** Ergemini ad putei labrum declive puelli  
Dum saliunt festis , ludicra turba , jocis ,  
Præcipiti horrendum nutantia membra fragorem  
In pronum lapsu dant revoluta caput .  
Eventu misero Præsul tristatur ; & ima  
E cavea educi corpora mersa jubet :  
Apprenso scrobis ima petit qui fune , profundas  
Dum nitens pueros quæritat inter aquas ,  
Obstupuit , niveo nixos cum marmore cernit ,  
Festivo & lætos ore ciere sonos .  
Extractis non ulla manent vestigia labis ;  
Livor in arenti corpore nullus erat .  
Surgite felices , ad sidera surgite lymphæ ;  
In celsa & resonum nubila murmur eat :  
Aequavit puteus longo post tempore laudes ;  
Attonita fornax quas Babylone tulit .

## S. VICTORIS Confessoris .

## EPIGR. LI.

**A**pproperas hausturus aquas dū fontis ad undas,  
 Ceu fuerit vitis, fons tibi vina dedit .  
 Quam fugit iratus, rabido cane pejus, & angue,  
 Foedera cum pura Naisade Bacchus habet .

XXVII. *Februarii.*

SS. ANDRONICI, & ATHANASIÆ  
 Conjugis .

## EPIGR. LII.

**T**empla Palæstinæ lustrare remota, relicto  
 Festinant thalamo Sponsaque, Virque simul .  
 Sponsa virum simulat : sacra sub veste superno  
 Perpetuam Regi spondet uterque fidem .  
 Erravere diu : diverso tramite tandem  
 Carpere, quæ superest, sed statuere viam :  
 Dum sacra silvarum vestigant claustra colentes,  
 Sol revehit rapidis plurima lustra rotis .  
 Occurrit male nota viro forte obvia Conjux,  
 Cui sulcat rugis curva senecta genas :  
 Alloquia associant ; simul & divertere in ædes  
 Funigeri cœtus mens subit una duos .  
 Austeros victu rigido dum transigit annos,  
 Uxoris clausit lumina, sera dies ;

De-

Deprenſo patuit ſexu tunc fœmina ; Sponſum  
Detexit Sponſæ charta notata manu :  
Obſtupet ille ; ſacros cineres & pronus adorat :  
Ardentes fundit cætera turba preces .  
In Divæ exequias Syriæ fremit excita tellus ,  
Silvicolæ ex omni dum regione migrant :  
Cultores palmoſa ſuos transmittit Idume ;  
Transmittit cælo proxima Sina ſuos .  
Centum fama tubis vulgat decora alta ſonoro  
Murmure : nota minus , ni latuiſſet , erat .

SS. LUPICINI, & ROMANI  
Abbatum.

E P I G R. LIII.

CÆlicolûm Regi proſtrato corpore fund unt  
Dum largas , lacrimis ore madentè , preces ,  
Turba minax Erebi veſano murmure ſævitur ;  
Deſuper & lapidum pondera magna jactat .  
Stulta , quid incaſſum vires , rabiemque fatigas ?  
Efferat nil rabidæ proficit ira manus .  
Quæ cælo degunt longo defixa precatu ,  
Non poſſunt iſtus corda timere tuos .

# ELOGIA SANCTORUM MENSIS MARTII.

1. *Martii.*

S. ALBINI Episcopi Andegavenfis.

EPIGR. I.

**V**Oce rogas veniam, vincti quā carcere possunt,  
Sed surda Judex excipit aure preces :  
Aerata ad turrim properas , & suplice voto  
Subsidium miseris , versus ad astra , petis :  
Scinditur extemplo paries ; cæmenta que turbæ  
Captivæ latum fracta dedere locum .  
Dura fuit muri obstantis structura ; precantis  
Robora sed Divi firma fuere magis .

S. SILVESTRI Episcopi Verdensis .

EPIGR. II.

**M**irifico thalamus , turba spectante , coruscat  
Lumine , quo genitrix te paritura cubat .  
Auroræ quæ non dispar lux æmula fulsit ,  
Scilicet illa novi nuncia Solis erat .

*ALIUD*

EPIGR. III.

**A**D vitam Divi revocatur voce , furentis  
Obruerat Rhæni quem prius unda , puer ,  
Mar-



Marmorei extinctum frustra ad simulacra Gradiui  
 Spe vana genitrix quem tumefacta tulit .  
 Qui mersum surdus fervet lapis ? ipse profundo  
 Qui mergi Rhæni gurgite dignus erat .

## A L I U D

## E P I G R. IV.

U T redeat furtim direpto ditior auro ,  
 Ad tumulum properat turba proterva tuum :  
 Sed dum , quæ fixæ decorant latus omne , nitentes  
 Scindere bracteolas dextra profana parat ,  
 In sublime tulit sese arca ; & cuspide crebra  
 Audaces feriunt ipsa metalla manus .  
 Expectant alii poenas post crimina ; discunt  
 Nunc ipsa audaces plectere furta reos .

## A L I U D

## E P I G R. V.

N On eget armatis defendi hæc urna catervis ;  
 Excubias præstat nam satis ipsa sibi .

S. HERCULANI Episcopi Perusini .

## E P I G R. VI.

V ictor Hyperborea Scythicus Regnator ab Ar-  
 Vallabat muros, Urb s Perusina , tuos : ( Sto  
 In-

Innumera langues acie concluda ; gravemque  
 Septenni toleras obsidione famem :  
 Irrupit demum prædator mœnia miles ;  
 Amputat & rabido Præsulis ense caput .  
 Percita dum tanto tristaris funere , longa  
 Poena fame visa est durior illa tibi :  
 Sed dum victricis lætaris pignore palmæ ,  
 Obsidio tanti , dicis , acerba fuit .

S. SIVIARDI Abbatis Anisolenfis .

EPIGR. VII.

**H**inc te Tharsensis Præco , te Claviger illinc  
 Sidereas visi tollere ad usque plagas .  
 Quem Proceres tanti flagrant deducere , cæli  
 Non tu de Superûm plebe colonus eris .

S. CEADDÆ Merciorum Episcopi .

EPIGR. VIII.

**M**entis inops dum , Dive , tuam pernoctat ad  
 urnam ,  
 Discusso mentis mane furore redit .  
 Helleboros alii spumosa per æquora quærant ;  
 Anticyra huic oritur nobiliore salus .

SS. EMITERII, & CHELIDONII  
Martyrum.

## E P I G R. IX.

**H**Orrentis cœcas coniecti in carceris umbras  
Membra gerunt duris dilacerata flagris :  
Tortoris subito furiosa insania mentem  
Abripit ; occulto percitus igne fremit .  
Cædere non timuit qui Divos , jure furentum  
Cogitur Eumenidum verbera dura pati .

## S. UVINUVALOCI Abbatis .

## E P I G R. X.

**D**Um sacra nocturni infestant penetralia fures ,  
Correpti tubita procubuerunt lue :  
Deprensos Divus dictis compellat acerbis ;  
Excussa que simul tabe , valere jubet :  
Exsurgit lacrimans ; palmis & pectora plangens ;  
Singultu veniam suplice turba rogat :  
Quin etiam sacro poscit subsistere claustro ;  
Infimaque austeræ munia ferre domus .  
Exerces , Monitor rigidus quas corrigis , artes ;  
Est tua prædatrix & mihi , Dive , manus :  
Tam bene latrones qui faucibus eripis Orci ,  
Egregii titulos ipse latronis habes .

## S. CALUPPANI RECLUSI.

## EPIGR. XI.

**Q**Uà, cœco anfractu caligans, viscera terræ  
 Excelsæ rupis tendit in ima latus,  
 Scrupea testâ colis, quò nec pervadere credas,  
 Alato fugiunt dum pede, posse feras.  
 Tu tamen horrifico speluncæ immanis hiatu  
 Traducis longos, & sine sole, dies:  
 Arridet saxi rigor ipse; silentia laudas;  
 Horrida, quæ cautes obsidet, umbra placet:  
 Hoc solum quereris, quod anhelas uberis undæ  
 Quæ sedet fauces copia nulla fluit:  
 Numina sed supplex oras dum celsa, rigentes  
 Dat, vivo saliens pumice, rivus aquas.  
 Talia prodigiosa filex si dona ministrat,  
 Divite tam cyathò non bibit ulla sitis.

S. GUNEGUNDÆ Imperatricis, &  
Virginis.

## EPIGR. XII.

**D**Um tuto ignitum chalybem pede transilit  
 æquam  
 Afferat ut thalami Sponsa pudica fidem,  
 Castus Amor lætas plaudens ter concutit alas,  
 Accensamque illo ter quatit igne facem.

V I I. *Martii.*

## S. EQUITII Abbatis.

## E P I G R. XIII.

**E** Doctus magicas deceptor subdolos artes,  
 Villosa indutus tegmine claustra petit :  
 Cultorem nemorum sacrum mentitur ; in ædes  
 Atque pias recipi supplicis ore rogat :  
 Noscis , Dive , lupum sub ovina pelle latentem ;  
 Lux fulsit superis nam tibi clara plagis :  
 Ejicis increpitum : longo nec tempore pœnas  
 Combustus Latia lufor in urbe dedit .  
 Effata ut Divi nimirum vera revelet ,  
 Romano illuxit splendida flamma foro .

x. *Martii.*

SS. CODRATI, CYPRIANI, DIO-  
 NYSII, ANECTI, PAULI, &  
 CRESCENTII Martyrum.

## E P I G R. XIV.

**E** Ffuso Pugilum maduit quæ sanguine tellus ,  
 Mirificas subito fonte ministrat aquas :  
 Non satis illa tamen , largo licet ubere manet ,  
 Tortorum foedas abluit unda manus .

F

S.AT-

## S. ATTALÆ Abbatis .

## EPIGR. XV.

**A** Spera causati Divi moderamina , sacros  
 Degeneres Socii deiecerunt lares :  
 Addunt mordacis sed dum convicia linguæ ,  
 Atque pii damnant iussa severa Senis ,  
 Vindice pars gladio vitam , submersa reliquit  
 Pars impacatas æquoris inter aquas .  
 Præsulis haud nimium possent ut nosse rigorem ,  
 Illis asperior poena magistra fuit .

XII. *Martii* .

## S. PETRI CUBICULARII Martyris .

## EPIGR. XVI.

**M** Embra flagris tortor scindit crudelibus ; acri  
 Et salis inspergit granula mista mero ;  
 Sanguine distendit demum rorantia crates  
 Ferrea , supposito quæ prius igne flagrat :  
 Tu tamen immiti gestis ardente favilla ;  
 Ceu succensa forent floridus æra thorus :  
 Vera refers : thorus est candentis lamina ferri ,  
 Axe super stabilis quo tibi parta quies .

S.THEO-

S. THEOPHANIS Monaci , &  
Confessoris .

EPIGR. XVII.

**D**ispensas inopum turbis , servantur in usus  
Quæ parcos sacra tritica multa domus :  
Horrea sed queritur nimium decrescere custos  
Austerus cellæ qui Cerealis erat :  
Dum jussus modios numerat , nil deficit illis ,  
Uncia nec numero discrepat una suo .  
Prodigium , Lector , mirari desine : fundos  
Dextera inexhaustos auxiliaris habet .

XIII. *Martii* .

S. SABINI Martyris .

EPIGR. XVIII.

**T**E sævus tumido mergi jubet amne Tyrannus ,  
Servatus precibus qui fuit ille tuis .  
Horruit unda nefas ; lætari & pignore tanto  
Vix illam feritas tam truculenta finit .

S. EUFRASIÆ Virginis .

EPIGR. XIX.

**D**um clauſtri Præſes te vaſta abducere ſaxa  
Imperat , inque ſuum reſtituiſſe locum ,  
F 2 Non

Non tu caufaris teneros vix nubilis annos ,  
 Quæque tuas superant pondera dura manus :  
 Brachiolis grandes removes amplexa molares ,  
 In iustumque refers terque quaterque solum .  
 Non vanus fuit ille labor ; dum Numina suplent  
 Robora , durities faxea vana fuit .

## ALIUD

## EPIGR. XX.

**C** Onatu , Virgo , non tu lassaris inani :  
 Non recidit vacuus , qui meret æstra , labor .

S. NICEPHORI Patriarchæ Con-  
 stantinopolitani :

## EPIGR. XXI.

**E** Xulat , in Divum effigies , simulacraque cœco  
 Impetè dum sævi Cæsaris ira furit :  
 Impavidus terris pugnans tamen ille remotis ,  
 Serpere non ultra dira venena finit ;  
 Crudeli & Cæsar mactatus funere novit ,  
 Extorris longas Præsulis esse manus .

x v. *Martii* .

S. LONGINI Centurionis ,  
 & Martyris

## EPIGR. XXII.

**C** Orde furens rabido Bellator foderat hasta  
 Numinis immiti qui latus , ense perit :

En-



Ense perit ; menti sed quæ vibrata recurrit ,  
 Illa etiam partem funeris hasta tulit .  
 In dubio est , utri cladis sit gloria major ,  
 Dum ferit hæc animum , dum ferit ille caput .

XVI. *Martii.*

S. ABRAMII Confessoris , &  
 MARIÆ Neptis .

EPIGR. XXIII.

**C**Lam sponsam , tecto abstrusum se paupere con-  
 Vitet ut illustres vincula clara thori : (dit,  
 Subsequitur Patrum generoso pectore Neptis ,  
 Cui pingit roseas prima juvena genas :  
 Veste rudi dum membra tegunt , jejunia servant  
 Aspera dum vigiles , plurima lustra fluunt .  
 Virginis elanguens sed forma exarsit amator ,  
 Retia blandiloquis nescit & apta notis :  
 Non finit ardentem torqueri Virgo ; pudoris ,  
 Proh dolor ! amissi damnaque dura tulit :  
 Quin addit culpa ipsa novis calcaria culpis ,  
 Crimina dum veniam vincere , stulta putat :  
 Vile palam scortum totas effundit habenas ,  
 Quocumque effrenam Cyprius ardor agit .  
 Degenerem Patruus cœlesti lumine sensit ;  
 Nec miserae promptam ferre moratur opem :  
 Deficiat quamvis senio , deponit amictus ,  
 Queis duro textis vellere tecus erat :  
 Militis effigiem chlamydati , & nomina fingit ;  
 Annosum nitido protegit ense latus :

Quæ postquam expedit mirus bellator, in armos  
Infilat argutos quadrupedantis equi:  
Dum Neptem quærit; rapido quatit ilia cursu;  
Huc illuc varias itque reditque vias:  
Cauponæ demum sordentia tecta colentem  
Repperit; & læta fronte valere jubet:  
Corda Cupidineis mentitur saucia telis,  
Idaliæ fibras fervere & igne facis;  
Blanditias etiam molles, quis crederet? addit;  
Pectora quæque valent flectere dura, preces.  
Commoda sed fandi adfuerunt cum tempora, tecti  
Arbiter occulta parte nec ullus adest,  
Detexit sese Patrum; nec parcit amaris  
Indignos ausus increpitare modis;  
Exactos cultu austero simul exprobrat annos,  
Et fluxam læsa virginitate fidem:  
Illa salutares ultra procedere questus  
Non tulit; & mento cernua tangit humum:  
Lumina dant lacrimas; veniam suspiria poscunt;  
Et rogat ad rigidos sponte redire lares:  
Exultat Patruus; revehitque ad tecta gementem  
Pristina; belligerum deposuitque sagum.  
Ne mihi Pelides Briseide, Ductor Achivum  
Ne Chryiæ abducta prole superbus eat:  
Evolve Annales, victores consule, quotquot  
Prisca recensque simul Martis arena dedit;  
Qui Divi præda miles remeaverit ædes  
Ditior ad patrias, nullus in orbe fuit.

S. HEREBERTI Archiepiscopi  
Colonienfis .

E P I G R. XXIV.

**A** blutis sacri manibus quæ Præfulis unda  
Defluit , in morbos certa medela venit .  
Effusi laticis mirari desine vires :  
Prodigiis manans fons erat illa manus .

X V I I. *Martii* .

S. GERTRUDIS Virginis .

E P I G R. XXV.

**T**urba frequens hilaris solvit de littore funem,  
Incolumis monitis , Virgo , futura tuis :  
Turgida vix raucos tenuerunt carbasa fluctus ,  
Tempestat fœdis cum ruit acta Notis :  
Irato horridior pelago , se cetus ab alto  
Proripit , & vasto corpore condit aquas ;  
Dum magis accelerat , spumantiaque exerit ora ,  
Brachiaque in trepidam pandit adunca ratem ,  
Obsidet ora virûm stupor albidus , ossa tremiscunt  
Exanimes gelido diriguere metu :  
Clamorem miseri attollunt ; te nomine , Virgo ,  
Pollicitis adsis utque rogata vocant :  
Horrida continuò posuerunt murmura venti ;  
Cetus & ima maris territus antra petit .  
Solicitant Superi sic ipsa pericula , Divæ  
Et cogunt firmam conciliare fidem .

## S. CYRILLI Episcopi Hierosolimitani .

## E P I G R. XXVI.

**I** Saciæ fautor gentis , Solymeja templa  
 Desertor Cæsar restituisse parat :  
 Obsistit Præful sed ceptis , saxaque saxis  
 Tempore non longo diffocianda monet :  
 Vix jacta extulerunt sese fundamina , tellus  
 Cum tremit , & resono scissa fragore tonat :  
 Dissiliunt , raptimque volant dispersa , tenaci  
 Quæ nexa hærebant glutine saxa solo :  
 Arma etiam flammæ absumunt fabrilia , summo  
 Quæ densæ in morem grandinis axe ruunt .  
 Quid tibi cum templis? nova quid delubra requiris ,  
 Impia si nec habes , plebs recutita , Deum ?

X I X. *Martii* .

## S. JOANNIS SYRI Confessoris .

## E P I G R. XXVII.

**C**œnobii dum , Dive , novi fundamina prima  
 Ambigis incertus qua statione loces ,  
 Aliger in gyrum fines describit , & aptum  
 Indicat , ætherea lapsus ab arce , locum .  
 Non sonipes , volucrum non obvia turba , repertus  
 Nec tibi bos certam signat arator humum :  
 Quæ Tyriis dederunt populis , quæ bruta Latinis ,  
 Si relegis factos , omina vana putes :  
 Auspicia haud fallent contra felicia , muros  
 Dum tibi metator missus ab axe notat .

S. LAN-

S. LANDOALDI Archipresbyteri,  
& Confessoris.

E P I G R. XXVIII.

**A** Dvolat ad Divi volucris peregrina cadaver,  
Verficoloratis conspicienda notis:  
Compositos artus bis terque micantibus alis  
Circuit, & lætos integrat ore sonos.  
Parce, sacro cineri persolvīs flebile carmen,  
Funereumque iteras quæ, pia turba, melos:  
Non hæc atratam poscunt solemnia pompam;  
Non habet hic ullum nœnia mœsta locum:  
Reddere disce sonos, hilari quos exera cantu  
Felicis dictat conscia fortis avis.

x x. *Martii.*

S. VULFRANNI Archiepiscopi  
Senonensis.

E P I G R. XXIX.

**F** Ercula puppe super dum tu cœlestia libas,  
Anchora cum trifido sisteret ære ratem,  
Porrigit incauti patinam quam dextera Ministri,  
Excussam rapidis forbuit æquor aquis:  
Instas dum precibus, fundo sublimis ab imo  
Tollitur; in sacras & redit illa manus.  
Dextera quod nutans deliquit, corrigit unda;  
Et Mystæ famulans ipsa Ministra fuit.

S.CUTH-

S. CUTHBERTI Episcopi Lindis-  
farnensis .

EPIGR. XXX.

**P**æstantis squamæ volucris tibi regia piscem ,  
Dum te longa fames torquet , ab axe tulit :  
Dum prædæ parcat, quam sustinet ungue ; ministrat  
Defiliens gratas dum tibi serva dapes ,  
Indole magnanima dignum Regina volucrum  
( Ne jactet mendax fulmina ) nomen habet .

ALIUD

EPIGR. XXXI.

**B**ellatrix quæ tela jacet , nova munera captat ,  
Dum tibi , piscatrix , regia servit avis .

XXI. *Martii* .

S. LEÆ.

EPIGR. XXXII.

**D**ivitiis fulgens , titulisque illustris avitis ,  
Limina convictu paupere sacra colis :  
Ditior es , fluxi dum pondera deferis auri ;  
Pauperies veras nam tua cogit opes .

S. CA-

S. CATHARINÆ Suedæ Virginis ,  
& Viduæ .

E P I G R. XXXIII.

**T**E fructis rapere insidiis furiosus amator  
Dum tendit, cœcus deserit ille diem:  
Lux oculis iterum sed reddita fulsit, amaro  
Dum fletu damnat crimina, stratus humi .  
Ille mihi cœcus visu splendet acuto ;  
Dum furit in Divam , tunc mihi cœcus erat .

X X I V. *Martii.*

S. SIMONIS Martyris Tridentini .

E P I G R. XXXIV.

**T**E, scelus ! abreptum furtiva fraude Puellum  
Isacidum soboles propudiosa necat :  
Immites cultro jugulant , dum festa recurrit ,  
Sanguine lactenti concelebranda , dies :  
Mollia frustatim scindunt corpuscula ; punctim  
Concisosque artus impia figit acus :  
Excipiunt pateris fusum de more cruorem ;  
Atque iterat lætos turba scelestæ sonos .  
O Superi , fatis est reliqui patrata nocentes  
Crimina si letho, quo meruere , luant :  
Ne pereat ; vivat terris invisa propago ;  
Sed, quos commeruit , transigat illa dies :  
Sordida , vilis , inops erret per compita ; pœnas ,  
Quas mors ipsa nequit sumere , vita ferat .

XXV. *Martii.*

S. HERMELANDI Abbatis.

EPIGR. XXXV.

**I**N socios verbis, vultuque immitis acerbo,  
 Indolis austeræ Cœnobiarcha furit:  
 Acre merum, Cereris corrosæ crusta ministrat;  
 Nuda cruentato verberare terga ferit:  
 Nullus honos tunicæ; sunt vilia scruta supellex;  
 Inferti paleis cura nec ulla thori est:  
 Ipse tumet contra nitido distentus omaso;  
 Et quatit undosæ tegmina longa togæ:  
 Degenerem cultu rigido non parcis amicis,  
 Qua pius arte vales, Dive, monere modis:  
 Tartarei poenas ignis, suprema minaris  
 Et fata; in paucos mox adeunda dies:  
 Proficiunt nil verba; tuis namque ille tumescit  
 Asperior monitis; ipsa medela nocet:  
 Vix aurora diem vexit sed tertia, morbi  
 Cum gravis assultu languida membra tremunt:  
 Dum solus cubat, ardentem te luce corusca,  
 Torquentemque manu verbera dura videt:  
 Ille subit validos ictus; mox lumina clausit  
 Æterna vere ferrea nocte quies.  
 Vana tulit moriens à Divo verbera; nigra  
 Sub Styge sed veris vapulat ille flagris.

*ALIUD*



## A L I U D

## E P I G R. XXXVI.

**P** Rima docere solet pueros elementa, Magistri  
 Quæ cædit teneras virga severa manus :  
 Ipsos claustrorum condiscere, Dive, Magistros  
 Mitius ingenium sed tua virga docet.

X X V I. *Martii.*

S. LUDGERI Episcopi Monasteriensis.

## E P I G R. XXXVII.

**M** Oliris sacri structuram, Dive, recessus;  
 Ducat inoffensos quo pia turba dies;  
 Arboribus circum sed clausa rigentibus obstat;  
 Et densis horrens hispida silva comis:  
 Annosi non te saltus, non brachia terrent,  
 Quæ nectit cœca frondea nocte nemus:  
 Dum votis instas flagrantibus, aspera surgit;  
 Cœcaque nimboſo turbine sævit hyems:  
 Luctantes reſono conſigunt æthere venti,  
 Exſtimulant rapidos Euris, & Auſter equos:  
 Antiquæ valido procumbunt impete quercus;  
 Excisâ optatum ſilva deditque locum.  
 Omine ſurge domus fauſto; tibi militat æther;  
 Spirat & exorſis aura ſecunda tuis.

A L I U D

## A L I U D

## E P I G R. XXXVIII.

**I**ntonfas Fabri parcant incidere quercus ;  
 Nec lassæt longus brachia dura labor :  
 Hos Boreas truncos flatu non amplius uno ,  
 Riphæo veniens sector ab axe , metit .

## A L I U D .

## E P I G R. XXXIX.

**I**ncesti quæ prava thori connubia servat ,  
 Nomen ab illustri foemina stirpe trahens ,  
 Testam melle gravem Divo munuscula mittit ,  
 Dum monitus rigidi Præfulis illa timet :  
 Respuit oblatam Præful : non decipit illum  
 Dira sub infido melle cicuta latens .

X X V I I. *Martii* .

## S. ISACII Confessoris .

## E P I G R. XL.

**O**bsita dumetis quæ terra rigentibus horret ;  
 Te jacit in medios Cæsaris ira rubos :  
 Innocuos artus non audent tangere vepres ,  
 Cuspide mordaci quos caruisse putes .  
 Ne fera vesani te læderet ira Tyranni ,  
 Spina vigil sepes , non tibi poena fuit .

A L I U D

## A L I U D

## E P I G R. X L I.

**N** Ovit ubi rigidos Cæsar tibi parcere sentes ,  
Saucia ceu jaculo torva læna , furit .  
Quæ custos tibi fida fuit , truculenta Tyranni  
Spina venenata cuspide corda ferit .

S. RUPERTI Vangionum , & Salisbur-  
gensis Episcopi .

## E P I G R. X L I I.

**B** Ojarici lætis flavescentes messibus agri ;  
Et quæ Vindelicus rura colonus arat ,  
Te discunt ritus cultore abolere profanos ,  
Collaque ad illatam flectere curva Crucem :  
Nunc tua festivis extollunt nomina ripis ,  
Et plaudunt resonis Ister , & Oenus aquis :  
Tu genus egregium , claramque ab origine gentem ,  
Nunc quoque sublimi cultor ab axe foves :  
Nam licet ira fremat circum septemplex Hydræ ,  
Errorumque furens atra venena vomat ,  
Illibata manet ; late quæ proxima gliscit ,  
Ipsaque commendat robora firma lues :  
Quæ regnat nunc alma fides , primordia monstrat  
Culturæ fuerint quam generosæ tuæ .

XXIX. *Martii.*S. MARCI Episcopi Arethufii,  
& Martyris.

EPIGR. XLIII.

Solis ad æstivi radios te pectore nudo  
 Irata imbutum melle caterva locat:  
 Ardentes artus infesta cuspide mordent  
 Crabrones, sapidi quos vocat esca favi.  
 Commemorem frustra tua robora; dulcior ipso  
 Poena rigens, Præsul, dum tibi melle fuit.

SS. JONÆ, & BARACHISII Mar-  
tyrum.

DE S. JONA.

EPIGR. XLIV.

Regis Achæmenii jussu ferventis aheni  
 Merguntur fluida corpora nuda pice:  
 Non lædit, lambit sacros liquor igneus artus;  
 Nec promit vires concita flamma suas.  
 Quæ fatuis ignem votis, ceu Numen, adoras,  
 Pronaque dispersum sterneris ante jubar,  
 Jam poteris, faciles cessat dum segnis in usus,  
 Ejurare tuum, credula turba, Deum.

DE

## DE S. BARACHISIO.

## E P I G R. XLV.

**C**uspide quæ laceros artus configit acuta,  
Nequidquam vires frangit arundo tuas.  
Ipsa potest, calamo, tortor, quam sumis inani,  
Nil profecturas pœna docere manus.

## A L I U D

## E P I G R. XLVI.

**Q**uid tibi præstanti cum funere vilis arundo?  
Quò tumida demens ambitione ruis?  
Quem non flamma vorax, non vis valet aspera ferri  
Sternere, tune, levis quam domat aura, petis?

## S. EUSTACHII Abbatis Luxoviensis.

## E P I G R. XLVII.

**C**onturbat sacras desertor Agrestius ædes,  
Discordisque animi semina dira jacet:  
Illum supremi tu Judicis ante tribunal,  
Diluat ut claustri jura revulsa, vocas:  
Præterit nec longa dies, impacta securis  
Amputat indignum cum generosa caput.  
Juratas ausus leges qui scindere, pœnas  
Dissecti meritò verticis ipse tulit.

xxx. *Martii.*

S. JOANNIS Climaci .

EPIGR. XLVIII.

**I**Ncolis agresti congestum cespite tectum,  
Qua celfo nubes vertice Sina petit :  
Rupe super rigida jucundum protrahis ævum ;  
Horrida sola comes , sed tibi grata , quies ;  
Exigis hic calamo , longos vigilata per annos ,  
Tradita quæ chartis sunt monumenta tuis .  
Legiferas olim tabulas qui rupibus istis  
Excelfo Superùm Rector ab axe tulit ,  
Ipse salutare sacri de vertice montis  
Dictavit monitus nunc quoque , Dive , tibi .



ELO-

# ELOGIA SANCTORUM MENSIS APRILIS

1. *Aprilis.*

SS. AGAPES, CHIONIÆ, & IRE-  
NES Martyrum.

EPIGR. I.

**I** Mpia tergeminae spernunt dum iussa-Sorores,  
Ignibus in mediis carmina læta canunt:  
Irene in foedum primum sed rapta lupanar,  
Damna sub immunda non tulit ulla domo.  
Horrida non timuit flammaram incendia, postquam  
Vitavit Cyprias intemerata faces.

S. HUGONIS Episc. Gratianopolitani.

EPIGR. II.

**L** Ethali sternis morbo dum languidus artus,  
Deficit ægroto mens tibi, Dive, memor:  
Quæ narrant alii, ceu mutus, despicias; hæret  
Corde sub immemori lingua retenta tibi:  
Alloquia at memorem reddunt cælestia mentem;  
Alternosque refers ad pia verba sonos.  
Quas pariet Divo laudes mens sana, favere  
Olli si tantum vel vitiosa potest!

G 2

S. VA-

## S. VALERICI Abbatis.

## EPIGR. III.

**L**anificas pecoris custos dumosa capellas  
Dum, baculo nitens, ad juga montis agit,  
Ediscit, nulloque notas monstrante Magistro,  
Aggreditur Latios edere voce sonos:  
Reddit arundineo Divina Volumina cantu,  
Jessoque vagas carmine mulcet oves.  
Qui modo pelliceo Pastor velamine tectus,  
Montivago quærit pabula grata gregi,  
Ut claustris socios posset mox pascere, sacræ  
Pabula doctrinæ comparat ipse sibi:

SS. AMPHIANI, & ÆDESII Mar-  
tyrum.

## EPIGR. IV.

**S**uplicio parili, cursu sed disparis ævi,  
Vos tumidis mersos sustulit æquor aquis:  
Amphiani fluitans pelago spumante cadaver  
Ante ipsas urbis detulit unda fores.  
Quæ tantas festinat opes deponere, non est,  
Mentiris famæ rumor, avara Thetis.



## ALIUD

## DE S. AMPHIANO

## EPIGR. V.

**I**mpius aurata fulgens dum veste Tyrannus  
Sacrilegis adolet thura nefanda focus,  
Irruis; apprensumque manu divellis ab ara;  
Attonitum validis increpitasque minis.  
Non satis est Divo pœnas tolerare, laceffit;  
Irritatque feram, qua cadat ipse, necem.

## ALIUD

## EPIGR. VI.

**V**indice quem dextra foedis altaribus arces,  
Saucius ut jaculi cuspidæ sævit aper.  
Infremit; & cœci abstrudit te carceris umbris;  
Æratis plantas compedibusque gravat.  
Planta ferat laqueos; nam, quæ conamine tanto  
Claruit, haud meruit vincula ferre manus.

11. *Aprilis,*

S. NICETII Episcopi Lugdunensis.

## EPIGR. VII.

**E** Divi tumulo pulvis qui carpitur, haustus  
Agmina morborum pernicioſa fugat.

G 3

Ari-

Arida, Dive, tui non est mihi gleba sepulcri,  
Germina si certæ tanta salutis habet.

S. THEODORÆ Virginis, & Mar-  
tyris.

E P I G R. VIII.

C Uspidibus ferri immitis lacerata, profundo,  
Ardua transcendis sidera, mersa mari.  
Ditior inspersis diffuso à sanguine guttis,  
Despice gemmantes, æquoris unda, sinus.

III. *Aprilis* ?

S. NICETÆ Confessoris.

E P I G R. IX.

Q U i frustra jactas, Cæsar, generosa Leonis  
Nomina, sed factis effera tigris eras,  
Quò furis, Armeniæ monstrum intestabile ? sævi  
Quò te præcipitem flamma furoris agit ?  
Extorris loca sola petet ; crudelia Divus,  
Detentus rigido carcere, vincla geret :  
Vita superstes erit : quos illa paretur iu usus  
Si quæris ; cladem spectet ut ille tuam.

S. R I-

## S. RICARDI Episcopi Ciceſtrenſis.

## E P I G R. X.

**Q**uadrupedem inſtratum phaleris poſt omnia  
 vendis,  
 Dum turba illacrimans indiga poſcit opem.  
 Damna pedes lucroſa ſubis : iter aſtra petenti  
 Venditus accelerat, non remoratur, equus.

I V. *Aprilis*.

## SS. THEODULI, &amp; AGATHOPOLIS Martyrum.

## E P I G R. XI.

**M**agnanimos Pugiles discrimina diſparis ævi  
 Diſſociant ; jungit forma nec una duos :  
 Namque alter primas veſtit lanugine malas ;  
 Candida purpureus pingit & ora color ;  
 Alterius frontem curvat longæva ſenectus ;  
 Contractasque genas ruga ſenilis arat :  
 Diſcordes annis amor unus, & ardor honeſti  
 Alligat ; una duos conciliatque fides :  
 Affatur blanda Puerum cum voce Tyrannus,  
 Et ſpondet largas inſidiator opes,  
 Flore virens primo reddit reſponſa, reponant  
 Tempore non modico quæ meditata ſenes :  
 Conſectum ſenio ſi terret fronte ſuperba,  
 Irato rabidas addit & ore minas,

G 4

Exc-

Exerit ille tremens curvo de pectore vires ,  
 Promere quas posset nulla juventa pares :  
 Viribus hinc Senis effœti , solertibus ille ,  
 Vocibus hinc Pueri victus , acerbâ fremit :  
 Imperat adstringi laqueis plantasque manusque ,  
 Et mergi horrifono corpora viva salo :  
 Appendunt collo religati pondera saxi ,  
 Lintre levi & clausos ad freta salsa trahunt :  
 Sorte sua demum lætos , & dulce canentes ,  
 Spumoso exfiliens accipit unda sinu :  
 Mane novo , niveo vestis radiantis amictu ,  
 Surgere ab æquoreis visus uterque vadis .  
 Fortunata nimis , pacato ex æquore Solis  
 Quæ gemini radiis fulgurat , aucta dies !

v. *Aprilis* .

SS. THEODORÆ Virginis , & DIDY-  
 MI Martyris .

EPIGR. XII.

**E**Xosam thalamos , & tædæ vincla jugalis  
 ( Pectora nam solus Numinis urit amor )  
 Conjicit indignans obscœna in lustra Tyrannus ;  
 Cogere si posset turpia probra pati :  
 Pectore dum trepido Cyprias circumspicit ædes ,  
 Accipitrumque pavet casta Columba manus ,  
 Ære nitens , galeaque caput munitus ahena ,  
 Cum fremitu miles sordida testâ petit :  
 Expavit visu subito conterrita Virgo ,  
 Ne subeat læsus noxia damna pudor :

De-

Detegit ille dolos ; quique , armis horridus , hostis  
Creditur ; elata casside , frater erat :  
Pone metus , dixit : non me tua forma , pudoris  
Huc agit ignotum , sed pia cura tui :  
Rumpe moras , vestesque simul mutemus ; abibis  
Tu miles , cultum Virginis ipse feram :  
Ne pigeat tenerum lorica obducere pectus ;  
Ne galea flavas implicuisse comas :  
Nec mora longa fuit , fraterni pignus amoris ,  
Cum dura exiliens induit arma Soror :  
Attollens mox ære graves clypeata lacertos ,  
Deserit immundos intemerata lares :  
Præterit nec longa dies , tua , Didyme , certis  
Splendida cum patuit fraus ad aperta notis ;  
Principis illusi rabiosaque pectora placas ,  
Dum gladio cæsus sanguine tingis humum ,  
Ganea quis credat castas servare puellas ?  
Surgere quis palmas credat & inde novas ?  
Qua non Relligio speret statione triumphos ,  
Si decora obscurum tanta Lupanar habet !

SS. THERMES , & PHERBUTÆ  
Martyrum .

E P I G R. XIII.

**D**iffundit medias fabrilis ferra Sorores ,  
Impia dum soli thura adolere negant .  
Credibile est ipsum tetra ad spectacula solem ,  
Velatum tenebris occuluisse caput .

VI. *Aprilis.*S. EUTICHII Patriarchæ Constanti-  
nopolitani.

## EPIGR. XIV.

**J** Actatus vario vitæ discrimine, jussus  
 Exilio solas & peragrarè plagas,  
 Moenia mox victor repetit, quæ regia spectat,  
 Thracius & famulis Bosphorus ambit aquis:  
 Pastori occurrunt sacri longo ordine cœtus;  
 Percita festivo murmure turba fremit:  
 Flore vias sternunt; collucent compita flammis;  
 Cymbala dant lætos pulsa, tubæque, sonos:  
 Commerito resonant plausu dum littora, & ipsa  
 Celsior in nubes tollitur unda maris,  
 Emicat ipse procul Præsul: non ille receptus  
 Sed curru niveos divite flectit equos:  
 Tardigradi costas agitât male comptus aselli,  
 Dejecta in nudam fronte volutus humum.  
 Pompa magis demissa nitet: de Rege superbo  
 Namque Erebi præstans ille triumphus erat.

## S. VILLELMI Abbatis Roschildensis.

## EPIGR. XV.

**L** ictorem Stygium, Cyprios dum suadet amores,  
 Impulsu validi cogis abire pedis;  
 Clara magis surgitque tibi victoria, in hostem  
 Vilia Tartarum quo magis arma moves.

VII.

VII. *Aprilis.*

S. CALICOPII Martyris.

EPIGR. XVI.

**Q**Uadrifida pendes ex arbore ; vertice summo  
Sed nudam obverso corpore tangis humum.  
Num tibi quæ summo contingunt æmula Regi,  
Funera ne subeas ambitiosa , times ?  
Commerita an potius spectes ut sidera , terræ  
Sublato pronum figitur ore caput ?

S. AIBERTI Presbyteri Crispiniensis.

EPIGR. XVII.

**D**UM vendit circumfuso maleculta popello  
Stridenti cythara Cantica scurra vagus ,  
Tu Puer acceleras grata ad modulamina gressus ;  
Intentaque rudes accipis aure sonos :  
Cultorem nemorum Theobaldum forte canebat ,  
Dum pulsat raucum pollice mimus ebur :  
Otia damnosæ pertæsus ut ille juventæ  
Verterit incautos ad pia claustra pedes ;  
Exacta ut longo delerit crimina fletu ,  
Ducta per obliquas lustraque multa vias :  
Hæc sensim buxi resonantis reddita cantu ,  
Subrepunt animo dum documenta tuo ,  
Ad iuga virtutis festinas aspera , tantis  
Exemplis doctus , tu quoque ferre gradus .  
Seria quo rigidæ duxisti semina vitæ ,  
Non tibi nugator ludius ille fuit .

ALFOD

## ALIVD

## EPIGR. XVIII.

**S** Tramineo angusti conclusus fornice tecti,  
 Arida pallenti dum geris ora fame,  
 Triticei grato reficit te munere crusti  
 Nazaris è Cæli culmine lapsa Parens:  
 Tu, dape siderea pastus, vix vesceris ullis,  
 Dum vitæ superant lustra quaterna, cibus.  
 Thesbitæ magni superas jejunia, fertur  
 Ille quaterdenos quæ tolerasse dies:  
 Ut præstat superis Superùm Regina Ministris,  
 Sic majora tui robora panis erant.

VIII. *Aprilis.*

S. BADEMI Archimandritæ Martyris.

## EPIGR. XIX.

**T**E perimit gladii scelerata cuspide, primùm  
 Qui veræ socius Relligionis erat:  
 Ipse sed ereptus fato desertor acerbo,  
 Tempore non longo saucius ense perit.  
 Proh quanta immensæ series vos distrahet ævi,  
 Supplicio si mors abstulit una pari!

S. MARIE Ægyptiacæ.

## EPIGR. XX.

**P**Rimævos vitæ forma spectabilis annos,  
 Idalio flagrans igne Puella terit:

Effre-



Effrenis vitæ quocumque licentia fordas  
 Allicit in fordes, immoderata ruit :  
 Sola rapit rabidam Veneris malefana cupido ;  
 Excussus metuit frena nec ulla pudor .  
 Obliquo errantem sed tramite Sponsa Tonantis  
 Ad rectum revocat Virgo salutis iter .  
 Qua vitreus tacitis Jordanes labitur undis .  
 Vel metuenda feris horrida tesqua petit :  
 Littore deserto non ulli cognita degit ;  
 Errat arenosis sola relicta plagis :  
 Herbofo, ceu vile pecus, se gramine pascit ;  
 Herba pruinosum sufficit ipsa thorum :  
 Tegmine non ullo tectam bruma aspera torquet ;  
 Vexat & Icarii quæ furit ira canis :  
 Dena fluant quamvis austeri lustra recessus ,  
 Non adhibet poenis ipsa senecta modum :  
 Nuda nigros artus, & sole perusta, ferino  
 Te cultu terret, Zosime, visa procul :  
 Cernere monstra putas trepidans ; nec falleris : illa  
 Extremi monstrum namque rigoris erat .

x. *Aprilis.*

SS. TERENTII, AFRICANI, &  
 Sociorum Martyrum.

EPIGR. XXI.

**C** Arcere quo Divi clauduntur, sibila tollunt ;  
 Pectora serpentes & maculosa rotant :  
 Festivis blandæ ludunt sed nexibus ; artus  
 Non cessant sacros lambere, nulla nocet .  
Nec

Nec mirum : colubrū fuerant quæ dira venena ,  
Si sæva exploras corda , Tyrannus habet .

S. MACARII Patriarchæ Antiocheni .

EPIGR. XXII.

**T**urba frequens inopum , Præsul , tua tecta frequen-  
tat ;  
Morborumque gravat quos numerosa lues :  
Ante fores adsunt ; spatiosa per atria ludunt ;  
Occupat acclives densa caterva gradus ;  
Conclave, archivum, andronem, triclinia complent ;  
Discurrunt celsæ per latus omne domus :  
Attalica intextis cedant aulæa figuris ;  
Belligeros cedant marmora sculpta Duces :  
Non muti vultus Heroum ; viva Tonantis  
Condecorant ædes sed simulacra tuas .

XI. *Aprilis* .

S. ANTIPÆ Episcopi Bergamensis ,  
& Martyris .

EPIGR. XXIII.

**I**mpete succensus rapidi bos æneus ignis  
Candescit , Præsul , poena parata tibi :  
I celer , ærati subeas penetralia tauri ;  
Fervet ab ignita jam latus omne face .  
Tardior ingenio , & duro gravis ære juvencus ,  
Non tibi scandenti sidera lentus erit .

S. ISAAC

S. ISAAC SYRI Peregrini, cogno-  
mento, SERVI DEI.

## E P I G R. XXIV.

**T** Ergeminas suplex noctes dum transigis, addis  
Et totidem sacra pervigil æde dies,  
Excussæ nebulo cædit te verberare palmæ,  
Nempe ratus vultus te simulare pios:  
Obsidet audacem Stygii sed carceris hospes;  
Et prono pavidum corpore figit humi.  
Surge, age: non fictas demens fateare, vel Orcus  
Quas mendax veras comprobat esse, preces,

## A L I U D

## E P I G R. XXV.

**D** Um sacrum Præses cœtum moderaris, in hor-  
Deferri claustrî sarcula cuncta jubes: (tum  
Commoda mox etiam mandas pulmenta parari;  
Quasque parata usus sint habitura, taces.  
Cum sociis hortum sublustri mane revisis,  
Mirificis subeunt cum nova monstra modis:  
Sarcula dura manu tractant, herbasque virentes  
Fossorum, nulli cognita, turba colunt:  
Prædonum consuetæ cohors nam vivere raptæ  
Perrupit fractis herbida septa seris:  
Mox fœda exosi concordēs crimina, pœnas  
Arrepto meritas sponte ligone luunt:  
Præsciūs hæc Præses noras; pultisque paratæ  
Raptorum reficis brachia fessâ dape;

Et

Et merito ; nam turba rapax confecerat una  
 Nocte , quod immensi cura laboris erat .  
 Contingat , precor astra , tibi par copia furum ,  
 Hortulus est , Lector , si tibi forte domi .

### ALIUD

#### EPIGR. XXVI.

**Q**Uæ Divo parcam prandenti præbeat escam ,  
 Impubi est puero tradita sporta duplex ;  
 Parvulus ast illi deceptor porrigit unam  
 E geminis ; aliam servat at ipse sibi :  
 Excipit oblatam Divus , simul ore puellum ,  
 Qui celat fallax improba furta , monet ;  
 Viminea & caveas , dixit , tibi , pupule , cista ;  
 Lethiferum colubrum namque relicta tegit :  
 Accurrit pavidus : cistellæ è culmine summo  
 Vipera cum dirum tollere visa caput :  
 Horrui aspectu tetro , pudibunda sed horror .  
 Criminis admissi terruit ora magis .  
 Profecisse puer potuit serpente magistro ;  
 Dum vitare dolos , quos amat ipse , docet .

### ALIUD

#### EPIGR. XXVII.

**C**Entone impostor lacero malefectus amictum  
 Te , nudata tegat quo prope membra , rogat :  
 Tu socium deferre cavi sub robore trunci .  
 Celatæ tunicæ tegmina crassa jubes :

Al-

Allatam reddis nebuloni ; utque induat artus

Veste renidentes nobiliore , mones :

Submisit frontem detecta fraude ; lacernam

Et , fibras rodens , accipit ille suam :

Discessit ; Divique oculos miratur acutos ,

Lumine qui supero præditus , Argus erat .

S. GUTHLACI Anachoretæ .

E P I G R. XXVIII.

**C**orniger ad fauces Orci te , Dive , Satelles

Pertrahit ; infernas sistit & ante fores .

Fata nimis distant sed vestra : ejectus ab astris

Ille olim , Ditis nunc nigra regna colit :

Postibus ex Erebi stellantis ad ostia Regni

Te probitas firmo pectore culta feret .

A L I U D

E P I G R. XXIX.

**S**ilvicolæ exemplo pete sæpius ostia Ditis ;

Sed caveas tristes ingrediare fores .

X I I. *Aprilis* .

S. SABÆ Martyris Gotthi .

E P I G R. XXX.

**T**E rigidis cæsum nudato corpore flagris ,

Compita per dumis aspera , turba rapit ;

H

Vul-

Vulnere quæ nullo dum trajicis, infremit amens,  
 Cuspidibusque vepres forte carere putat :  
 O demens ! rabie quæ te transfigit acuta,  
 Illane mordaci cuspide spina caret ?

X I I I. *Aprilis.*

S. JUSTINI Philosophi, & Martyris.

EPIGR. XXXI.

**I**ngenio clarum dum te præstante, parandæ  
 Doctrinæ cupidum detinet una sitis,  
 Socraticis vigiles noctes impendere chartis  
 Non parcis, Samii scita colisque Senis :  
 Quæ docto quæris vigilata inventa Platoni,  
 Quæque Stagyræus scripta Magister habet :  
 Palladias nifu sed postquam noscis inani  
 Te semel atque iterum sollicitasse fores,  
 Sacrorum mutatus adis præsagia Vatum,  
 Isacii cantus quosque dedere Patres :  
 Ingenuo tunc vera tibi Sapientia vultu  
 Emicat ; & totos pandit amica sinus :  
 Non ea venalis rauco se murmure jactat,  
 Turgida nec longo syrmate verrit humum ;  
 Luce sua dives nitet infucata ; paratque,  
 Quas nullus novit fossor avarus, opes :  
 Olli tu debes, longum victura per ævum,  
 Ingenii fulgent quæ monumenta tui :  
 Sanguine te fuso mercari sidera demum  
 Quæ dedit, haud fallax, parca nec illa fuit.

SS.CAR-

# SS. CARPI, PAPYLI, & Sociorum Martyrum.

## EPIGR. XXXII.

**I**Nduit æratis crepidis vos tortor ; anhelō  
Et cursu celeres mox properare jubet :  
Incessu rapido latos percurritis agros ;  
Æra gravant alacres non onerosa pedes .  
In cursum Divis quæ robora tanta ministrat ,  
Non caligat immani pondere , calcar erat .

## S. MARTII Abbatis .

## EPIGR. XXXIII.

**C**œnobii irriguum tacitus fur tendit in hortum ,  
Dum spondet tutas nox tenebrosa manus :  
Excultum corradit olus , mellitaque poma ;  
Ostia mox præda dives aperta petit :  
Ostia nulla patent ; quærit bis terque reclusas ,  
Frustratus reperit nec tamen ille , fores :  
Diversos aditus præsepto expertus agello  
Quæritat ; effugio sed via nulla patet :  
Membra fatigatus glebis commendat aquosis ;  
Argenti & , rigido sub Jove , nocte cubat :  
Imperio socius præsagi Præfulis illum ,  
Albescit primi cum rota Solis , adit :  
Depensus pallet : subreptas deserit herbas ;  
Dejecto veniam stratus & ore rogat :  
Dimissus monitus , non poenas , ille reportat :  
Nox furem gelido punit axe satis .

XVI. *Aprilis* :

SS. Decem &amp; octo Martyrum Cæsaraugustanorum .

EPIGR. XXXIV.

**V**Os tulit Augusto quæ clarum à Cæsare nomen  
 Terra, sinu felix ubere, dives habet ;  
 Moenia sed tantis quæ fulgent inclyta palmis,  
 Augustum vere nunc mihi nomen habent .

S. PATERNI Episcopi Abrincensis,  
& Monaci .

EPIGR. XXXV.

**D**Um nimiam pœnis torques te, Dive, severis,  
 Asperitas servat nec violenta modum,  
 Admonet austerum Præsul lenire rigorem,  
 Supplicia & posthac te moderata sequi ;  
 Admonitis adhibes dociles tu mitibus aures ;  
 Nec transit fines pœna remissa suos :  
 Quin virtutis iter cursu leviori resumis,  
 Dum discis, mirum ! tradita frena pati .

SS. ELEU-



SS. ELEUTHERII Episcopi, & EVANTHIAE Matris Martyrum.

DE S. ELEUTHERIO.

EPIGR. XXXVI.

**C**Armina sacra canis, septis incluse ferarum,  
Cum tauris, tigris quæ colit, ursa, leo:  
Associant choreis cantus; blandoque recurrunt  
In gyros saltu, subsiliuntque feræ:  
Quin etiam, variant dum motus, ora canoros,  
Si credas oculis, dant adapertha sonos.

ALIUD

EPIGR. XXXVII.

**I**N tua fata leo caveis immissus, amico  
Labitur ante sacros ludit & ore pedes:  
Mox torva aggreditur tortores fervidus ira;  
Excutit & flavas ungue micante jubar.  
Parcere si stratis discit, terrere superbos,  
Regia sortitur nomina jure leo.

ALIUD

DE S. EVANTHIA:

EPIGR. XXXVIII.

**D**Um Prolem cruciant fata aspera, Mater adhæ-  
Ad Nati, numquam dissociata, latus: (ret  
H 3 Ver-

Verberibus soboles , ferro , flammisque , ferisque  
 Torquetur : læto pectore Mater adest :  
 Quo graviora premunt illam tormenta , serenos  
 Exfiliens vultus explicat illa magis :  
 Dum Nati poenis , dum funere gaudet acerbo ,  
 Si, quid agit , quæris , sedula Mater ? amat .

S. APOLLONII Senatoris Martyris .

EPIGR. XXXIX.

**A**ugusto sacros ritus spectante Senatu  
 Afferis , eloquii nobilis arte potens :  
 Quos doctæ valido propugnas robore linguæ ,  
 Sanguine defendis fortius ipse tuo .  
 Romulea oranti plausit tibi Curia ; cæli  
 Cæde peroranti plausit at aula magis .

S. URSMARI Episcopi .

EPIGR. XL.

**Q**uamvis longa trahat Divus jejunia , vitam  
 Divina solum ducere visus ope ,  
 Cocyti duro pulsatus verbere Lictor  
 Persensit validæ robora firma manus .

XIX. *Aprilis* .

S. ELPHEGI Archiepiscopi Cantua-  
 riensis , & Martyris .

EPIGR. XLI.

**A**ridus in flores se cæsus ab arbore ramus  
 Induit , imbutus sanguine , Dive , tuo .  
 Qui

Qui dedit æthereos foetu cruor ubere fructus ,  
Gignere quin florum germina picta queat ?

X X I. *Aprilis.*

SS. SIMEONIS Episcopi , USTHAZA-  
NIS Eunuchi , & aliorum MM.

E P I G R. XLII.

**F**ortunata phalanx Heroum , sanguine vestro  
Euphrates nitidas sanguine tingit aquas :  
Stellato nunc axe super , cui thura negasti ,  
Despicias excelso è vertice Solis iter :  
Caligat sed Sole suo malecredula Persis ,  
Cœcaque perpetuæ tempora noctis habet .

S. EPIPODII Martyris Lugdunensis .

E P I G R. XLIII.

**T**E , Puer , objurgas torvum dum voce Tyran-  
num ,  
Contracta in digitos palma proterva ferit :  
Excussi recidunt crudeli verberare dentes ;  
Purpureus cæso gurges ab ore fluit :  
Sanguinolenta novas addunt tibi vulnere vires ;  
Verbaque dant validos liberiora sonos .  
Quæ duro dentes divellere credidit ictu ,  
Dissolvit linguæ vincula , sæva manus .

XXII. *Aprilis.*SS. ACEPSIMÆ, JOSEPH, & AEI-  
THALÆ Martyrum.

DE S. ACEPSIMA.

EPIGR. XLIV.

**I** Ncessu tardum, extrema curvumque senectâ,  
Vulnere crudeli flagra cruenta necant.  
Tergemino nexis in nodum flamine flagris,  
Ille sibi ad cælum scanfile fecit iter.

DE SS. JOSEPH, &amp; AEITHALA.

EPIGR. XLV.

**I** Nclusos foveæ vos caligantis hiatu  
Efferæ saxorum turbine turba tegit.  
Contumulare prius, quam tradere corpora morti,  
Pœna est, quam Libycæ nec didicere feræ.

S. THEODORI Archimandritæ.

EPIGR. XLVI.

**P** Rimœvi simulans Erebi Dux ora sodalis  
Culmina te celsi montis ad alta trahit;  
Defilias saltu velox utque inde, lacescit;  
Exemplo & pernix provocat ille suo:

Tu

Tu supero sistis servatus Numine gressus ;  
Incolumem socium defiliisse stupes .  
Num paveat collis dorsum declive , supernis  
Defiliit postquam Tartara ad ima plagis ?

## A L I U D

## E P I G R. XLVII.

J Eſſæus claris Vates quæ carmina chordis  
Concinuit , menti tradere , Dive , flagras ;  
Labilis obſiſtit ſed quæ ſecreta recondit ,  
Tradita vis animi dicta memorque tenet :  
Effigiem ſuplex transfixi Numinis oras ,  
Ut ſacros valeas edidiciſſe modos :  
Protinus ambroſia prægnans dulcedine ſuccus  
Hyblæis pluſquam diluit ora favis :  
Integra mox retines Regis modulamina , funda  
Gethæus cecidit quo reſonante Gigas .  
Nectare cæleſti manant quæ cantica Vatis ,  
Quam bene nectareo Præſulis ore ſonant !

## A L I U D

## E P I G R. XLVIII.

T E mandante , perit rabidis quæ ſœta locuſtis  
Frugiferos nubes depopulatur agros .  
Fertilis eſt , prope qui periit , labor irritus anni ;  
Alatæ ſterilis peſtis at ira fuit .

## A L I U D

## ALIUD

## EPIGR. XLIX.

**A** Ngusta inclusus cella , commercia vitas ;  
 Asperitas vitæ sola tibi que comes :  
 Appropereat pecoris Lupus expugnator opimi ;  
 Stramineas ululans clamat & ante fores :  
 Excipis hospitio ; jejuno & porrigis escam ;  
 Tergaque ter blanda plaudis amica manu :  
 Longas ille moras custos ante ostia servat ;  
 Pervigil excubias præstat & ille tibi .  
 Longævis ferri res digna annalibus ! agno  
 Parcit ; edaxque ipsum servat ovile Lupus .

## ALIUD

## EPIGR. L.

**I** Rruit in Divi numerosus membra satelles ;  
 Elata sicas expedit atque manu ;  
 Præsulis occursum primo sed victa recedit ,  
 Aspectumque ipsum territa turba pavet :  
 Flamma propinquantem urit , fornacis ad instar ,  
 Quæ validas sacro jactat ab ore faces .  
 Robora quanta viri ! dum , qui sese exerit ore ,  
 Armatos hostes halitus ipse fugat .

## S. OPPORTUNÆ Virginis, &amp; Abbatissæ.

## E P I G R. L I.

**Æ** Gra thoro languet ; relevat formosa jacentem  
Visa coruscanti lumine Virgo Parens :  
Illa ultra quamvis possit producere vitam ,  
Virginis amplexu fata suprema subit .  
Mors merito celerata venit : nil , Virgine visa ,  
Namque illi in terris , quo frueretur , erat .

## S. VOLPHELMI Abbatis .

## E P I G R. L I I.

**I**N loca deducit superæ te Nuncius aulæ ;  
Quæ solis radiis splendidiora micant .  
Purpurei quid veris opes , quid olentia prata ,  
Quid memorem æthereæ culta vireta manu ?  
Aurea Phæacum pomaria , Thessala Tempe ,  
Hesperidum jactat germina quæque nemus ,  
Incultos saltus , illis collata ; ferisque  
Indomitis solum tesqua colenda putes .  
Cernere erat vario partitas ordine sedes ;  
Gratia nam nitidos non habet una lares :  
Luce nitens mira radiat prior omnibus una ,  
Surgit & aurato vertice celsa domus :  
Aliger , hic , dixit , supremi munere Regis ,  
Sæcula non unquam præteritura trahes ;  
Abscessit simul his dictis : tu mente volutas  
Proxima Rex Superum quæ tibi dona parat ;  
Pro-

Proxima ; namque tibi , longi non temporis usu ,  
 Attulit extremum mors properata diem :  
 Et merito : tanto nam quæ fulgore coruscant ,  
 Non fuerant lento tecta adeunda pede .

XXIII. *Aprilis.*

S. GEORGII Martyris .

EPIGR. LIII.

**Q**ui coluit Marfis quæsitæ montibus herbas ,  
 Et cæcos Magica nexuit arte dolos ,  
 Sternere se spondet mendacia Numina , Divus  
 Siluci extinctum restituisse queat :  
 Infertur pallens , turba spectante , cadaver ,  
 Tabidus afflatam quam prope pellit odor :  
 Procumbit Divus terræ ; occludique Tonantem  
 Prodigio suplex ora proterva rogat :  
 Exilit e loculis , roseo spectabilis ore ,  
 Qui pridem solis lumine cassus erat :  
 Obstupuit Magicus lusor ; veramque jocosis  
 Pollicitam verbis præstitit ille fidem :  
 Ejurat ritus fatuos , & membra furentum  
 Tortorum gladiis dilaceranda dedit :  
 Accedit mox turba frequens , mutataque damnat ,  
 Tristatur lacrimans quos coluisse , Deos .  
 Squalenti e feretro saliens vix ille , supernam  
 Ad vitam extinctos jam revocare potest .

*ALIUD*



## A L I U D

## E P I G R. L I V.

C Uspidibus ferri nudus laceratur acutis,  
Membra mucronatæ nexus adacta rotæ:  
Continuò renovat sed robora firma; cicatrix  
Corpore prævalido non habet ulla locum.  
Pectora miratur membratim scissa Tyrannus  
Vivere, & arcano flore nitere genas:  
Ignorat, Divo veniant quæ pharmaca; quantus,  
Plurima quæque tulit vulnere, curet onyx:  
Nempè illi æthereæ sudant opobalsama silvæ,  
Quæ nullus novit cultor odoris Arabs.

## A L I U D

## E P I G R. L V.

L Ethiferi succos jussus forbere veneni,  
Nulla propinato damna liquore subit:  
Sed contra, sacros ultra dum pectore ritus  
Afferit invicto, saucius ense perit.  
Innumeros gladio Ductor qui straverat hostes,  
Extulit & forti clara trophæa manu,  
Debuit haud vilis cyatho sua fata cicutæ;  
Bellator præstans ense petendus erat,

SS. FELICIS, FORTUNATI, &  
ACHILLEI Martyrum.

## EPIGR. LVI.

**S**idereus quæ vincla gerunt dissolvit Alumnus ;  
Carceris & referat lapsus ab axe fores :  
Impia tecta petunt Divi ; sternuntque minaces  
Quæ vultus referunt marmora sculpta Jovis .  
I, Lictor ; laqueis Divos adstringe : sacrorum  
Sic discunt Pugilum vincula ferre manus .

S. ADALBERTI Monachi, Episcopi,  
& Martyris.

## EPIGR. LVII.

**V**asa ferens puræ jussus testacea lymphæ,  
Procumbit strato corpore lapsus humi :  
Hydria rimarum nullos contraxit hiatus ,  
Non modico quamvis pulsa fragore sonet :  
Quæque sinus urnæ complebat, substitit unda ;  
Defluit arenti gutta nec una solo .  
Quid decora inquiram Divi sublimia ? lapsu  
Laudari meruit non satis ille suo .

XXIV. *Aprilis.*S. ALEXANDRI Martyris Lugdu-  
nensis .

E P I G R. LVIII.

**S** Emianimem Divum tortorum turba relinquit,  
Discerpsit duris quem rabiosa flagris;  
Quadrifido demum suspendit robore; postquam,  
Quem feriat, vecors non habet ira locum.  
Dextera si cessat virgis lassata; tueri,  
Qui furor est reliquus, vulnera facta juvat.

S. MELLITI Episcopi Londoniensis .

E P I G R. LIX.

**S** Ol novus extremis affulgens, Dive, Britannis,  
Non parcis superæ spargere lucis opes:  
Ad nutum reprimis vastantes mœnia flammæ,  
Quæ Tamesis tumidis regia findit aquis.  
Ordine procedis servato: extinguis Averni  
Nam prius, urbanas posteriusque faces.

S. ROBERTI Eremitæ, & Abbatis  
Casæ Dei .

E P I G R. LX.

**D** Evia per nemorum saltus dum fertur opacos,  
Te Mater subito pressa dolore parit.

An-

Antra petunt alii longo post tempore ; prima  
Sed te silvicolam procreat orta dies .

# ALIUD

## EPIGR. LXI.

**C**ontigit indecoris vulgato corpore nutrix ,  
Venali quæstu sordida , Dive , tibi :  
Dona ministrantem tu lactea fronte repellis  
Aversa ; refugo tristis & ore fremis .  
Quam valide Stygios olim confurget in hostes ,  
Robora quæ præstat tanta , tenella manus !

# ALIUD

## EPIGR. LXII.

**S**ugere lac refugis malefidum , Dive ; manumque  
Immundæ pulsas ubera fœda lupæ .  
Dic ubi non mortem metuas , Infante magistro ,  
Noxia si puro lacte venena latent ?

xxvi. *Aprilis* .

S. BASILEI Episcopi Amaseni ,  
& Martyris .

## EPIGR. LXIII.

**A**vulsum ferro Divi caput abstulit æquor ;  
Mox hausit vasto corpora trunca sinu :  
Quos

Quos rabido tortor gladio divisit, arenæ  
 Conjunctos artus reddidit unda maris.  
 Commeritas Divo grates, sua regna colenti,  
 Ut solvat, necit membra recisa salum.

## A L I U D

## E P I G R. L X I V.

**P**iscator Divi conclusum rete cadaver  
 Littoris ad noti spumea saxa trahit.  
 Involuit Pugilem jacto qui rete, dolosus  
 Non mihi piscator, sed Gladiator erat.

## S. RICHERII Presbyteri.

## E P I G R. L X V.

**A**Spera continues quamvis jejunia; vilis  
 Et vix austeram leniat herba famem,  
 Non tamen augustæ fastidis fercula mensæ,  
 Rex tibi Sequanicus quæ pretiosa parat:  
 Admisces monitus sed tu non parcus amicos;  
 Verbaque curandis moribus apta moves.  
 Rex tibi, quas dives progignit terra, ministras  
 Tu Regi æthereas sed, pia dicta, dapes.

xxvii. *Aprilis.*

S. ANTHIMI Episcopi Nicomediensis,  
 & Martyris.

## E P I G R. L X V I.

**O**stendit Divo necis instrumenta Tyrannus,  
 Plurima quæ medio cogit acerba foro:

Adfunt dentatæ bifida cum forcipe ferræ ;  
 Exertant patulis faucibus ora feræ ;  
 Torva luce micant gladii , duræque secures ;  
 Horrificat rapidas cusps athena rotas :  
 Quid flammæ memorem , crates , insutaque plumbo  
 Flagra , quid undantes igne furente rogos ?  
 Dum Cæsar fractas sæva ad spectacula vires ,  
 Pallidaque exanimi Præfulis ora putat ,  
 Circumagitur vultus hilares nil territus ille ;  
 Bis terque in gyrum lumina læta tulit .  
 Picta rosis Divo , instruitur quæ pompa nocendi ,  
 Versicolorati scenæque veris erat .

xxviii. *Aprilis.*

SS. VITALIS \*, & VALERIE Con-  
jugis Martyrum .

DE S. VALERIA.

EPIGR. LXVII.

Conjugis exuvias invicti Sponsa requirens  
 Æmilie in campos læta capeffit iter :  
 Occurrit turbæ , ritu quæ foeda profano ,  
 Silvano sacras libat iniqua dapes :  
 Alliciunt vetita Divam discumbere mensa :  
 Crudelem subiit , dum negat illa , necem .  
 Quærebat cineres , Sponsum sed repperit ipsum ,  
 Perpetuos celsæ qui trahit axe dies .

SS. PA-

\* De S. Vitale diximus in alio Elogiorum volumine ad diem xxviii. Aprilis.

# SS. PAPHNUTII, & QUINGENTORUM quadraginta sex Martyrum.

## EPIGR. LXVIII.

**I**mperio late regnat quâ barbara Memphis,  
 Pyramidumque gravi pondere nutat humus,  
 Palmigeri coetus crebrescunt: agmine denso  
 Mistâ jacent juvenum funera, mistâ senum:  
 Extulit infirmi ad Cælum se gloria sexus;  
 A pœnis ætas non vacat ulla suis:  
 Suppliciis exempla novis, inventaque defunt;  
 Horrescit feritas, quas parit ipsa, neces:  
 Undique congestæ cladis tolluntur acervi;  
 Flumina purpurei sanguinis imbre fluunt.  
 Sævitiæ immanis post hæc documenta, cruento  
 Cum peteret pavidum turgidus amne salum,  
 Fonte latens Nilus si non est fabula, cœcum  
 Tunc illum credas occuluisse caput.

## ALIUD

### DE S. PAPHNUTIO.

## EPIGR. LXIX.

**F**lagrorum duro concisus verbere, palmæ  
 Sublimi e trunco pendulus, astra petis.  
 Pœnarum proh quanta seges! dum præmia pœnis  
 Quæ veniunt palmæ, sunt nova pœna tibi.

SS. MAXIMI, DADÆ, & QUINTI-  
LIANI Martyrum.

EPIGR. LXX.

**T** Ergeminos Erebi Lictor per somnia Fratres  
Territat, infesti militis ora ferens:  
Dat sonitus gravis ære truces, fremit, affilit, ardet;  
Fulgenti gladium cuspide dextra rotat:  
Illuxit cum prima dies, illisa securis  
Optato Fratrum vulnere colla ferit.  
Luce vigil clara soboles generosa triumphat;  
Ille furit, Pugiles dum sopor altus habet.

ALIUD

EPIGR. LXXI.

**T** Orvâ fremit, pugnasque ciet bellator Averni,  
Mollia dum placidæ tempora noctis eunt.  
Plurimus horrentis Regni sic certat Ulysses;  
Pelides raros Regia Ditis habet.

xxix. *Aprilis.*

S. HUGONIS Abbatis Cluniacensis.

EPIGR. LXXII.

**Q** Uæ vehit angusto æreas te calle per alpes,  
Subsilit incerto territa mula pede:  
Dum



Dum pavet, abruptæ te celso e vertice rupis  
 Præcipitem secum vallis in ima dedit :  
 Dant gemitus socii ; lapsum frustra que requirunt :  
 Quod ruit in præceps, lumina terret iter :  
 Extinctum prope dum lugent, quatit ungula cautes  
 A tergo ; sonitum pulsaque saxa cient :  
 Respiciunt : Divum famularis mula relicto  
 Reddidit incolumem, sospes & ipsa, jugo .  
 Qui te servavit, Præsul, non foetus asellæ ;  
 Pegasus astringero lapsus ab axe fuit .

## S. ROBERTI Abbatis Molismensis .

## E P I G R. LXXIII.

**L** Audentem rabido furtim lupo ore puellum  
 Diripit, & præda dives in antra fugit :  
 Insano genitrix furit amens perdita luctu ;  
 Ejulat, effusas dilaceratque comas :  
 Irrita dum superas suspiria jactat in auras,  
 Te demum supplex nomine, Dive, vocat :  
 Bellua rupe cava remeat, natumque reportat ;  
 Materno incolumem restituitque sinu .  
 Post reditum charæ qui ludit ad ubera matris  
 Tutus, in ore lupi tutior ille fuit .

## A L I U D

## E P I G R. LXXIV.

**Q** Ua tu parte domus petis æthera, discolor Iris  
 Hinc illinc arcus circumat orta suos :

Sæpe graves imbres, soles quæ sæpe serenos  
 Ominis incerti nuncia ferre solet,  
 Irriguos fletus fociis præfaga relictis,  
 Pacatos affert sed tibi læta dies.

xxx. *Aprilis.*

SS. MARIANI LECTORIS, & JACOBI  
 DIACONI Martyrum.

EPIGR. LXXV.

**R**egia nox Divis monstrat convivia, postquam  
 Composuit lentus lumina fessa sopor:  
 Proxima sed primo cum lux radiavit Eoo,  
 Tortoris gladio subdita colla cadunt:  
 Nullam falsa fidem servarunt somnia, dices;  
 Atræque nox vanis ludit imaginibus:  
 Illa tibi sed vera forent, fortuna palatum  
 Tradere si Divûm posset amica tibi.

S. MAXIMI Martyris.

EPIGR. LXXVI.

**M**agnanimi Pugilis, sævis excussa lacertis,  
 Immani accelerant pondere saxa necem.  
 Euge, age; sola manent te præmia, Dive; laborum  
 Dum jacti lapides meta fuere tibi.

ELO-

# ELOGIA SANCTORUM MENSIS MAII.

i. *Maii*.

SS. ZOERARDI Monachi, & BENE-  
DICTI Martyris.

*DE S. ZOERARDO.*

EPIGR. I.

**P**Ræfulis imperio, sacrae dum sedis in usus,  
Annosi nemoris cædua ligna secas,  
Semianimis terræ post longos concidis ictus;  
Brachia nec durus sustinet ægra labor:  
Subsidio tibi lapsus adest cælestis Ephœbus,  
Erigit e nudo fessaque membra solo;  
Excipit ille etiam curru fulgente; citatis  
Et revehit famulans ad pia septa rotis.  
Non est, quod paveas, densæ per confraga silvæ,  
Contingat tutum ne tibi callis iter,  
Quæ te docta vehit, novit moderamine certo  
Cælestes orbes illa rotare manus.

*ALIUD*

EPIGR. II.

**F**ungitur aurigæ cui munere civis Olympi;  
Magnatum quanto creditur esse loco!

L 4

*ALIUD*

## ALIUD

## EPIGR. III.

**S**æpe alios manus Aligerum deduxit ; ovantem  
Te solum curru sed radiante vehit .

## ALIUD

## EPIGR. IV.

**A**rida, cuspidibus duris defixaque , trunci  
Robora discissi sunt tibi , Dive , thorus :  
Qua mitis potuit culpa delinquere somnus ?  
Ipsa molesta tibi num queat esse quies ?  
Crimina vexati sed nosco soporis : avarus ,  
Dum nimium vigilas , est tibi , Dive , sopor :

## DE S. BENEDICTO.

## EPIGR. V.

**P**ædatrix ferro jugulat te turba latronum ;  
Jactaque flumineis corpora mergit aquis :  
Projectum servat volucrum Regina cadaver ;  
Protrahit ad longas excubiasque moras :  
Phœbæis , terras quæ dedignata jacentes ,  
Hæret inoffenso lumine fixa rotis ,  
Ne stupeas vili volucrem decumbere ripa ;  
Hic etiam Solem , quem tueatur , habet ,

III. *Maii.*SS. ALEXANDRI, & ANTONINÆ  
Martyrum.

EPIGR. VI.

**E** Nſe manus Pugilum diſſectæ ſanguine manant ;  
 Inſperſum riguo purpurat imbre ſolum :  
 Perfide crudeli tortor nil proficis iſtu ;  
 Non dolet amiſſas ille, nec illa, manus :  
 Qui nova palmarum ſemper viridantia ſtringunt  
 Germina, tunc manu, ſtulte, carere putas ?

ALIOD

EPIGR. VII.

**C** æditur immiti Pugilum manus utraque ferro,  
 Hoſtilis victas nec tamen ira putet :  
 Veſani duro cædit quæ corda Tyranni  
 Verbere, non dici dextera trunca poteſt.

IV. *Maii.*

S. PELAGIÆ Virginis, &amp; Martyris.

EPIGR. VIII.

**A** Uguſtæ prolis Virgo connubia vitat :  
 Cæſaris infeſtas nec timet illa minas :  
 Idem-

Idaliis ardens flammis insanit amator ;  
 Et se rejectum corde fremente dolet :  
 Perditus incumbit gladio ; properata levamen  
 Atque impacati fata furoris habet .  
 Dum præceps tanto in propriam furit impete cladē ,  
 Crede mihi , non est fabula , cæcus Amor .

## ALIUD

## EPIGR. IX.

**I**mmittis sævæ objecit te Cæsaris iræ ,  
 Dives opum genitrix , dum timet illa sibi .  
 Infelix ! tanta potuit quæ Prole carere ,  
 Noscere divitias nesciit illa suas .

## ALIUD

## EPIGR. X.

**Æ**Rati , Virgo , caveis inclusa juveni ,  
 Supposito , imperio Cæsaris , igne peris .  
 Ære rigent humeri , cervix , frons , cornua tauri :  
 Corda magis duri Principis ære rigent .

## ALIUD

## EPIGR. XI.

**V**irginis ossa tegunt vigiles projecta leones :  
 Quæ fera projecit dextera , tigris erat .

## ALIUD

## A L I U D

## E P I G R. XII.

**M** Actandam furiis vesani Principis offert  
 Crudeli Natam pectore sæva parens :  
 Sed contra cura servant vigilante leones ,  
 Quæ dispersa solo Virginis ossa jacent .  
 Fungitur officiosa piæ fera munere matris ;  
 Munere crudelis fungitur illa feræ .

SS. SILVIANI Gazæ Episcopi , & So-  
 ciorum Martyrum .

## E P I G R. XIII.

**S** Acra Palæstinæ lætos dent littora plausus ,  
 Palmarum ditat quæ numerosa seges :  
 Jordanes , rauco turgens & gurgite Cisson ,  
 Ire coloratas sanguine vidit aquas :  
 Agmina postremus claudis , Silvane ; senectus  
 Cui non fidereum lenta retardat iter .  
 Gravior infirmo clarescit corpore virtus ;  
 Canaque dinumerat plura trophæa fides .

S. FLORIANI Martyris .

## E P I G R. XIV.

**N** Umina damnantem mendacia vortice crebro  
 Temersum tumidi fluminis unda rapit :  
 Vix

Vix fuit hora brevis , tortor cum solis adepti ,  
 Elisis oculis , damna severa tulit .  
 I , tenebris & disce tuis proludere nocti ,  
 Quæ te liventi sub Styge longa manet .

V I I. *Maii* .

## DE SANTISSIMO CRUCIS SIGNO:

EPIGR. XV:

**F** Laviadæ Magni proles cum flecteret Orbis  
 Edomiti augusta tradita frena manu ,  
 Emicuere Crucis fulgentia signa , pependit  
 Nostra triumphali qua trabe nexa salus :  
 Axe super rutilans tenuit fastigia montis ,  
 Sacra ubi Divino sanguine gemmat humus ;  
 Excursu longo projectaque , lumine complet  
 Te quoque , olivifero germine dives apex .  
 Procumbit terræ , nec fervida vota coercet ;  
 Illacrimans latos turba cietque sonos :  
 Dum natis monstrant vexilla micantia matres ,  
 Celsa docent quantum sustulit arbor onus .  
 Jordanes effert totas in gaudia ripas ;  
 Prodigia æquoreis claraque narrat aquis .  
 Astra micans petiit Numen post fata : triumpho  
 Scandere Crux etiam debuit astra suo .

S. JOANNIS Hagustaldensis , & Eboracensis Episcopi .

EPIGR. XVI.

**Q** Uadrupedem cursu immodico ne vexet anhelû ;  
 Dive , viæ socium terque quaterque mones :  
 Ille



Ille animis fidens, & primæ flore juventæ,  
 Urget inexplētā lātā per arva fugam:  
 Tu magis elata deterres voce, furentem  
 A rapido posses si revocare gradu;  
 Acrius ille ferox subdit calcaria: surda  
 Sed dum sollicitos excipit æure sonos,  
 Dat quadrupes incompósitos per jugera saltus:  
 Excussus subito labitur ille metu:  
 Horrifonum reddunt saxis illisa fragorem  
 Tempora, & irriguo sanguine cæsa rubent:  
 Exsurgit demum fluido caput imbre cruentus,  
 Et, freni indocilem, verberare pulsat equum.  
 Improbe, nil meruit sonipes: tu pectore duto  
 Negligis imperium Præfulis, ille tuum.

V I I I. *Maii.*

S. ACATH Centurionis Martyris.

E P I G R. X V I I.

**V**ulnera, quæ tetri defers in carceris umbras,  
 Profectus supera curat ab arce Puer:  
 Attulit Idæis dictamna ignota capellis,  
 Queis inopina tibi parta repente salus:  
 Dum nova tu poenæ fociis miracula monstras,  
 Ejurat falsos concita turba Deos.  
 Præonia doctus quam proficis arte! Magistri  
 Jam superas laudes æmulus ipse tui:  
 Ille, flagri immitis tulerunt quæ vulnera, curas  
 Sed tu Tartarea vulnera facta manu.

## S. VICTORIS Mauri Martyris .

## EPIGR. XVIII.

**R** Oboreo plantas tortoris dextera cippo  
 Alligat , & torta cannabe , Dive , tibi :  
 Irrita spes illum ludit , si sperat acerbo  
 Supplicio tantam posse labare fidem ;  
 Nam pede pugnantem immoto subsistere , firmas  
 Quæ figit plantas poena vel ipsa docet .

## S. WIRONIS Scotiæ Episcopi .

## EPIGR. XIX.

**R** Egali de stirpe satus , qui , Marte secundo ,  
 Agmina Francigenum ductor ahena regit ,  
 Pipinus Divi nudo pede testâ frequentat ,  
 Præsulis & sacros sternitur ante pedes .  
 Bellator fortis novit , munimina Regni  
 Hospite ab egregio quanta parare queat .

## S. PETRI Archiepiscopi Tarentasii .

## EPIGR. XX.

**Q** Uæ laqueis adstricta gemit , torquetur & atro  
 Carcere , te suplex nomine turba rogat ;  
 Invisis cœcos degens procul ipse penates ;  
 Et clara præsens luce coruscus ades :  
 Aspectu refoves detentos , vincula solvis ,  
 Præviis æratas ducis & ante fores :

Con-

Contactu postes patuerunt ; agmine facto ,  
Deserit obscuros turba soluta lares :  
Decipit excubias armati militis ; hostes  
Et Duce per medios Præsule carpit iter :  
In loca deveniunt sed postquam tuta , referre  
Pastori grates læta caterva parat :  
Ille sed in tenues extemplo evanuit auras ,  
Ceu radiante levis solvitur axe vapor .  
Prodigia haud satis est geminari ; ut plurima præstet ,  
Se geminat miris author & ipse modis .

## A L I U D

## E P I G R. XXI.

O Ppida dum peregrè lustras tibi tradita curæ ,  
Hospitia haudquaquam publica , Dive , petis ;  
Agmina sed primum quæris mendica , vagari  
Huc illuc quotquot cogit iniqua fames :  
His te stipatum sociis frugalis aperto  
Sub Jove , in herboſo gramine , mensa vocat :  
Olla laboratam pulsem coquit omnibus una ;  
Æqualem Cererem sacculus unus habet ;  
Qua patina sumis tu fercula , sumit eadem  
Turba frequens ; cyatho quo bibit illa , bibis :  
Quæ magis arrident obsonia grata palato ,  
Solicita sociis porrigis ipse manu .  
Laudo pios animos : sed quid , si , fraude latenti ,  
Illecebris capiat te gula forte suis ?  
Non vanus timor est : turbis sociatus egenis  
Quam libas , sapida est nam nimis esca tibi .

x. *Maii*.

S. GORDIANI Martyris .

EPIGR. XXII.

**Æ** Therei Regis Cæsar qui signa reliquit ;  
 Te jubet Imperii sustinuisse vices :  
 Siderea ritus ductus tu luce profanos ,  
 Deferis & clara castra nefanda fuga :  
 Te desertorem Cæsar dum funere mactat ,  
 Ille tibi optatam pandit ad astra viam ;  
 Augustum desertorem qui sub Styge plectat ,  
 Desertor quondam Numinis alter erit .

x i. *Maii* .SS. GLICERIE , & LAODICII  
Martyrum .

DE S. LAODICIO.

EPIGR. XXIII.

**G** Liceriam mira nitidam cum luce , solutos  
 Et laqueos vidit Virginis ante pedes ,  
 Carceris umbrosi custos Laodicius artus  
 Æratis vinclis induit ipse suos :  
 Advolat immitis mox Judicis ante tribunal ;  
 Et sæva gladii cuspide fata subit :  
 Crimina si quæris , furtum sunt crimina ; Divæ  
 Surripuit celeri ferrea vincla manu .

DE

## DE S. GLICERIA.

## E P I G R. XXIV.

**F** Est a dies ad templa Jovis dum convocat urbem,  
 Diva iterat validas corde flagrante preces :  
 Obtundunt subito Phœbæos nubila currus ,  
 Et scissus crebro murmurat igne Polus :  
 Cum fremitu delubra labant ; trifidæque sagittæ  
 Numinis effigies impete fracta cadit .  
 Christiadum lapsum risit pia turba Tonantem ;  
 Fulmine cum rector fulminis ipse ruit .

## ALIUD

## E P I G R. XXV.

**I** N te tortorum , validis metuenda lacertis ,  
 Horrifica lapidum grandine turba furit :  
 Saxa volant ; hærent medio sed pendula cursu ;  
 Numina tu , nullo vulnere læsa , colis .  
 Corpora tot Divæ circum miracula surgunt ,  
 Quot contra lapides sæva caterva jacet .

## SS. ANTHIMI , &amp; Sociorum MM.

## E P I G R. XXVI.

**P**œna plagis superis non addidit una sodales ,  
 Anthimus at gladio colla petenda dedit :  
 Excipiunt placido primum Tiberina fluenta  
 Demeritos artus ambitiosa sinu :

E mediis illos sed sustulit Aliger undis ;  
 Fulgenti vinctas solvit & ense manus .  
 Illustri Tiberis viduatus pignore , mœstus  
 Demissa æquoreas fronte petivit aquas .

### S. MAMERTI Episcopi Viennensis .

#### EPIGR. XXVII.

**C**orripiunt celsos undosa incendia muros ;  
 Quæcis cælo attollit clara Vienna caput .  
 Obstantis turbæ validis non viribus ignis ,  
 Non haustis rapido è flumine cedit aquis :  
 Mœnia tu precibus servas , dum pronus ad aras  
 Numina , cum populo suplice , Dive , rogas .  
 Quam Rhodanus totis frustra compescuit undis ,  
 Extincta est lacrimis fervida flamma tuis .

### S. GANGULPHI Martyris .

#### EPIGR. XXVIII.

**M**ulta tibi latis excurrunt prædia campis ;  
 Sed nullus riguas dat tibi rivus aquas :  
 Incidis in fontem , patria procul urbe remotum ,  
 Pinguia dives ubi rura colonus arat :  
 Accedis propius ; vitreas miratus & undas ,  
 Vendere tu fontem num velit ille ? rogas :  
 Effusus læto dat rusticus ore cachinnos ;  
 Atque tua gestit simplicitate frui :  
 Lucro inhians pretium poscit sed vile ; moratus  
 Tu nihil , exerta porrigis æra manu :

Aret

Aret ibi extemplo ; saliit translatus in agros  
 Ubere fons vena perspicuusque tuos :  
 Venditor obstupuit ; par fonti atque aridus hæsit .  
 Quot risus lacrimas improbus ille dedit !

## S. NICOLAI Abbatis .

## E P I G R . X X I X .

**P**ercurris sacrum decumbens Dive volumen ,  
 Subrepat tacita dum tibi nocte sopor :  
 Dum fessos artus ille alligat , excidit ardens ,  
 Cerea in angustum fax revoluta thorum :  
 Non tunicam , lædit tenuem non illa papyrum ;  
 Culcita ab innocuo crassa nec igne flagrat .  
 Blanda quies Divum dum detinet , ipsa favillis  
 Flamma soporatis otia longa trahit .

X I I . *Maii* .S. EPIPHANII Episcopi Constantiæ  
in Cypro .

## E P I G R . X X X .

**E**Xerit in Divum gladium , cui , fidere lævo ,  
 Ex oculis expers luminis alter erat :  
 Dum ferrum ruit in vulnus , lux reddita cœcam  
 A sæva avertit cæde repente manum .  
 Lumine privari meruit crudelis utroque ,  
 Munere sed Divi cœpit utroque frui .

## ALIUD

## EPIGR. XXXI.

**D**Um Divi postes audet perfringere miles,  
 Aruit ante ipsas dextra repente fores:  
 Ostiolum Divus recludit; criminis ille  
 Dum veniam rogitat, libera dextra redit.  
 Cum postes quatit, arescit; cum pectora pulsat,  
 Convaluit tactu suplice ficca manus;  
 Edidicitque simul, nullo procumbere valvas  
 Ariete, custodit quas bene culta fides.

## ALIUD

## EPIGR. XXXII.

**C**ompositum mœsto dum te nudare feretro  
 Clam socios tentat, Dive, proterva manus,  
 Tu pede sublato audacem bis terque repellis,  
 Improbæque excussis calcibus ora petis.  
 Oscula quam vellem tibi figere mille, pudorem  
 Quæ colere ingenuum tam bene, planta, doces!

S. MODOALDI Episcopi Trevirensis.

## EPIGR. XXXIII.

**C**orripit effusus templum Vulcanus habenis,  
 Quo, tumulo tectus divite, Dive, jaces;  
 Exuvias non ulla tuas incendia tangunt;  
 Torquet in adversum flamma volucris iter.  
 Frena mari opponit si mollis arena, potestas  
 Quin cineri, domito tanta sit igne, tuo?

S. RI-



## S. RICTRUDIS Martianensis :

## E P I G R. XXXIV.

**E**Xtincto mœstam traducit conjuge vitam ;  
 Et servat viduos sola relicta lares :  
 Votis illa diu Procerum quæsitâ precantum ,  
 Regia detrectat quos habet aula Duces :  
 Sed cum lecta cohors animis flagrantibus instat ,  
 Spondet inoffensam Sponsa futura fidem :  
 Splendida regali celebrat convivia pompa ;  
 Delectos clara stirpe procosque vocat :  
 Ipsa hilari vultu , flaventes compta capillos  
 Emicat , & roseis conspicienda genis :  
 Postquâ exempta fames , nitidoque instructa paratu ,  
 Dimisit lautas mensa remota dapes ,  
 Illa sacrum casto celatum pectore velum  
 Explicat ; effusas læta tegitque comas :  
 Deceptos stupor altus habet ; frustra que queruntur  
 Matronæ fluxam nobilis esse fidem ;  
 Nam quæ sidereo fulsit bene nupta Tonanti ,  
 Pollicitis mendax non fuit illa suis .

X I I I. *Maii* .

## S. ALEXANDRI Martyris alterius .

## E P I G R. XXXV.

**U**T vinclis te turba ferox adstringat ahenis ,  
 Accelerat rapidos exitiosa gradus ;  
K 3
Sed

Sed retro occurſu primo veſtigia torquet  
 Territa ; dejecta lapſaque fronte tremiſit .  
 Quæ Divi vultu radians lux fulget , in illos  
 Horrida ſaxificæ Gorgonis umbra fuit .

## ALIUD

## EPIGR. XXXVI.

**A**mpuſet ut Divi crudelis colla ſatelles ,  
 Attollit , rigido quæ micat enſe , manum ;  
 Territus Aligeri aſpectu ſed languet ad iſtus ;  
 Deſiciens prono lapſus & ore ruit :  
 Surgit , & immiti durum rotat impete ferrum ;  
 Aligero atque iterum dextra minante tremiſit :  
 Non toleras tu , Dive , moras ; paulumque recedat  
 Nuncius ut celſo miſſus ab axe , rogas :  
 Pectore mox læto liſtorem affaris : Amice ,  
 Aude , ais ; & firmo robore colla feri .  
 Proh pugilis miros animos ! quas Civis Olympi  
 Tortori vires abſtulit , ille dedit .

S. SERVATII Epifcopi Tungrenſis .

## EPIGR. XXXVII.

**N**ubiferos circum nix obſidet algida montes ;  
 Concreto vacat à frigore nullus apex ;  
 Sola tuum , Præſul , decorat quæ templa ſepulcrum  
 Non libat gelidus qui fluit axe liquor .  
 Quas fervens cinis ejaculat , non ille favillas ,  
 Nec ſolvi in latices vellera cana , timet ;  
 Sed colles nitidi cingit velamine ſerti ,  
 Ne deſit tumulo digna corona tuo .

S. JOAN-

## S. JOANNIS Episcopi Silentarii :

## E P I G R. XXXVIII.

**B** Is fenos annos fervare silentia jussus;  
Vix ullos parco protulit ore sonos.  
Noris ut os tacitum pariat quæ commoda, non est  
A muta quæras ut documenta Samo:  
Lingua filens solas Amyclas; sed perdidit Orbem,  
Hæc male serpenti credula, lingua loquax.

## A L I U D

## E P I G R. XXXIX.

**A** Brupti procul erraret cum vertice montis,  
Concidit obscuræ vallis in ima Senex:  
Nulla patet sublime jugum quæ semita monstret;  
Nullus qui posset ferre viator opem:  
Sidereum, superant quæ sola levamina, rebus  
Subsidio afflictis Numen adesse rogat:  
Nec mora, cum sudum rapitur per inane; relictos  
Vi subita solpes redditur inque lares:  
Segnior alato Medus petit æra telo;  
Segnior in nubes regia fertur avis:  
Nil retulit, fractas lapsu procumbere vires,  
Robora dum cordis firma precantis erant.

XIV. *Maii.*

SS. VICTORIS, &amp; CORONÆ MM.

DE S. VICTORE.

EPIGR. XL.

**C**onfringit Divi digitos, fractosque revellit  
 Sævior Hircanis impia dextra feris.  
 In digitos sævit, pugnax Athleta Tonantis  
 Ne posset palmas enumerare suas:  
 Est compos voti: innumero certamine Victor,  
 Non potis est palmas nam numerare suas.

DE S. CORONA.

EPIGR. XLI.

**P**almarum truncis hinc illinc alligat artus,  
 Distractos tortor dilaceratque, tuos.  
 Poena tibi palmas, dant nomina clara coronam;  
 Parta tibi gemino est pignore certa salus.

S. PACOMII Abbatis.

EPIGR. XLII.

**M**entitus galli formam te, Dive, laceffit;  
 Tartareus festo ludit & ore Draco.  
 I, men-

I, mendax ; Stygii tenebras pete carceris ; audes  
 Promere cristato gutture tune diem ?  
 Concine , feralis bubo , tua tristia fata ,  
 Luctiferæ mortis nuncia , noctis avis ,

## S. BONIFACII Episcopi Ferentini .

## E P I G R. XLIII.

**V**inea , proventus Divo quæ sola ministrat ,  
 Lenæos latices , grandine pressa , negat :  
 Non illum ruris facies sed squalida terret ,  
 Et quæ spes anni gleba fefellit iners :  
 Dolia quin cogi mandat , vinaria quotquot  
 Compositosque solet condere cella cados .  
 Mox vidua modicos decerpere vite racemos ,  
 Calcare excerptos agricolamque jubet :  
 Dum lectos premit ille , liquor succrescere visus ;  
 Largaque sordenti sub pede vina fluunt :  
 Purpurat ignaro dives vindemia Baccho ;  
 Ignorat colles hospes & uva suos .  
 Splendida , Dive , tuæ sunt hæc miracula dextræ ;  
 Tu mira Autumnos munera ferre doces .  
 Traxerunt alii sicco de pumice fontes ;  
 Tu trahis è vacuo fervida musta lacu .

## A L I U D

## E P I G R. XLIV.

**P**ræfulis imperio , stricto quam dente tenebat ;  
 Restituit vulpes subdola cortis avem .  
 Fu-

Furari volucres exemplo vulpis opimas  
 Quæ discat, numero callida turba caret;  
 Al ilium foetus sed contra, vulpe magistra,  
 Qui discat raptos reddere, rarus erit.

SS. PETRI, ANDREÆ, PAULI, &  
 DIONYSIÆ Martyrum.

*DE S. PETRO.*

*EPIGR. XLV.*

**S** Trenua crudelis procumbit victima ferri,  
 Dum tibi, fœda Venus, flectere colla negat.  
 Laude nitet gemina; subdit dum colla securi;  
 Dum vertit Cypriæ terga retorta Deæ.

*DE SS. ANDREA, & PAULO.*

*EPIGR. XLVI.*

**D** Ianæ turpes horrent procumbere ad aras;  
 Tela pharetratae despiciuntque Deæ:  
 Turba ferox duris sœvit metuenda lacertis;  
 Et Pugilum saxis obruta membra tegit:  
 Horrida crudeles infligunt vulnera dextræ;  
 Latanturque magis, quo graviora ferunt.  
 Desere jam silvas, venatrix Diva; sagittis  
 Has pete, quas pariunt urbica tecta, feras.

*DE*

## D E S. D I O N Y S I A .

## E P I G R. XLVII.

**D** Um procul Heroas geminos procumbere saxis,  
Et fluere in rivos membra cruenta , videt ,  
Involat in lapides ; sacrosque amplectitur artus ,  
Funere magnanimo certa Puella mori .  
Quanta puellaris micuerunt robora dextræ !  
Commeritas palmas non capit illa , rapit .

x v. *Maii* .

## S. DYMPNÆ Virginis , &amp; Martyris .

## E P I G R. XLVIII.

**I** Ncestis patrem ut vidit flagrare favillis ,  
Elata cœcus ter face gessit Amor :  
Aggreditur Natam , tenera de Virgine spondet  
Et sibi post domitum clara trophæa patrem :  
Tela jacet : recidunt sine vulnere tela ; sagittis  
A tergo pendet nuda pharetra suis :  
Corda petit flammis : ictu lassatur inani ;  
Extinctæ retulit damna probrosa facis .  
Quid faceret ? superant humeris non spicula , flammæ  
Dextera quæ vibret sed nec inermis habet .  
Abscedit torvæ victus Feritatis in ædes ,  
Mutua quam suplex præstet ut arma , rogat :  
Arripuit gladium , generosæ & Virginis , ictu  
Affiliens rabido , lactea colla ferit .

Exi-

Exitiose Puer, tumeas ne Virgine cæsa ;  
 Ne nimium fausto vulnere plaude tibi :  
 Quæ tua sunt, risit tela irrita fortis Amazon ;  
 Quam geris, extinctam cerne, proterve, facem :  
 Bellator vilis furtivo inglorius ense  
 Quo sævis, optat, non timet illa mori .

## ALIUD

## EPIGR. XLIX.

**F**raudibus Idalii, Lector, ne fide Tyranni :  
 Arma gerit diri sæpe Furoris Amor .

xvi. *Maii* .

S. DAMNOLI Episcopi Cenomanensis.

## EPIGR. L.

**P**rædia, quæ sacro suberant obnoxia templo,  
 Aulicus invadit Regulus, ære potens :  
 Prandia cum sociis herborum rursus in umbra  
 Dum fruit, & multo proluit ora mero,  
 Præsul adit vino madidum, fundosque reposit :  
 Ille truci vultu torvus abire jubet :  
 Nox illi suprema fuit sed proxima ; morbi  
 Namque illum celeris vis inimica rapit .  
 Ferales epulas, Prædo, tibi mensa paravit ;  
 Funæbris illa tibi, non Genialis erat .



XIX. *Maii.*

## S. DUNSTANI Archiepiscopi Cantuariensis.

## EPIGR. LI.

**D**Um canis effigiem simulat Cocytius hostis,  
Exerto in Divum spumeus ore furit :  
Latratus circum sed postquam effudit inanes,  
Ad Styga nodoso stipite pulsus abit .  
Melle laboratam Præsul non projicit offam :  
Dat baculus Stygio crustula digna Cani .

## ALIUD

## EPIGR. LII.

**N**Unc senis, ingenuæ simulans nunc ora puellæ,  
In te Dux Erebi subdolus arma movet :  
Tu contra affiliens ignita forcipe nares  
Arripis ; huc illuc implicitumque trahis :  
Bellua , parce queri , nasus si dente tenaci  
Stringitur : hac vitium diluit arte tuum :  
Heroi demens dum tanto illudere pergis ,  
Te reor emunctæ naris habere nihil .

ALIUD

## ALIUD

## EPIGR. LIII.

**D**Utilis, ut sacri firmet fastigia tecti,  
 Trabs valida sursum tollitur acta manu :  
 Immanes densa contortos cannabe funes  
 Supposito elatos trochlea veste rotat :  
 Sed medium cum vix cursum tenere, fragorem  
 Stupea terrificum vincula fracta cient :  
 Dum moles ruit in præceps, dum turba ruina  
 Spectatrix certam conglomerata pavet,  
 Augustæ Præsul Signo Crucis aera findit ;  
 Brachiaque in superas tollit aperta plagas :  
 Substitit ; atque altas cursum trabs torquet in ædes ;  
 Signatum tenuit fixaque sponte locum .  
 Quadrifido Signum quod robore sustinet orbem ,  
 Nutantem potuit continuisse trabem .

## ALIUD

## EPIGR. LIV.

**D**Um valido stratus morbo decumbit, in altum  
 Siderea elatum dextra cubile rapit :  
 Pulvillus saliit, ceruical, culcita, ferri  
 Nec gravis adjectum fulcra retardat onus :  
 Celsa ter extremi tetigit fastigia tecti ;  
 Limina ter rediit rursus ad ima thorus .  
 Si non obstiterat densis trabs nexa tigillis,  
 Ad cælum poterat carpere lectus iter .

S. IVO-

S. IVONIS Presbyteri, & Confessoris.

EPIGR. LV.

**S** Acrorum Vatum subdis cæleste volumen,  
Cervical capiti nobile, Dive, tuo.  
Pacatam meritò præstant tibi scripta quietem,  
Sedulus observas quæ meditata vigil.

ALIUD

EPIGR. LVI.

**F**ercula dum sumis, te fercula poscit egenus;  
Accubat & mensa protinus ille tua:  
Cum satur abscedit, radianti splendet amictus  
Lumine; luce nova tota micatque domus.  
Fercula Rex Phrygiæ fulvum vertebat in aurum;  
Convivas ipsos tu rutilare doces.

xx. *Maii*.

S. AUSTREGISILI Archiepiscopi  
Bituricensis.

EPIGR. LVII.

**H**oste laceffitus perjuro, atque ore maligno,  
Sequanici imperio Principis arma paras:  
Æmulus interea indocilem parere lupatis  
Quadrupedem virga dum resonante docet,  
Emi-

Emicat ille ferox, caput erigit, excutit armos,  
 Sessoremque gravi vulnere sternit humi:  
 Purpureum structor fraudis vomit ore cruorem;  
 Et rabido moriens dente momordit humum.  
 Exue squamosum duris thoraca metallis,  
 Et gladio adstrictum vindice, Dive, latus:  
 Infidum victor pro te pugnavit in hostem;  
 Suplevitque tuas jam Deus ipse vices,

xxi. *Maii.*

## S. HOSPITII Reclusi.

### EPIGR. LVIII.

**Q**ui modo Parrhasia miles progressus ab Arcto  
 Lustrabat silvas, Gallica terra, tuas,  
 Te videt angusto sub fornice vincla gerentem  
 Ferrea; decepta mente putatque reum:  
 Approperans, Genus hoc poenæ quo crimine, dixit  
 (Elatoque manum sustulit ense) luis?  
 Dejectis oculis, Non uno crimine fontem,  
 Non uno dignum funere cernis, ais:  
 Ille ferox gladio fruitur mactare nocentem:  
 Aruit extemplo sed tremefacta manus:  
 Admonitus dextram errantem fletu ubere culpat;  
 Et prono veniam criminis ore rogat:  
 Projicit arma procul; setoso tectus amictu,  
 Exesa rigidos rupe trahitque dies:  
 Dextera coualuit; quæ summo à Numine tantas,  
 Si non errasset, non retulisset opes.

X X I I I. *Maii.*

S. GUIBERTI Confessoris.

E P I G R. L I X.

**D** Um geminæ certant collectis viribus urbes,  
Ambit & exuvias utraque ferre tuas,  
Ingruit horrificis tempestas horrida nimbis;  
Et multo resonat fulmine scissa dies:  
Altera pars fruitur spoliis opulenta receptis;  
Altera frustrato mœsta labore redit.  
Auctus honos Divi ventoso à turbine: tanta  
Lis dirimi cælo iudice digna fuit.

X X I V. *Maii.*SS. DONATIANI, & ROGATIANI  
Martyrum.

E P I G R. L X.

**L** Uce nova fulgent, cæli duo sidera, Fratres,  
Quos celsa immitis vexit ad astra chalybs.  
Felices, si fausta colant hæc sidera, nautæ!  
Castoris est gemini, credite, nulla fides.

xxv. *Maii*.

S. ZENOBII Episcopi Florentini.

EPIGR. LXI.

**C**onfertum populo per iter, lucente cadaver  
 Deducit pompa dum pia turba tuum,  
 Funebri incertus fluitat, lapsumque minatur,  
 Decidit & nuda jam prope lectus humo:  
 Nutantem retinet quæ, densis horrida ramis,  
 Implicat adversans, arctat & ulmus iter:  
 Contactu undantis sed floruit illa feretri,  
 Et viruit lætis luxuriosa comis.  
 Extinctus vegetat plantam, rediviva sepulcris  
 Plurima qui traxit corpora luce fruens.

S. ALTHELMI Episcopi Schirebur-  
nensis.

EPIGR. LXII.

**D**ivina explevit postquam libamina mensæ,  
 Flexus humi certas solvat ut ore preces,  
 Rejicit à tergo sacræ velamina vestis;  
 Exciperet sed qui tradita nullus erat:  
 Aere suspensam tenuit, bipatente fenestra  
 Quod nituit solis missile forte jubar:  
 Munere cui servit docilis sol ipse Ministri,  
 Lumina tu Mystæ quanta fuisse putas?

*ALIUD*

## A L I U D

## E P I G R. LXIII.

**T** Estis nequitiam mendacis ut arguat , infans  
 Nutu , Dive , tuo verba diserta dedit .  
 Diluit infontis lactans qui crimina Iudex ,  
 Orator laudes prædicat ille tuas .

## A L I U D

## E P I G R. LXIV.

**M** Armoræ quadrupes subvectat prævius aræ  
 Pondera , dum Latia Divus ab urbe redit :  
 Rupe ruens sonipes occumbit ; marmora saxis  
 Allisa in partes diffiliere duas :  
 Surgit equus valida Divi prece ; necitur ara ,  
 Vulnere clarescit quæ pretiosa suo .

## S. AUGUSTINI Anglorum Episcopi .

## E P I G R. LXV.

**S** Iderei Regis , lato circumflua ponto ,  
 Anglia te didicit Præsule ferre jugum :  
 Sed non , regna petens terrarum extrema , fatigas  
 Classibus æratis spumea terga maris :  
 Agmina non tulerunt elatæ horrentia puppes ;  
 Pulsa nec horrificos arma dedere sonos :

Claruit effusi victoria sanguinis experts ;  
 Foedarunt fortem funera nulla manum :  
 Procumbunt Divūm vanos imitantia vultus  
 Marmora ; strata solo templa profana jacent :  
 Lustrales undæ extinguunt incendia , fornax  
 Quæ Stygia infesto prægravis igne vomit .  
 Quas non longa dies , domuere nec agmina mille ,  
 Romuleis addis fascibus ipse plagas .  
 Insula bellatrix Crucis inclita signa veretur ;  
 Roma ferox , aquilas non timet illa tuas .

XXVIII. *Maii* .

S. GERMANI Episcopi Parisiensis .

EPIGR. LXVI.

**T**urba legit paleas , Divo queis nocte cubanti  
 Contigit irriguo parca sopore quies :  
 Morborum pellunt arentes agmina culmi ;  
 A stipula veniunt robora firma levi .  
 I , prohibe flammæ ; steriles lege messor aristas :  
 Profecit tanto fœnore nulla seges .

ALIUD

EPIGR. LXVII.

**P**Andere dum clausi connititur ostia templi ,  
 Obstet inexplicitæ lamina firma seræ :  
 Dum signum valvis Crucis imprimit , ænea cedit  
 Compages , clavis Crux subiitque vices .  
 Quin postes postes recludat clavis , Olympi  
 Obstructas potuit quæ referare fores ?

XXIX.



XXIX. *Maii.*SS. SISINNII MARTYRIS, &  
ALEXANDRI Martyrum.

EPIGR. LXVIII.

**R** Obore concordēs firmo, vos dispāre pōna  
 Extulit ad superas mors generosa plagas :  
 Æra sed incurvo gestabas tinnula collo,  
 Sisinni, ad claram dum traherere necem :  
 Solvitur in lætos spectatrix turba cachinnos,  
 Dum reddit raucos nola repulsa sonos.  
 Quæ pecoris nota vilis erat, tibi tessera fulget  
 Splendida, dum cælo victima grata cadis.

## S. MAXIMI Episcopi Trevirensis.

EPIGR. LXIX.

**T**E præit, & duro sub fasce laborat asellus,  
 Dum denso nemoris calle capeffis iter :  
 Horridus exertis illum petit unguibus ursus ;  
 Membraque sanguineo dente resecta vorat :  
 Accersis præda saturum, taboque madentem ;  
 Sarcinulasque humeris ut ferat ipse, jubes :  
 Explicat ille silens undantis vellera tergi,  
 Compositumque subit, nil remoratus, onus :  
 Appulit ad sacras sed postquam Præsulis ædes,  
 Ad sua deposito pondere, tesqua redit.

L 3

De-

Desere jam silvas, furvos, fera, desere saltus;  
 Præmiaque obsequii nobilis astra pete:  
 Ipsa tibi extrema cæli jam parte recedit,  
 Accipit inque suum Patrhæsis Ursa locum.

XXXI. *Maii.*

SS. CANTII, CANTIANI, & CANTIANILLÆ Martyrum.

EPIGR. LXX.

**T**ortores Divos rapiunt, quadriga citatis  
 Quos levis huc illuc devehit acta rotis:  
 Lecta cohors, denso præcincta satellite, claram  
 Ad palmam rapidis concita fertur equis.  
 Festinat currus levis orbita, pectora Divum  
 Sed si pertentas, lenta quadriga fuit.

ALIUD

EPIGR. LXXI.

**P**arcite Victores, magnis Circensibus actis,  
 Quos olim ad Superos palma relata tulit:  
 Divorum currus, quæ flecteret acta jugales  
 Doctior ad metam, nulla quadriga fuit.

ALIUD

EPIGR. LXXII.

**F**ama refert vos ad palmam duxisse jugales;  
 Quadrupedum fuerit quis color, illa filet:  
 Divinare licet: qui vos ad sidera curru  
 Celsa triumphantes extulit, albus erat.

ELO-

# ELOGIA SANCTORUM MENSIS JUNII.

1. *Junii.*

SS. PAMPHYLI, VALENTIS, PAU-  
LI, SELEUCHI, PORPHYRII,  
THEODULI, JULIANI, &  
aliorum Martyrum,

EPIGR. I.

**N**on uno generosa Phalanx certamine pugnat ;  
Non uno victrix funere caesa cadit :  
Quot vincunt Pugiles, tot gemmis clara coruscant,  
Religio, fronti tradita fersa tua.

S. SIMEONIS Monachi Trevirensis.

EPIGR. II.

**I**nfestat Divum, furvi sub imagine corvi,  
Lucifugus Stygia de legione comes :  
Perstrepat assultans circum nigrantibus alis ;  
Dat crocicans raucos & simul ore sonos .  
O demens ! vires certamine perdis inani ;  
Omina nam pugnae tristitia corvus habet .

L 4

ALIVD

## ALIUD

## EPIGR. III.

**L** Imina, sole carens, turris colis ima profundæ,  
 Squalor ubi sedem, cœcus & horror habet :  
 Concutit acream molem Cocytius hostis,  
 Te loca dum fatuus quærere tuta putat :  
 Sed vani quatiunt ictus immania saxa ;  
 Irritus atque dolis fallitur ille suis :  
 Non petit à valida Divus munimina turri ;  
 Firma sed à Divo roborata turris habet .

## ALIUD

## EPIGR. IV.

**L** Actat odoratas humor ceu roscidus herbas ,  
 Extincto à Divi corpore sudor abit :  
 Turba nocens Erebi obsessos quos alligat artus ,  
 Contactu à vinclis explicat ille suo .  
 Jure madet largo fluidum sudore cadaver ,  
 Dum Ditis pugnans agmina tanta fugat .

11. *Junii.*

SS. PHOTINI Episcopi, SANCTI  
 DIACONI, EPAGATHI, MATU-  
 RI, ATTALI, BLANDINÆ,  
 & Sociorum Martyrum.

EPIGR. V.

**I**N Divos totas rabies licet effera vires  
 Exerat, & ferro sæviat, igne, feris,  
 Suppliciis tamen haud ullis saturata quiescit;  
 Corpora sed flammis intumulata jacet;  
 Mox Rhodani jactos cineres dispergit in undas;  
 Acceptosque suis disjicit æquor aquis.  
 Errabunt cursu modico; nam certa micantes  
 Excipiet gremio non peritura quies.

DE SANCTO DIACONO.

EPIGR. VI.

**P**Rodere dum nomen cogit te, Dive, Tyrannus;  
 Sum veri cultor Numinis, ipse refers:  
 Dum sedes urget patrias, dum nosse parentes;  
 Sum veri cultor Numinis, ipse refers:  
 Exactæ seriem vitæ, munusque requirit;  
 Sum veri cultor Numinis, ipse refers:  
 Multa licet rogitet, verbum non adjicis ullum;  
 Omnia nimirum sunt tibi, culta fides:

Vc-

Vera refers: decora ingenuæ nam cætera vitæ;  
 Numine non culto, quid rear esse? nihil.

III. *Junii.*

SS. PERGENTINI, & LAURENTI-  
 NI Martyrum.

EPIGR. VII.

**L**onga fames tetro cruciat vos carcere, fauces  
 Et simul arentes torquet anghela sitis.  
 Sed dape vos supera reficit cælestis Alumnus,  
 Aspectu afflatus & radiante beat.  
 Sæpe frui tanto captivus ut Hospite possem,  
 Optarem longas carceris esse moras.

ALIUD

EPIGR. VIII.

**M**Armuream Pugiles apprensos ducit in ædem  
 Tortor, ubi effigies fulget athena Jovis:  
 Vix illi accedunt, Ephyraï signa metalli  
 Vertice concusso cum tremefacta labant;  
 Tum, veluti primos nix algida Solis ad ictus,  
 Effusa in rivos ære fluente liquent.  
 Nimirum validis arserunt æra favillis,  
 Quois gemini Herois fervida corda flagrant.

ALIUD

## A L I U D

## E P I G R. I X.

**R** Obora vana tuum, Cæsar, jactare Tonantem,  
A Divum flammis dum liquet ille, liquet.

## A L I U D

## E P I G R. X.

**S** Acrorum Pugilum virtus viget aenea, prunas  
Dum læti ardentes sustinuisse queunt;  
Æneus at contra Divum dum Jupiter arsit  
Aspectu primo, cereus ille fuit.

## S. LIPHARDI Abbatis.

## E P I G R. X I.

**S** Ollicitos terret cristata fronte colonos  
Colla ferox tollit qui maculosa, draco:  
Arva situ turpi squalent inarata, fugaces  
Dum pavor agricolas mæstus & horror habet;  
Adversis non quisquam audet concurrere telis;  
A sola superest spes male tuta fuga:  
Deficit afflictis postquam fiducia rebus,  
Accersis superam, Dive, rogatus opem:  
Sed non ense latus munis, non casside frontem;  
Alipedem flectis nec elypeatus equum:  
Arentem virgam terræ defigis inertis;  
Illa sagum, elypei supplet & illa vices;

Lu-

Lustrat inaccessæ turgens dum confraga silvæ,  
 Inque auras coluber sibila dira jacit,  
 Virga teres rabido occurrit : perterritus hæret  
 Protinus ; & nudo corruit ille solo :  
 Exanimes artus immorsa linquit arena ;  
 Immensamque tegit corpore stratus humum :  
 Exsilire animis , domitoque illudere gaudent ,  
 Quæis modo vel monstrum cernere , terror erat .  
 Palmis , Dive , tuis cedant , spolia ampla draconum  
 Armata fortes qui retulere manu :  
 Arma illis partem laudis rapuere ; colubrum  
 Dum virga superas , est decus omne tuum .

S. QUIRINI Episcopi , & Martyris :

EPIGR. XII.

**D**evincta lapidem gestans cervice molarem ,  
 Præcipiti Divus tollit ab amne caput :  
 Extimulat dictis socios , quos agmine cogit ;  
 Excipit herbofo densaque ripa sinu :  
 Ille novas addit generoso hortamine vires ;  
 Utque incant læta prælia fronte , monet .  
 Parce , precor : validæ clames licet impete linguæ ,  
 Quæ tecum fluitat , plus mola vocis habet .

ALIUD

EPIGR. XIII.

**Q**uæ collo religata geris , dum mergeris undis ,  
 Sublimi tecum gurgite saxa natant .  
 Duritiem te saxa docent deponere , tortor ,  
 Quæ , vaga dum fluitant , deposuere suam .

ALIUD



## A L I U D

## E P I G R. XIV.

**D**Um Divum saxosa vehit mola gurgite summo,  
 Gliscit inhumani Cæsaris ira ferox:  
 Infremit horrendum; &, furiis agitatus iniquis,  
 Obstupet in saxo deside pondus iners:  
 Arguis immerito lapidem, sævissime Princeps;  
 Non mergit, rapidus sed terit iste lapis:  
 Vefana frendens liventia viscera rodīs  
 Dum rabie, fibras conterit ille tuas.

## A L I U D

## E P I G R. XV.

**V**Erane? decepti larvis an ludimur; undis  
 Et Divum summis non mola, cymba vehit?  
 Impia mordaci ludit sic turba cavillo;  
 Reddidit hos subito cui pia lingua sonos:  
 Cymba levis Divi est collo quæ pendula, collo  
 Nexa tuo, cautes illa molaris erit.

v. *Junii.*

S. BONIFACII Archiepiscopi Mogun-  
 tini, & Martyris.

## E P I G R. XVI.

**N**Uminis Athletam series immensa laborum,  
 Per variasque terit terra salumque vicis:  
 Nur-

Nuncius ætheræ legis volat alite planta,  
Fervida quò superi flaminis aura vocat :  
Ditavit postquam radiis cælestibus urbes ,  
Regnaque , quæ flavi Teutones ampla colunt ,  
Arva petit , vasto Oceanus quæ gurgite lambit ,  
Rhænus ubi æquoreas turgidus auget aquas :  
Sed dum tartarea mersas caligine mentes  
Ad rectum flectit religionis iter ,  
Turba ferox animis , cultuque infecta profano ,  
Ad certam Divum quærit iniqua necem :  
Sævit in infontem ; frameis saturantque cruentis  
Corpora barbaricam dilaniata sitim .  
Nobile præsidium Divo , sociusque viarum ,  
Obductum nitida pelle volumen erat :  
Quas summus subiit pœnas , quæ fata , Magister ,  
Quasque tulit leges , pagina sacra refert :  
Pectore magnanimi Pugilis tunc condita , tortor  
Diripit audaci scripta verenda manu :  
Nec satis est rapuisse ; trucidis sed cuspide ferri  
Confixas tabulas projicit ille procul :  
Prodigium dictu mirum ! lacerata papyrus  
Illæsis rabido servat ab ense notas :  
Ordine nulla suo proscissa elementa recedunt ;  
Amisit formam nulla figura suam .  
Nunc etiam num vana putas commenta , satelles ,  
Vulnere vera potes quæ didicisse tuo ?

V I. *Junii.*S. GUDUALI Monachi, & Archie-  
piscopi.

## E P I G R. X V I I.

**I** Mpete vesano sacras irrumpit in ædes,  
 Latronumque furit conglomerata cohors;  
 Omnia dum vastant, agit anxia cura sodales;  
 Expertes Divus sed jubet esse metus;  
 Partiri incipiunt dum quæ rapuere, scelestas  
 In cladem vertit rixa suborta manus:  
 Ictibus alternis cæsi mactantur; acervus  
 Sanguineæ cædis turba perempta fuit.  
 Quam fuit æqua Themis! plectunt scelera ipsa no-  
 centes;  
 Prædaque prædones sustulit ipsa suos.

## A L I U D

## E P I G R. X V I I I.

**I** Ratis frendens pelagus diverberat undis  
 Virgea quæ curvo littore tecta colis:  
 Vix prece sollicitas Superos, immania cete  
 Cum tollunt raucæ spumea terga salor:  
 Ardua subvectant humeris tibi saxa; tuentur  
 Sublatis humiles aggeribusque lares.  
 Judice te, pontus reus est; dant vincula cautes;  
 Vastæque lictores sunt tibi monstra maris.

A L I U D

## ALIUD

## EPIGR. XIX.

**D**Um procul approperant te visere, Dive, sodales,  
 Nigrescit densis turgidus imber aquis :  
 Illi iterant mœsti tua nomina , nubibus æther  
 Ne pluvio optatum turbine tardet iter :  
 Omnia magnarum circum vis complet aquarum ;  
 Gutta gravat socios nec tamen una tuos .  
 Quæ , Præsul , rear esse tuæ miracula dextræ ,  
 Talia si solum pondera nomen habet ?

VII. *Junii* .

S. PAULI Archiepiscopi Constantino-  
 politani , & Martyris .

## EPIGR. XX.

**T**Er jussus terras exul peragrarare remotas ,  
 Eliso laqueis gutture , Dive , peris .  
 Te jugulo errorum vecors petit Hydra ; sagittis  
 Illa perire timet dum jugulata tuis .

S. ROBERTI Abbatis Anglicani .

## EPIGR. XXI.

**D**Uxisti postquam jejunia longa , requiris  
 Discusso Cereris lactea crusta sero :

Oblat-

Oblata austerus refugis , tradisque Puello ,  
 Ore nitens escam qui rogat ante fores :  
 Munera fidereus sumit , quæ tradis , Ephæbus ;  
 Libare acceptam visus & ille dapem .  
 Non sapit Aligeri , quam porrigis , esca palato ;  
 Quam tibi , Dive , negas sobrius , illa sapit .

V I I I. *Junii* .

SS. MEDARDI Episcopi Noviomensis ,  
 & GILDARDI Episcopi  
 Rothomagensis .

## E P I G R. XXII.

**T** Er felix partu mater vos edidit uno ;  
 Una fides geminos alligat , unus amor :  
 Præsul uterque sacras fulsit moderatus habenas ;  
 Funere mors demum sustulit una pari .  
 Postremo , haud ulla ut subeant discrimina , cingit  
 Axe super Fratres una corona duos .

## DE S. MEDARDO .

## E P I G R. XXIII.

**P** Rotegit expansis Puerum Jovis armiger alis ,  
 Fœdus inexpletis dum ruit imber aquis .  
 Tela ministrantem mentitur fama volucrem ;  
 Præstantem clypei tegmina , vera refert .

M

ALIUD

## ALIUD

## EPIGR. XXIV.

**D**iscordes agit in rixas, armatque colonos,  
 Qui lata incertus terminat arva lapis:  
 Tu puer, admistus turbæ, ter voce furentes  
 Accerfis, gressus & celerare rogas:  
 Dum propere accedunt, saxo pede fixus inhærens,  
 Hic, inquis, rixas ponite, limes erat.  
 Impressæ hæserunt saxo vestigia plantæ;  
 Aspera ceu cautes cerea massa foret:  
 Obstupuere omnes; dirimunt miracula litem;  
 Sævaque deposuit rusticus arma furor.  
 Macte animis, generose Puer; cape læta futuræ,  
 Quæ clara à Superis omina laudis habes:  
 Qui certos statuit fines lapis arbiter agris,  
 Prodigis non est terminus ille tuis.

1 x. *Junii*.

S. PELAGIÆ Virginis, & Martyris.

## EPIGR. XXV.

**V**irginis ingenux castos armata penates,  
 Effrenoque furens impete turba petit;  
 Utque adeat sævi fulgentia testæ Tyranni  
 Imperat, haud ulla necere iussa moras:  
 Fluctuat incertis Divæ mens ardua curis;  
 Assultu subito pectora pressa labant:

Non

Non mortem , dubii damnum pavet illa pudoris ;

Non torvi , blandi Cæsaris ora timet :

Certa mori , cupidis ardens amplectitur ulnis

Quæ nova nutanti suggerit arma pudor :

Ut liceat paulum secedere , Principis aulam

Et petere ornatu nobiliore , rogat :

Annuat hostilis cœtus ; responsa Puellæ

Nam Domino haud dubiè grata futura putat :

Illa sed excelsi petiit fastigia tecti ;

Et supero in præceps Flamine ducta , ruit :

Funere comperto , patuit fraus inclyta ; vinci

Armatoſque globos Virginis arte pudet .

Sæpe dolus , vicit virtus sæpe ardua ; vincit ,

Diva , tibi virtus associata dolis :

Exsuperat virtus mortis discrimina , floris

Virginei superat certa pericla dolus .

## ALIUD

### EPIGR. XXVI.

**S**olis , Diva , levis , gravis est jactura pudoris  
Jure tibi ; pereat ne pudor , ipsa peris .

X. *Junii*.SS. GETULII, CEREALIS, AMANTII,  
& PRIMITIVI MM.

A D S. GETULIUM.

EPIGR. XXVII.

**P** Arcit, Dive, tibi, Socios qui sustulit, ignis ;  
 Lambit adoratum fervida flamma latus :  
 Nodosæ affiliens liCTOR sed verberare clavæ,  
 Corpora lethali vulnere nuda ferit .  
 Parcere tortoris potuit, cui flamma pepercit,  
 Forsitan & voluit parcere, sæva manus ;  
 Sed perimit Divum præperato fuisse ; retortas  
 In se se ultrices dum timet ille faces .

X I I. *Junii*.

S. HONUFRII Eremitæ ,

EPIGR. XXVIII.

**S** Ex denas hyemes Phariis transegit arenis,  
 Texta paludoso vimine testâ colens :  
 Herbosæ adstricto lateri dant cingula frondes ;  
 Promissæ condunt corpora nuda comæ :  
 Hirsutis horrens setis, & vellere cano,  
 Non sævis errat discolor ille feris :

Nul-



Nulla viri facies desertis cognita terris,  
 Lustrorum series dum diuturna fluit:  
 Tecta sed ætherei Proceres angusta frequentant,  
 Pabulaque enectis faucibus apta ferunt:  
 Assiduo noctes dum fixus in astra precatu,  
 Pervigil assiduos continuatque dies,  
 Succedit tumulo: sed nil mutata sepulcro,  
 Si tantum voces excipis, ora tulit:  
 Pallidus ora fame, exangui curvusque senecta,  
 Arida contractis pellibus ossa ferens,  
 Confectus duris vitæque laboribus, annos  
 Jam Divus longos ante cadaver erat.

## S. ODULPHI Presbyteri.

## EPIGR. XXIX.

**A** Rentem Divi non tangit flamma bacillum,  
 Omnia quæ circum depopulata vorat.  
 Qui dextræ servit, præstat miracula firmus  
 Talia si baculus, dextera quanta feret?

## S. JUSTINI\* Philosophi, CHARITONIS, &amp; Sociorum Martyrum.

## DE S. CHARITONE, &amp; Sociis.

## EPIGR. XXX.

**M** Agnanimos Pugiles submittere colla securi,  
 Lex a crudeli Cæsare lata jubet.  
 Præmia non umquam peritura merentibus excors  
 Quæ sancit pœnas, lex sine lege fuit.

M 3

XIII.

\* De S. Justino diximus supra die XIII. Aprilis.

XIII. *Junii.*

S. AQUILINÆ Virginis, &amp; Martyris.

EPIGR. XXXI.

**O** Ptatæ Virgo flectit dum colla securi,  
 Vox iterat missa ex æthere; Sponsa veni:  
 Hæreret tortoris adhuc cum dextra, vocantis  
 Ad Sponsi voces occupat illa mori.  
 Gaudia præripuere locum properata dolori;  
 Pœnaque se claudos sensit habere pedes.

ALIUD

EPIGR. XXXII.

**V**irginis extinctæ tortor caput amputat, illam  
 Gaudia nam celeri jam rapuere gradu.  
 Perfide, non est quod pœna læteris in ista;  
 Nam tua vel præceps dextera, lenta venit.

ALIUD

EPIGR. XXXIII.

**N**on cruor abscisso Divæ de vertice manat;  
 Lactea sed vena divite gutta fluit.  
 Quæ vitam nimia amisit dulcedine, dulces  
 Pro largo fundit sanguine lactis opes.

ALIUD

## A L I U D

## E P I G R. XXXIV.

**V**irginis effuso non manat sanguine cervix,  
 Vena sed in rivos deflua lactis abit.  
 Præpediit postquam felix sua funera, nempe  
 Emissa ad superas voce vocata plagas,  
 Exiliens Divæ dum cor cruor omnis inundat,  
 Quem posset cervix reddere, nullus erat.

x v. *Junii.*

S. FEBRONIÆ Virginis, & Martyris.

## E P I G R. XXXV.

**D**um furit in Divam ferro, flammisque Tyran-  
 Non diram satis est exsaturare sitim, (nus,  
 Sed nullum servans perfrieta fronte pudorem,  
 Objecit medio corpora nuda foro:  
 Egregiam in laudem vertit sed fortis Amazon,  
 Probrosas effrons quas putat ille notas:  
 Ut nulla Athletæ pugnanti Insignia desint,  
 Proelia nudato corpore clara ciet.

## A L I U D

## E P I G R. XXXVI.

**N**uda brevem tua membra ferent, Virgo inclyta,  
 pœnam;  
 Confestim fluidus nam teget illa cruor.

M 4

A L I U D

## ALIUD

## EPIGR. XXXVII.

**P**roscindunt artus rorantia sanguine flagra,  
 Quæ rabido affiliens impete turba rotat :  
 Horrificant oculos dentati pectinis ictu  
 Discerpta, & sæva frustra revulsa manu :  
 Ubra divellit gladius ; costaſque cruentas  
 Impactæ mordet cuspis aduſta facis :  
 Ferrea ſica manus truncat ; tremefactaque complet  
 Deſſius excuſſis dentibus ora cruor :  
 Pœna fatigatur ; non deficit ira Tyranni ;  
 Non habet illa locum, non habet iſta modum :  
 Circumfuſa oculos avertit turba ; cruento  
 Diſcedit lacrimis & madefacta foro :  
 Horrida, cæde fruens, ſolus ſpectacula Princeps  
 Suſtinet, immiti corde rigetque magis :  
 Sed fallor ; tantas nam non immitia corda  
 Virginis ad pœnas, nulla Tyrannus habet .

## ALIUD

## EPIGR. XXXVIII.

**V**irginea poſtquam veſanus cæde Tyrannus,  
 Et fuſo explevit ſanguinis imbre ſitim,  
 Occulto triftis rodit ſua pectora morſu,  
 Sævitiæ pœnas & luit ipſe ſuæ :  
 Ut reſonas taurus pulſat mugitibus auras,  
 Dum figit lacerum cuspis acuta latus,

Non

Non aliter rabido fridet clamore, nefastos  
 Et mœstis complet questibus ille lares :  
 Fulgentes auro dextra discerpit amictus ,  
 Irato laceras scindit & ungue comas :  
 Extremos demum , male dum vestigia firmat ,  
 Fluctuat incerto mentis inopsque gradu ,  
 Dat gemitus ; duræ caput alliditque columnæ ;  
 Et cerebro spargit dissiliente solum :  
 Ipse sui tortor periit : non sævior illa ,  
 Non fuit in cædes aptior ulla manus .

## S. DULÆ Martyris .

## E P I G R. XXXIX.

**P**rojecta Herois custos canis ossa tuetur ,  
 Tortoris sæva dilacerata manu .  
 Tortori vigilem liceat conferre molossum ;  
 Ille canis rabiem prætulit , iste fidem .

## S. LANDELINI Abbatis .

## E P I G R. XL.

**I**llecebris captus, fucati & tabe veneni ,  
 Primævos duxit per scelus omne dies :  
 Non profecturo Stygia fornace sodalem  
 Sed gemitu cernens fata sinistra queri ,  
 Indolet admittis ; exactæ & crimina vitæ  
 Fletu non unquam deficiente luit :  
 Ante oculos semper regni feralis imago ;  
 Ante oculos focii poena perennis erat .  
 Consule Tartareas , scandas ut fidera , flammæ :  
 Ad Superos certum monstrat Avernus iter .

S. ABRA-

## S. ABRAHÆ Abbatis.

## EPIGR. XLI.

**T**artareas acies obsessis cedere membris,  
 In Stygias ædes & remeare jubet:  
 Carceris angusti vinctum squalentibus umbris  
 Extrahit ætherea lapsus ab arce Puer.  
 Disrupit sociis Erebi qui vincula, solvi  
 Siderea meruit vinctus & ipse manu.

XIV. *Junii.*S. QUIRICI, & JULITTÆ Matris  
Martyrum.

## EPIGR. XLII.

**I**nfantem Cæsar matris divellit ab ulnis,  
 Confestim rigido quam jubet ense mori:  
 Excipit ipse sinu lactentis membra Puelli,  
 Cui pingit niveas purpura prima genas:  
 Sed dum lacteolos attrectat morbidus artus,  
 Et molles blando provocat ore jocos,  
 Avertit refugus dejecta Infantulus ora;  
 Ingeminat querulos indocilisque sonos:  
 Illecebris instat magis ille; & figere pella  
 Pertentat teneris oscula crebra genis;  
 Brachiolis obstat, resilitque exterritus Infans;  
 Improbaque objecta verberat ora manu:  
 Adversa hand tulit iratus luctamina Princeps;  
 Insanoque furit pectore spretus amor.

Ela-

Elato Infantem rapit in sublime lacerto ;  
Et duro illidit membra tenella solo .  
Sed licet immitis contritus vulneris ictu  
Sanguineo exanimis Parvulus imbre fluat ,  
Pœna tamen gravior fuit illi blanda Tyranni  
Dextera , & invito decubuisse sinu .

## S. LUTGARDIS Virginis .

## E P I G R. XLIII.

**N** Uminis ut Sponsam rapiat violentus amator ,  
Armato clausas obsidet hoste vias :  
Invadit trepidam , gladiisque micantibus instat ;  
Nulla capit cœcus frena pudoris amor :  
Subtrahit infani pavidam sed militis iræ  
Sidereus roseo lucidus ore Puer ;  
Devia per nemorum tutas deducit in ædes ;  
Astraque , servata Virgine , celsa petit .  
Crimina qui prohibet vel cœlo aliena relicto ,  
Edoceat noxas te prohibere tuas .

## A L I U D

## E P I G R. XLIV.

**E** Gregiæ flagras dum , Diva , cupidine palmæ ,  
Et gladii optato vulnere cæsa mori ,  
Pectora dirupit flammantia nobilis ardor ;  
Scissaque purpureo vena liquore fluit .  
Sacrorum Pugilum æquasti decora inclyta , Virgo ;  
Plus quoque , si fas est dicere , laudis habes :  
Palmigeri cœtus Feritas violenta cruorem ,  
Traxit Amor tacita cuspide , Diva , tuum .

A L I U D

## ALIUD

## EPIGR. XLV.

**D**Um fessos artus male sustinet ; ardet ad aram  
 Sumere vitalis puraque liba dapis ,  
 Deducunt mediam sacrae ad convivia mensae  
 Caelestis gemini quos habet aula Duces .  
 Esca est Aligerum ; Aligeri duxere ; nitentes  
 Aligeros inter tertia Diva micat .

XVII. *Junii.*

SS. MANUEL , SABEL , & ISMAEL  
 Martyrum .

## EPIGR. XLVI.

**V**Os , gladio caesos , subjectis ignibus uri ,  
 Dispergi & cineres Caesaris ira jubet :  
 Ferro colla cadunt ; sed tradere membra favillis  
 Dum saevo flagrans turba furore parat ,  
 Emeritos Pugiles confestim terra dehiscens  
 Excipit , excusso scissa tegitque sinu .  
 Corpora tuta manent Heroum ; corda Tyranni  
 Livida sanguinei flamma parata vorat .

S. AVI-



## S. A V I T I Presbyteri.

## E P I G R. XLVII.

**D**Evius errabat pastor, cui, fidere lævo,  
 Nativo torpet lingua retenta gelu:  
 Nocte vagus cœca jubar illucescere cernit,  
 Quod procul ostioli pervia rima jacit:  
 Approperat, nixus genibus, conversus ad astra,  
 Divus ubi virgis confita tecta colit:  
 Admissus, nutu, deprenso noctis in umbra,  
 Annuat ut faculam suppeditare, rogat:  
 Obtulit ille facem; dumque alter vertice pronò  
 Lætus abit, voces lingua diserta dedit:  
 Dirigit pastor, sese & stupet ipse loquentem,  
 Qui linguæ nullos noverat ante sonos:  
 Prodigio attonitum rursùm obmutescere credas;  
 Sed jam, Dive, tuo munere liber erat.

## S. V U L M A R I Abbatis.

## E P I G R. XLVIII.

**I**Mmanis vacuo conclusus cortice plantæ,  
 Traduxit solidos, & sine sole, dies:  
 Languidus esurie fessos vix sustinet artus;  
 Elatas suplex vertit ad astra manus.  
 Ubere quæ foetu, tam dextro & fidere tantos  
 Germinat in fructus, non fuit arbor iners.

ALFRED

## ALIUD

## EPIGR. XLIX.

**C**larefcit Divus meritis illuſtribus : olli  
 Sed domus eſt nudo ſtipite truncus iners :  
 Marmore ſed contra non raro dives, & auro  
 Eſt domus ; at Dominus nonniſi truncus iners .

## ALIUD

## EPIGR. L.

**F**Ur Divi ſtabulum penetrat nocturnus , adunca  
 Quadrupedem lætus ſurripuitque manu :  
 Sublati ſeſſoris equus vix pondera ſenſit ,  
 Cum rapido velox arripit ungue fugam :  
 Per juga , per valles , lati per jugera campi ,  
 Perpetua furem nocte ſolutus agit :  
 Mane novo ad proprium remeavit equile ; relict  
 Atque ipſas ſtabuli ſubſtitit ante fores :  
 Fur virga ciet ad curſum ; nil percitus hæret ,  
 Immotoque magis figitur ille gradu ;  
 Iratus ſubigit calcaria ; ſaxeus obſtat ;  
 Ceu pelagi crebro verbere pulſa ſilex :  
 Interea Divus poſtes recludit ; abacto  
 Deſiliit latro ſed pudibundus equo ;  
 Dum pedes ingrediturque viam , non ceſſat inermem  
 Quadrupedem vanis increpuiſſe minis :  
 Quid quereris ? non exigui tibi præda lucelli  
 Nam ſupereſt ; favit pulcra Laverna tibi :

De-

Debueras furtum tu reddere ; parce labori ;  
 Sollicitum non te triste gravabit onus :  
 Hanc sonipes curam subit ipse vicarius ; ipsum  
 Se Domino furtum restituitque suo .

XVII. *Junii* .

S. LEONTII Martyris .

EPIGR. LI.

**Q**ui celeres certā in cædem te, Dive, requirunt,  
 Tu palmæ socios adjicis ipse tibi .  
 Felices errore suo ; dum funera captant ,  
 Nancisci vitam qui meruere suam!

XIX. *Junii* .

S. ZOSIMI Martyris .

EPIGR. LII.

**N**udatos postquam generosi Militis artus  
 Igniti excepit ferrea lamina thorî ,  
 Durities illum non lædit athena metalli ;  
 Irrita suppositæ languet & ira facis :  
 Dum recubat molles inter cœu stratus olores ,  
 Blandaue porrectum ventilat aura latus ,  
 Hoc solum rabie Cæsar profecit inani ,  
 Surgat ut ad pœnas fortior ille novas .

XXII. *Junii.*

S. ALBANI Martyris Anglicani,

## EPIGR. LIII.

**H**Inc, illinc amnis suspensis scinditur undis,  
 Ut Divo sicco tramite pandat iter;  
 Ardentisque siti fauces surgentibus undis,  
 Ut levet, in rivos arida saxa fluunt.  
 Sidera sic ubi fausta sinunt, sunt flumina pumex;  
 Est pumex gelidæ rivus opimus aquæ.

XXIII. *Junii.*

S. EDILTRUDIS Reginae Virginis.

## EPIGR. LIV.

**R**egia sceptrâ gerens, clara dum regnat in aula,  
 Custodit castos intemerata thoros;  
 Coniuge mox raptâ, sacro velatur amictu;  
 Innuptique colit castra pudica chori.  
 Virginei solium decoravit laude pudoris;  
 Regina austeros nobilitatque lares:  
 Angusto latitans tectis, radiantia ferta  
 Excipe, regalis cætera sortis habet;  
 Regnantemque olim, sacris e Matribus unam,  
 Si cana excipias vela, fuisse putes.

S. MA-

## S. M A R I Æ Oegniacensis.

## E P I G R. L V.

**D** Um votis suplex flagrantibus astra fatigat,  
 Hæret & æthereis pectore fixa plagis,  
 Sunt Divæ irrigui fletus duo lumina fontes,  
 Qui vena nunquam deficiente fluunt:  
 Rore superfuso sudaria complet; inundat  
 Exsuperans tepidos fervida gutta sinus:  
 Imbre fluit tenero, cum sol micat aureus; umbras,  
 Et tenero, cum nox porrigit, imbre fluit:  
 Perfruitur rivis gestitque liquentibus; ambit  
 A grato semper rore madere genas:  
 SorDESCUNT illi, tellus quæcumque ministrat  
 Gaudia; præ lacrimis desipiuntque suis:  
 Scandere forte timet, si fas est dicere, cælum,  
 Noscit ubi nullum fletibus esse locum.

## A L I U D

## E P I G R. L V I.

**D** Iva vocat merito assiduos sua gaudia fletus;  
 Nam lacrimis palmas irrigat illa suas.

## A L I U D

## E P I G R. L V I I.

**D** Um Diva extremo decumbit languida morbo;  
 Exiliens læto carmine dulce canit.  
 Dulcia jure iterat moriens modulamina, fletu  
 Quæ duxit vitæ tempora longa suæ.

N

A L I U D

## ALIUD

## EPIGR. LVIII.

**H**Orridus e cælo dum corruit imber aquarum,  
 Et latos rapido gurgite complet agros,  
 Fronti grata tuæ nubes umbracula præstat,  
 Et tutum sicco calle relinquit iter.  
 Densa tibi merito, quæ decedit, unda pepercit;  
 Uda mades lacrimis nam satis ipsa tuis.

## S. CRISTINÆ Virginis Mirabilis.

## EPIGR. LIX.

**D**Um feretro recubant tua corpora, Diva, pe-  
 rerras  
 Tu varias supero Flamine vecta vias;  
 Luctifonos lustras ignes fornacis Avernæ,  
 Cocyti & rigido stagna revincta gelu:  
 Pervia mox pœnis, culpis impervia regna,  
 Emeritas acies spes ubi torquet, adis.  
 Lucida progredieris rapido super astra volatu;  
 Mira ubi tu rerum, sed reticenda, vides:  
 Inde sacram, mœstis resonat quæ cantibus, ædem,  
 Funereo & repetis membra relicta thoro:  
 Exurgis loculis; summi, mirabile, dictu,  
 Culminaque ad templi corpora viva rapis.  
 Quas modo lustrasti, pertentas nempe supernas  
 Si queat alatum corpus adire plagas.

ALIUD

## A L I U D

## E P I G R. L X.

**M** Ors iterum duro postquam tua lumina somno  
 Clausit, & exanimi pallor in ore riget,  
 Te toror appellat, secretis anxia curis;  
 Pectoraque ut releves irrequieta, rogat:  
 Tu referans oculos reddis responsa forori;  
 Atque iterum mortem, bis rediviva, subis:  
 Accedis, refugisque simul revolubilis; astu  
 Decipitur, Virgo, vitæque, morsque tuo.  
 Supremo pugnant alii luctamine mortis;  
 Diva, tibi vita cedere, ludus erat.

## A L I U D

## E P I G R. L X I.

**F** Igere fastidis, Virgo, vestigia terræ,  
 Turritos apices, ardua tecta colis:  
 Plantarum levibus subsistis pendula ramis,  
 Vix ubi, dulce canens, sistere posset avis:  
 Debilitent rigidum quamvis jejunia corpus  
 Aspera, membra tamen tu, licet ægra, trahis:  
 Non tibi sunt humeris alæ; sed fallor: Amoris  
 Tu superi penna remige celsa petis.

## A L I U D

## E P I G R. L X I I.

**P** Racipiti in rapidos cursu nunc irruis ignes;  
 Merita tremis fluvii nunc glacialis aquis:  
 N 2

Tc

Te mola circumagit , celeri versatilis icū ,  
 Quæ Cereris fruges irrequieta terit ;  
 Sentibus horrentes per agros tua membra volutas ,  
 Conteris æratæ cuspidibusque rotæ :  
 Suspendis laqueo indecori latronibus addis  
 Pendula ferali tu quoque colla trabe .  
 Non ego compactam duro te marmore credam ;  
 Contigit aerei nec tibi massa globi ;  
 Sanguine , ni fallor , scissus non defluit aer ;  
 Marmora nec sensum dura doloris habent :  
 Quid dicam ? torquet , nunquam placabilis , artus ,  
 Prodigiosa simul pœna regitque tuos .

XXIV. *Junii.*

S. ROMULÆ Virginis .

EPIGR. LXIII.

**L** Ethifero teneros morbo gliscente per artus ,  
 Extremos Virgo dum trahit ægra dies ,  
 Ante fores acies geminæ stellantis Olympi  
 Cælestis pulsanf fila canora lyræ .  
 Non ego quæsierim , læti quæ carmina cantus ,  
 Barbita quos dederint pectine pulsa sonos :  
 Sidereæ liquida captam dulcedine chordæ ,  
 Sed miror Divam sic potuisse mori .

S. LUPICINI Reclusi .

EPIGR. LXIV.

**M** Ole fatifcente , & corrosi rudere tecti ,  
 Extremo clausus lustra rigore trahit :  
 Non



Non satis est, si membra fame languentia torquet;  
 Gutturaque arenti si domat uita siti;  
 Immanis collo suspendit pondera saxi;  
 Et repit nuda corpore curvus humo:  
 Quamvis non illi compages saxea pondus,  
 Ut superas arces scanderet, ala fuit.

S. SIMPLICII Episcopi Augustodunensis.

E P I G R. L X V.

**F**esta dies cogit coetus in templa profanos,  
 Ritus ut à priscis concelebratur avis:  
 Impia Coelicolùm fumant altaria Matri;  
 Sacrilegis ardent thura Sabæa focis:  
 Non tulit indignos ausus; suplexque Tonantem  
 Præsul, ut evertat sacra scelestâ, rogat:  
 Marmorea extemplò effigies procumbit ab ara;  
 Ad validas Divi coneriturque preces.  
 Dic, age nunc, Superùm mensq̃ quæ prima recumbis;  
 Pectore quo, Cybele, turpia probra subis?  
 Ad juga quæ domitos nectens aurata leones,  
 Sidera turrito vertice celsa teris,  
 Cui lætis saliant choreis, & cymbala pulsant  
 Aenea semiviri, turba comata, Phryges,  
 Coelicolùm quæ magna Parens subsellia cæli  
 Prima colis, nutu Præsulis icta ruis.  
 Probrosa hoc solum solabere damna; ruentem  
 Impete qui cæco te comitentur, habes:  
 Diruta procumbit tecum tua celsa propago,  
 Turba Deùm; lapsus associatque tuos:

Dum nequit in præceptis actæ succurrere Matri,  
 Ipsa etiam turpi victa pudore cadit.

xxvi. *Junii.*

S. PROSPERI Aquitanici Episcopi  
 Regiensis.

EPIGR. LXVI.

**T**ransferri extinctus Præsul, mandatq; sepulcro  
 Ornari cineres nobiliore suos:  
 Adnisi quærent confestim marmora, condit  
 Quæ Parus, & niveo Tænarus alba sinu.  
 Laudo pios animos; verum decora alma supersunt,  
 Quæis cultu tumulus splendidiore micet:  
 Bellator fortis, quæ stravit fidere dextro,  
 Errorum valida ponite monstra manu:  
 Pactoli hic Divus plusquam flarentis arenas,  
 Gemmiferi & plusquam munera Gangis habet.

S. ADALBERTI Confessoris, &  
 Levitæ.

EPIGR. LXVII.

**M**Armure Tænareo fulgentia templa sepulchro  
 Publica dum pietas tollit ad astra tuo,  
 Trabs brevior, tecti culmen fultura, retardat  
 Quod celsò nitidum vertice surgit, opus:  
 Sed

Sed mœsto artifices cessant dum pectore , sponte  
 Produxit molem longior illa suam .  
 Arida quæ tigni vegetaret robora , virtus  
 A Divi tumultu proxima Solis erat .

## A L I U D

## E P I G R. L X V I I I.

O Ceanus placidis fluctus ubi frangit arenis ,  
 Assurgunt pompa divite templa tibi :  
 Spumæa raptores qui verrunt æquora , præda  
 Advertunt illuc alliciente rates :  
 Vix littus tenuere , nigro velamine nubes  
 Desuper obductæ cum sacra tecta tegunt :  
 Huc , illuc frustra errantes delubra requirunt ,  
 Invia quæ tenui tecta vapore latent ;  
 Decepti abscedunt : ædes sed rursus ab alto  
 Clarefcit , nitido lumine visa procul :  
 Littora flagrantæ repetunt ; sacrique sub auras  
 Vanescunt iterum , nube tegente , lares :  
 Lassarunt dubias postquam sacraria plantas ,  
 Attonitos referunt ad freta salsa gradus :  
 Quò fugitis ? quæ vos terret fatalis imago ?  
 Roscida num sacrum quæ tegit umbra tholum ?  
 Quo magis obscuræ nigrescunt tegmine nubi ,  
 Templa micant oculis hoc magis illa meis .

XXVI. *Junii.*

S. ANTHELMI Episcopi Bellicensis :

EPIGR. LXIX.

**Æ** Gra tuos cineres quæ stipant agmina , falsis  
 Irridet scurræ lingua petulca joci :  
 Scommate pro diro gliscens per viscera tabes  
 Olli continuè proxima fata tulit :  
 Vim pestis dum nulla domant medicamina , suplex  
 Subsidium spreti Præfulis ore rogat :  
 Convaluit ; noxæ veniam Divumque reposcit ,  
 Sacraque , despexit quæ prius , ossa colit .  
 Nimirum subitus prostravit corpora morbus ,  
 Liber ut a mentis surgeret ille lue .

XXVII. *Junii.*

S. SAMPSONIS Hospitum Exceptoris :

EPIGR. LXX.

**H** Ospitium peregre advectis , molemq; super-  
 Collato grati Principis ære , parat : (bam,  
 Respirat trepido longarum errore viarum ,  
 Dum petit optatos extera turba lares :  
 Excipit errantes , seu fessos æquoris unda ,  
 Seu tulerit variis terra remota plagis ;  
 Sarcinulas humeris adimit , subvectat & ipse ,  
 Solatus rigidæ tædia dura viæ :

In-

Infruit ipse focos , & largius explicat ignem ,  
Torrida si gelido frigore membra rigent :  
Candida subnectens lateri mantilia , foedos  
Solvit , odorato tergit & imbre pedes :  
Expandit nitidæ depexa toralia mensæ ;  
Et reficit lauta languida membra dape :  
Carpere mox placidos lassato corpore somnos  
Alliciunt mundi candida lina thori .  
His ubi promeritis explevit tempora vitæ ,  
Axe super Divus præmia digna tulit .  
Degener accepto sed torpet munere , Divi  
Qui subiit sacra primus in æde vices :  
Enervat lentos deformis inertia mores ;  
Molliæque ignarus pectora languor habet :  
Objurgat Divus segnem delapsus ab astris ,  
Dum longo deses membra sopore foveat ;  
Hospitibus posthac vigilesque impendere curas ,  
Fuste minax cædens corpora nuda , docet .  
Hospita curavit non paucis agmina lustris ;  
Nunc ipsum curat verberare Xenodochum .

*F I N I S*



# INDEX SANCTORUM PARS I.

## A

- S. **A** *Braba.* pag. 184  
SS. **A** *Abramii Confessoris, & Mariae neptis.* 85.  
*Acatii Centurionis Martyris.* 141.  
*Acephima, Joseph, & Aetala Mart.* 120.  
*Adalberti Conf., & Levitae.* 198.  
*Adalberti Monachi Episcopi, & Mart.* 126.  
*Adhelardi Abbatis.* 14.  
*Agapes, Chionia, & Irenes Mart.* 99.  
*Aiberti Presbyteri Crispiniensis.* 107.  
*Albani Mart. Anglicani.* 122.  
*Albini Episcopi Andegavensis.* 76.  
*Alexandri, & Antonina Mart.* 137.  
*Alexandri Mart. alterius.* 149.  
*Alexandri Mart. Lugdunensis.* 127.  
*Althelmi Episc. Schireburnensis.* 162.  
*Amandi Episcopi Traiectensis.* 57.  
*Amphiani, & Aedefii Mart.* 101.  
*Andronici, & Athanasiae conjugis.* 74.  
*Ansberti Episc. Rhotomagensis.* 62.  
*Anthelmi Episc. Bellicensis.* 200.  
*Ansbimi Episc. Nicomediensis, & Mart.* 129.  
*An-*

## S A N C T O R U M

*Antbimi*, & *Sociorum Mart.* 145.  
*Antipa* Episc. *Bergomensis*, & *Mart.* 110.  
*Antonii* Patriarchæ *Constantinopolitani.* 65.  
*Apollinaris* *Virginis.* 18.  
*Apollonii* *Senatoris Mart.* 118.  
*Aquilina* *Virg., & Mart.* 182.  
*Arcadii* *Mart.* 28.  
*Attala* *Abbat.* 81.  
*Augustini* *Anglorum Episc.* 163.  
*Austreberta* *Virg.* 62.  
*Austregisili* *Archiepisc. Bituricensis.* 159.  
*Aviti* *Presbyteri.* 189.  
*Auxentii* *Abbat.* 67.  
*Auxilii* *Episc. Soliensis.* 70.

## B

**B** *Abyle* *Episc., & Mart.* 42.  
*Bademi* *Archimandrita, & Mart.* 108.  
*Basilei* *Episc. Amaseni, & Mart.* 128.  
*Berardi*, *Petri*, *Accursii*, *Aviti*, & *Otonis*  
*Mart.* 32.  
*Bertulphi* *Abbat.* 54.  
*Blesilla* *Vidua.* 38.  
*Boniti* *Arvernorum Episc.* 31.  
*Bonifacii* *Archiepisc. Moguntini, & Mart.* 174.  
*Bonifacii* *Episc. Ferentini.* 153.

## C

**C** *Alicopii* *Mart.* 107.  
*Caluppani* *Reclusi.* 80.  
*Cantii*, *Cautiani*, & *Cantianilla* *Mart.* 166.  
Cay-



# INDEX

- Carpis*, *Papuli*, & *Socior. Mart.* 115.  
*Catharina Sueda Virg.*, & *Vidua.* 91.  
*Ceadda Merciorum Episc.* 78.  
*Celerini*, & *Socior. Mart.* 52.  
*Clari Abbat.* 13.  
*Clementis Episc. Ancyrani Mart.* 39.  
*Codrati*, *Cypriani*, *Dionysii*, *Anecti*, *Pauli*, &  
*Crescentii Mart.* 81.  
*Concordii Mart.* 9.  
*Cristina Virg. mirabilis.* 194.  
*De SS. Crucis Signo.* 140.  
*Cunegunda Imperatricis*, & *Virg.* 80.  
*Curbberti Episcopi Lindisfarnensis.* 90.  
*Cyri Abbat.*, & *Joannis Mart.* 48.  
*Cyrilli Episcopi Herosolymitani.* 88.

# D

- D** *Annoli Episc. Cenomanensis.* 156.  
*Decem*, & octo *Martyrum Casaraugustano-*  
*rum.* 116.  
*Diaconi Martyris.* 169.  
*Donatiani*, & *Rogatiani Mart.* 161.  
*Dorothea Virg.*, & *Mart.* 56.  
*Dula Mart.* 185.  
*Dunstani Archiepisc. Cantuariensis.* 157.  
*Dympna Virginis*, & *Mart.* 155.

# E

- E** *Diltradis Regina Virg.* 191.  
*Eleutherii Episc.*, & *Evanthia Martis*  
*Martyrum.* 117.

El-

# SANCTORUM

- Elphegi Archiepisc. Cantuariensis, & Mart.* 118.  
*Emiterii, & Chelidonii Mart.* 79.  
*Epbraem Syri.* 50.  
*Epiphanii Episc. Ticinensis.* 39.  
*Epiphanii Episc. Constantiæ in Cypro.* 147.  
*Equipodii Mart. Lugdunensis.* 119.  
*Equitii Abbat.* 81.  
*Eucherii Episc. Aurelianensis.* 70.  
*Eugendi Abbat.* 12.  
*Eugenii Conf., & Mariæ filia.* 59.  
*Euphrasæ Virg.* 83.  
*Euphrosina Virg.* 10.  
*Eusebia cognomento Hospita.* 43.  
*Eustachii Abbat. Luxoviensis.* 97.  
*Euthicii Patriarchæ Constantinopolitani.* 106.  
*Euthymii Abbat.* 36.

# F

- F** *Austæ, Evalefii, & Maximi Mart.* 55.  
*Febronia Virg., & Mart.* 183.  
*Felicitis, Fortunati, & Achillei Mart.* 126.  
*Floriani Mart.* 139.  
*Fructuosi Episc., Augurii, & Eulogii Diaconorum.* 37.  
*Fulgentii Episc. Ruspensis.* 9.  
*Fursei Conf.* 31.

# G

- G** *Angulphi Martyris.* 146.  
*Genovesæ Virg.* 16.  
*Georgii Mart.* 124.

Ger-

# INDEX

*Germani Episc. Parisiensis . 164.*

*Gertrudis Virg. 87.*

*Gésulii, Cerealis, Amantii, & Primitivi Mart. 180.*

*Glyceria, & Laodicii Mart. 144.*

*Gordiani Mart. 144*

*Gordii Mart. 15.*

*Gregorii Episc. Lingonensis . 17.*

*Guduali Monachi, & Archiepisc. 175.*

*Gudula Virg. 22.*

*Guiberti Conf. 161.*

*Guillelmi Episc. Bituricensis. 25.*

*Guillelmi Ducis Aquitaniae . 63.*

*Guthlaci Anachoretæ . 112*

# H

**H** *Erculani Episc. Perusini . 77.*

*Hereberti Archiepisc. Colonienfis . 87.*

*Hermelandi Abbat. . 62.*

*Hermynli, & Stratonici Mart. 28.*

*Hidelfonsi Episc. Toletani . 42.*

*Honufrii Eremitæ . 180.*

*Hospitii Reclusi . 160.*

*Hugonis Abbat. Cluniacensis . 132.*

*Hugonis Episc. Gratianopolitani . 99.*

# I

**I** *Acobi Eremitæ . 46.*

*Inventionis SS. Diodori, Mariani, & aliorum Mart. 33.*

*Joannis Calibitæ Conf. 20.*

*Joan-*

# SANCTORUM

- Joannis Climaci.* 98.  
*Joannis Eleemosynarii Episc.* 41.  
*Joannis Hagustaldensis, & Eboracensis Episcop.*  
 140.  
*Joannis Silentarii Episc.* 151.  
*Joannis Syri Confess.* 88.  
*Jona, & Barachisii Mart.* 96.  
*Isaac Syri Peregrini, cognomento Servi Dei.* 111.  
*Isacii Conf.* 94.  
*Isidori Mart.* 54.  
*Juliana Virg., & Mart.* 68.  
*Juliani Mart., & Basilissa Virg.* 23.  
*Ivonis Presbyteri, & Conf.* 159.  
*Justini Philosophi, & Mart.* 114.  
*Justini Philosophi, Charitonis, & Socior. Mart.*  
 181.  
*Iuventini, & Maximi Mart.* 43.

# L

- L** *Andelini Abbat.* 185.  
*Landoaldi Archipresbyteri, & Confessoris*  
 89.  
*Launomari Abbat.* 35.  
*Laurentii Archiepisc. Cantuariensis.* 51.  
*Lea.* 90.  
*Leobardi Conf.* 35.  
*Leontii Mart.* 191.  
*Liphardi Abbat.* 171.  
*Longini Centurionis & Mart.* 84.  
*Luciani Mart.* 20.  
*Ludgeri Episc. Monasteriensis.* 93.  
*Lupicini, & Romani Abbat.* 75.

Lu-

# I N D E X

*Lupicini Reclusi.* [196.](#)

*Lutgardis Virg.* [187.](#)

## M

**M** *Acarii Patriarchæ Antiocbeni.* [110.](#)

*Macarii Senioris.* [14.](#)

*Majoli Abbat.* [147.](#)

*Mamerti Episc. Viennensis.* [146.](#)

*Manuel, Sabel, & Ismael Mart.* [188.](#)

*Marcella Vidua.* [49.](#)

*Marci Episc. Aretbusii Mart.* [96.](#)

*Margaretæ Regis Hungariæ filiæ.* [47.](#)

*Mariæ Egyptiacæ.* [108.](#)

*Mariæ Oegniacensis.* [193.](#)

*Mariani Lectoris, & Jacobi Diaconi Mart.* [134.](#)

*Martiani Conf.* [25.](#)

*Martii Abbat.* [115.](#)

*Martiniani Eremitæ.* [65.](#)

*Maximi, Dada, & Quintiliani Mart.* [122.](#)

*Maximi Mart.* [134.](#)

*Maximi Trevirensis Episc.* [165.](#)

*Medardi Episc. Noviomensis, & Gildardi Episc.*

*Rhotomagensis.* [177.](#)

*Meinradi Mart.* [38.](#)

*Melanæ Romanæ.* [48.](#)

*Meletii Episc. Antiocbeni.* [64.](#)

*Mellisi Episc. Londoniensis.* [127.](#)

*Modoaldi Episcopi Trevirensis.* [148.](#)

*Montani, Lucii, Juliani, & alior. Mart.* [71.](#)

## O

Ne-

# SANCTORUM

## N

**N** Estoris Episc. [72.](#)  
 Nicephori Mart. [61.](#)  
 Nicephori Patriarchæ Constantinopolitani. [84.](#)  
 Nicetæ Conf. [101.](#)  
 Nicetii Episc. Lugdunensis [101.](#)

## O

**O** Dilonis Abbas. [11.](#)  
 Odulphi Presbyteri. [181.](#)  
 Onesimi Mart. [67.](#)  
 Opportuna Virg. & Abbatisa. [123.](#)

## P

**P** Acomii Abbatis. [152.](#)  
 Pamphyli, Valentis, Pauli, Seleucii, Porphyrii, Theoduli, Juliani, & alior. Mart. [167.](#)  
 Paphnutii, & quingentorum quadraginta sex Mart. [131.](#)  
 Paregonii, & Leonis Mart. [69.](#)  
 Parthenii Episc. Lampsaceni. [58.](#)  
 Paterni Episc. Abrincensis, & Mart. [116.](#)  
 Patrocli Mart. [37.](#)  
 Patrum interemptorum in Sina, & Rabiti Regione. [29.](#)  
 Paule V. & [45.](#)  
 Pauli Archiepisc. Constantinopolitani. [176.](#)  
 Pauli Episc. Virdunensis. [60.](#)

Pe-

# INDEX

- Pelagia Virg. & Mart.* [137.](#)  
*Pelagia Virg. & Mart. alterius.* [178.](#)  
*Pergentini, & Laurentini Mart.* [170.](#)  
*Petri, Andrea, Pauli, & Dionysia Mart.* [154.](#)  
*Petri Archiepisc. Tarentasi.* [142.](#)  
*Petri Aulani.* [15.](#)  
*Petri Cubicularii Mart.* [82.](#)  
*Philoremi, & Phileæ Mart.* [52.](#)  
*Photini Episc. Sancti Diaconi, Epigatbi, Matu-  
 ri, Attali, Blandina, & Socior. Mart.* [169.](#)  
*Pionii, & Socior. Mart.* [50.](#)  
*Pipini L. Ducis Brabantia.* [71.](#)  
*Polyeusti Mart.* [23.](#)  
*Pontiani Mart.* [29.](#)  
*Popponis Abbatis.* [44.](#)  
*Porphyrii Episc. Gaza.* [73.](#)  
*Præjeli Episcopi Arvernorum, & Mart.* [43.](#)  
*Prosperi Aquitani Episc. Regiensis.* [198.](#)

## Q

- Q** *Virini Episc. & Mart.* [172.](#)  
*Quirici, & Julitta Matris Mart.* [186.](#)

## R

- R** *Emberti Episc. Bremensis.* [54.](#)  
*Ricardi Episc. Cicestrensis.* [103.](#)  
*Richerii Presbyteri.* [129.](#)  
*Rigoberti Episc. Rhemensis.* [17.](#)  
*Rictrudis Martianensis.* [149.](#)  
*Roberti Abbat. Anglicani.* [176.](#)  
*Roberti Abbat. Molismensis.* [133.](#)

# SANCTORUM

*Roberti Eremitæ, & Abbatis Casæ Dei . 127.*

*Romulæ Virg. 196.*

*Ruperti Vangiorum, & Salisburgensis Episc. 95.*

## S

*S Abæ Mart. Gotthi . 113.*

*Sabini Mart. 83.*

*Sadoth Episc. & Socior. Mart. 70.*

*Sampsonis Hospitum Exceptoris . 200.*

*Saturnini, Dativij, Felicis, & Socior. Mart. 63.*

*Servatii Episc. Tungrensis . 150.*

*Severi Episcopi Ravennatis . 51.*

*Severini Conf. 21.*

*Severini Abbat. Agaunensis . 64.*

*Silvani Gaza Episc. , & Socior. Mart. 139.*

*Simeonis Monachi Trevirensis . 167.*

*Simeonis Episc. Vstbazzania Eunuchi, & alior. Mart. 119.*

*Simeonis Mart. Tridentini . 91.*

*Simeonis Stylita . 18.*

*Simplicii Episc. 197.*

*Sisinnii Martyris, & Alexandri Mart. 165.*

*Siviardi Abbatis Anisolenis . 78.*

*Speusippi, Eleusippi, & Meleusippi Mart. 33.*

*Sulpitii Episc. Bituricensis . 34.*

*Swiberti Episc. Verdensis . 76.*

## T

*T Arafii Episc. Constantinopolitani . 72.*

*Terentii, Africani, & Socior Mart. 109.*

*Theo-*



# INDEX

- Theodora Virg.* & *Mart.* 102.  
*Theodora Virg.* & *Didymi Mart.* 104.  
*Theodori Archimandrita* 110.  
*Theodori Mart.* 58.  
*Theodosii Cænobiarchæ.* 26.  
*Theoduli,* & *Agatopidis Mart.* 103.  
*Theophanis Monaci* & *Conf.* 83.  
*Theophyli Conf.* 53.  
*Thermes,* & *Ferbuta Mart.* 105.

## V

- V** *Alentini Episc. Interamnensis.* 66.  
*Valentini Presbyteri.* 66.  
*Valerici Abbat.* 100.  
*Valerii Episc. Trevirensis.* 47.  
*Vedasti Episc. Atrebatensis.* 57.  
*Victoris Conf.* 74.  
*Victoris & Corona Mart.* 152.  
*Victoris Mauri Mart.* 142.  
*Villelmi Abbat. Roschildensis.* 106.  
*Vitalis,* & *Valeria Conjugis Mart.* 130.  
*Volphelmi Abbat.* 123.  
*Volstani Episc. Vigorniensis.* 35.  
*Vrsmani Episc.* 118.  
*Vulfrani Archiepisc. Senonensis.* 89.  
*Vinovaloci Abbat.* 79.  
*Vulmari Abbat.* 189.  
*Wironis Scotia Episcopi.* 142.

Zoe-

SANCTORUM

Z

**Z** Oerardi Meraci, & Benedicti Mart. 135  
Zenobii Episc. Florentini. 162.  
Zozimi Mart. 191.

FINIS.

---

ERRATA


Pag. 76. S. SILVESTRI  
Pag. 147. S. NICOLAI


CORRIGE

S. SUVIBERTI  
S. MAIOLI



1146 2008382





Handwritten text in a cursive script, possibly Urdu or Persian, located at the top of the page.

Handwritten text in a cursive script, possibly Urdu or Persian, located on the right side of the page.

Handwritten text in a cursive script, possibly Urdu or Persian, located in the center of the page.



